

60

(দ্বিতীয় অঙ্ক)



আনন্দচন্দ্র মিত্র কর্তৃক

বিস্তৃতি ।



कर्मिणीया ३७२२ कर्मिणीया ३७२२ कर्मिणीया ३७२२

ଶିକାରୀମାନଙ୍କୁ ନିଜ ନିର୍ଦ୍ଦେଶ ମୁଖ୍ୟତଃ ଓ ଆବଶ୍ୟକ ।

1570 072191

কতিপয় বৎসর পূর্বে মিত্রকাব্য শৃঙ্গারকাব্য প্রকাশিত
বঙ্গের সাহিত্য-সমাজ ইহার প্রতি আশাতীত মেহ
প্রদর্শন করিয়াছিলেন, নিম্নে কোন কোন সমালোচনার দুই
চারি পংক্তি উদ্ধৃত করা গেল।

The Author is evidently a wild nightingale. We
would advise the public not largely to patronize the
author, for if he got a good deal of money he would
take his flight to England, and not regale us with his
"Wood Notes Wild." *Bengal Magazine.*

অমিত্রাক্ষর "হেলেনা" কাব্য প্রণেতা সুবিদ্যা, উন্নতমনা
শ্রীযুক্ত বাবু আনন্দ চন্দ্র মিত্র কর্তৃক মিত্রাক্ষর ছন্দে প্রণীত এই
"মিত্র কাব্য" অনেক গুলি অনন্যোৎকৃষ্ট ভিন্ন ভিন্ন কবিতা
সন্নিবেশিত হইয়াছে। কবিতাগুলিতে যে ভাবুকতা এবং
বহুস্থলে প্রকৃত কবিত্বশক্তির পরিচয় আছে তাহা বলা বাহুল্য।
(এডুকেশন গেজেট।)

হেলেনা কাব্য লিখিয়া এই গ্রন্থকার আপনার কবিত্ব-
শক্তির বিলক্ষণ পরিচয় দিয়াছেন। তাঁহার বর্তমান কাব্য
খানি দ্বারাও আমরা সেই পরিচয় পাইলাম। ইহাতে বিবিধ
বিষয়ক কবিতা ও সঙ্গীতমালা প্রণীত হইয়াছে। কবির সরস ও
মধুর রচনা-শক্তি, স্বদেশাত্মরস ও বিশুদ্ধ ধর্মভাবু আশ্রয়
অনেক স্থলে উপলব্ধি করিয়া প্রলাভিত হইয়াছি।

(ভারত সংস্কারক।)

ইহাতেও আনন্দ বাবুর ক্ষমতার বিলক্ষণ পরিচয় পাইলাম।
আমরা আনন্দ বাবুর গুণ গ্রামের বিশেষ পক্ষপাতী, এবং
আমাদিগের ইহাও বিশ্বাস যে কালে তিনি একজন উচ্চ
শ্রেণীর কবির আসনে প্রতিষ্ঠিত হইবেন। (ভারতমিহির।)

মিত্রকাব্য ।

(দ্বিতীয় সংস্করণ)


আনন্দচন্দ্র মিত্র কর্তৃক

বিরচিত ।



কলিকাতা ১৩নং প্রিন্সিপ্যালস্ স্ট্রীট্‌, ব্রাহ্মমিশন যন্ত্রে
শ্রীকান্তচন্দ্র দত্ত কর্তৃক মুদ্রিত ও প্রকাশিত ।

১২৯৫ বঙ্গাব্দ ।



ভূমিকা ।

—১৯১—

ধিগত ষোড়শ বর্ষ সময়কে বঙ্গসাহিত্যের এক নবযুগ বলা যাইতে পারে। এই সময় মধ্যে বঙ্গভাষা ও বাঙ্গালা কবিতা অসাধারণ প্রসার লাভ করিয়াছে। এই সময় মধ্যে বঙ্গের শ্রুতি ও শ্লোককগণ নানা আভরণে সাত্ত্বভাষাকে সুসজ্জিত করিয়াছেন। এই সময় মধ্যে এই ক্ষুদ্র হৃদয়েও সময়ে সময়ে যে সকল ভাবের উদয় হইয়াছে, তাহার অধিকাংশই কবিতায় পরিণত হইয়াছে; এই মিত্রকাব্য সেই সকল কবিতার সংগ্রহ মাত্র। মিত্রকাব্যের ভূমিকায় ইহার অতিরিক্ত আগার আর কিছুই বলিবার নাই।

কতিপয় বৎসর পূর্বে মিত্রকাব্য ক্ষুদ্রাকারে প্রচারিত হইয়াছিল; বঙ্গের সাহিত্য-সমাজ তখনই ইহার প্রতি আশা-ভীত স্নেহ প্রদর্শন করিয়াছিলেন। আশা করি মিত্রকাব্যের কলোবর বৃদ্ধির সঙ্গে সঙ্গে সাহিত্য-সমাজের স্নেহের পরিমাণও বৃদ্ধি পাইবে।

আর একটি কথা বলিলেই সকল কথা বলা হয়। “মিত্রো-পাধিক গ্রন্থকারের কাব্য” না বুঝিয়া পাঠকগণ মিত্রকাব্য অর্থে যদি “মিত্রাঙ্গীর লিখিত কাব্য” বুঝেন, তাহা হইলেই আগার অভিপ্রায়ানুরূপ অর্থ করা হইবে। ইতি—
কলিকাতা, ১লা বৈশাখ ১২৯৫।

আনন্দচন্দ্র মিত্র ।

সূচীপত্র ।

বিষয়	পৃষ্ঠা।
ধন্যনা। ...	৭
আশার সংগীত ...	৯
ভারত-গল্প ...	১৭
সতী-মাহাত্মা ...	২২
পাগলাম বা প্রেমোন্মাদ ...	৩১
কলির রাজস্বয় ...	৪৬
বিজয়া দশমী ...	৬৮
কলির স্বপ্ন ...	৭৬
মাঘ-মহোৎসব ...	৯১
বিনোদ ও মালতী ...	১০১
ক্ষণের পর ...	১১০
ক্ষমলে কামিনী ...	১১৫
ভারত-কলক ...	১১৯
নিশীথ-চিন্তা ...	১৩২
ভারত-বিদ্যুৎ ...	১৩৬
আমাদের সমাজ ...	১৪১
বিবাহ-শঙ্কট ...	১৪৪
স্বরা-রাক্ষসীর উক্তি ...	১৫৪
যশোবরের পতন ...	১৫৮

কাল-মাহাত্ম্য	...	...	...	...	১৬৭
যুরোপ প্রবাসী বন্ধুর প্রতি		...		...	১৭২
সর্ববাদী-সম্মত স্তোত্র	...		...	...	১৭৬
সুখস্থান	...	...	...	...	১৮৪
আনন্দমোহনের প্রতি		...		...	১৮৯
শিবজীর যুদ্ধ-যাত্রা	...		...	...	১৯৪
মানবের ভাণ্ডা	...	...		...	১৯৮
বাঙ্গালার বর্ষা	...		...	...	২১১
দস্তাঙ্গের আত্মপরিচয়		...		...	২১৫
বাল-বিধবার স্বপ্ন	...		...	...	২১৯
উদ্দীপনা	...	...		...	২২৩
জাতীয় সংগীত	...		...	...	২৩২
পৌরাণিক ও ঐতিহাসিক গীত	...		...	...	২৪৮
ব্রহ্ম-সংগীত	...	...	...	...	২৫৬
বাউলে সংগীত	...	...	...	...	২৭৯
প্রেম সংগীত	...	...	...	...	৩০০
বিবিধ সংগীত	...	...	...	...	৩০৪

বন্দনা ।

হে মাতঃ কবিতেশ্বরী রেখো দাগে তব পদে,
ভরসা কেবল পদ বিপদ সুখ সম্পদে ;

নাহি মাতঃ জ্ঞান বুদ্ধি,

নাহি মাতঃ অন্তঃশক্তি,

সমুদ্র কেবল তব দয়া মাত্র হে বরদে ।

কেহ যুগ যুগান্তর ধ্যানে মুগ্ধ রাত্ৰি পদে,

কেহ পূজে মৃগমদে মাথাইয়া কোকনদে ;

নাহি মাত্র হেন শক্তি,

দীন তবু হীনভক্তি,

পতঙ্গ পশিতে কভু পারে কি গো পুণ্যভূমে ?

কি গা'ব মহত্ত্ব তব, আমি জ্ঞাত জাস্তিগদে ;

মক্ষিকা বুঝিবে কিগে, কি শোভা নবনীতদে ?

প্রভাকর-প্রভা মাতঃ ধরে কভু কি গোম্পদে ।

মিত্রকাব্য ।

আশার সঙ্গীত ।

লইয়া মধুর বাঁশি,
উষার পশ্চাতে হাসি,
ধীরে ধীরে আইলেন আশা স্নেহাসিনী ;
মধুর মধুর গতি,
মধুর মুখের জ্যোতি,
মধুর নয়ন-কোণে মধুর চাহনি ।

২

অরুণ-কিরণ-রেখা,
অন্তরীক্ষে দিলে দেখা,
আলস্য-আঁধার যথা দূরে চলে যায় ;
হোঁর লে সৌন্দর্য্য নানি,
আনন্দ সাগরে ভাসি,
কলকণ্ঠে বিহঙ্গেরা কত-গীত গায় ;

৩

কবির হৃদয়-দ্বারে,
বসিলেন আলো ক'রে,
সহস্র অরুণ রূপে সুর-সিমন্তিনী ;
তুলিয়া মধুর তান,
মাতায়ে কবির প্রাণ,
গাইলা ললিত স্বরে মৃতসঞ্জীবনী—

৪

“—উঠ উঠ ভরা করি,
মোহনিয়া পরিহরি,
অচেতন স্পন্দহীন থাকিওনা আর ;
প্রকৃতি মধুর অতি,
হাসিতেছে বসুমতি,
উষার আলোক করে অগিয়া সঞ্চার ।

৫

চলেছে প্রভাত বায়,
বিহঙ্গ আকাশে ধায়,
বিধিতার শব্দনাদ করি শ্রবণ
আলস্য উদাস্য ফেলে,
কর্মক্ষেত্রে নাও চলে,
জীবনের মহাত্রত করহ সাধন

৬

শুনিয়া মধুর গান,
মোহিত কবির প্রাণ,
হৃদি-গরোরবেরে উঠে আনন্দলহরী ।
উজ্জ্বলে মেলিতে আঁখি,
আপনার অঙ্গ ঢাকি,
বিদ্যুতের গত আশা দূরে গেলা চলি ।

৭

কবির হৃদয় দ্বার,
পুনঃ হলো অন্ধকার,
হরিয় বিষাদে কবি বিচলিত গন ;
আবার শুনে সে গীত,
নহে মাত্র পুলকিত,
কহিল আশারে ক্রোধে কবিতা তর্জন—

৮

—বুঝেছি বুঝেছি এসে,
মধুর সংগীত রবে,
ভুলিতে এনেছ আশা আর কেহ নয় ।
দূর হও গোয়াবিনি,
ক্রোড়ারে ভালুই জানি,
সম্পদের সাথী তুমি বিপদের নয় ।

৯

পরাধীন মৃত দেশে,
 রোগ শোক অনক্ৰেশে,
 পাপ তাপে জ্বলে মরি দিবস যামিনী,
 কত কথা কানে কানে,
 বলেছিল সংগোপনে,
 মনে কি পড়েনা তোর বিশ্বাসঘাতিনি ?

১০

মরীচিকা মরুভূমে,
 পথিকেরে ফেলি ভ্রমে,
 দূরে সরে গিয়ে করে সৌন্দর্য বিস্তার ;
 ভূলা'য়ে মধুর রবে,
 নির্যোধ মানব নবে,
 শেষে দাও ফাঁকি, এই ব্যভার তোমার।—”

১১

আবার কহিলা আশা,
 মধুর মধুর ভাষা,
 সহকার-শাখে যেন অদৃশ্য পুাপিয়া ;
 “—হ’ওনা নিরুশী এত,
 দুর্কল ভীরুর মত,
 জীবনের পথে এই সংগ্রাম দেখিয়া ।

১২

দুই বার দশ বার,
না হয় শতেক বার
হয়েছ রিকল-আশ, তাতে কেন ভীত ?
জীবন বধানা নয়,
হইবে সত্যের জয়,
বিধাতা মঙ্গলময়, জানিও নিশ্চিত ।

১৩

কেন এত দীন হীন ?
রবেনা দুঃখের দিন,
চিরদিন কুজ্বাটিকা থাকেনা আকাশে ;
• আবণের ধারা শেষে,
সুখের শরণ আসে,
অমানিশা অবসানে সুধাংশু আকাশে ।

১৪

শোন নি কি ইতিহাসে,
কত দুঃখ কত ক্লেশে
পাণ্ডবেরা জিহ্মেছিল কুরুক্ষেত্র রূপে ;
• অশ্বকৈরু বনে সীতা,
রক্ষপদে প্রপীড়িতা,
ধর্মবলে পেয়েছিল পতির গিলন ?

১৫

ঐ যে ব্রটন জাতি,
 যাহার বীরত্ব ভাতি,
 হয়েছে দিগন্তময় অমর-বাগনা ;
 রোমক নর্মাণ আর,
 ওলন্দাজ দিনেমার,
 করিয়াছে কতবার তাদের লাঞ্ছনা ।

১৬

উঠ উঠ ত্বর করি,
 উঠ শয্যা পরিহারি,
 বিধাতার শৃঙ্গনাদ করহ শ্রবণ ;
 কর্ম-ক্ষেত্রে যাও চলে,
 আলস্য উদাস্য ফেলে,
 জীবনের মহাব্রত করহ সাধন ।—

১৭

শুনিয়া আশ্রুর গীত,
 নান্ত হলো কবি-চিত,
 আশ্রুর আদেশে কবিঃ মেলিয়া নয়ন,
 দেখিলা নূতন ছবি,
 নূতন সুধাংশু রবি,
 যে এক নূতন রাজ্য নয়নরঞ্জন ।

১৮

দীপ্তিময় নভোমূল,
সুশ্রামল ধরাতল,
গঙ্গা ব্রহ্মপুত্র বহে কণক-লহরী ;
নূতন মানবজাতি,
(নূতন মুখের জ্যোতি)
রয়েছে ভারত ভূমি পরিপূর্ণ করি ।

১৯

উত্তরেতে হিমগিরি,
হানিতেছে ধীরি ধীরি,
পাদমূলে বসিয়াছে সাধক সহস্র ;
সাধিতেছে জ্ঞান ধর্ম,
যোগ ভক্তি আর কর্ম,
নূতন নূতন তত্ত্ব কহিছে অজস্র ।

২০

পূর্ব পশ্চিমে, কিবা,
হয়েছে অপূর্ণ শোভা,
বীরমদে ধাইয়েছে লক্ষ লক্ষ সেনা ;
জয়গান্য বঁধে গাথে,
শান্তির নিশান হাতে,
শুভ্রিছে ভারত যশ মত বীরকনা ।

২১

দক্ষিণে সমুদ্র-জলে,
 ছুটিতেছে দলে দলে,
 পোত যত নাম লেখা বাঙ্গালা 'অক্ষরে,
 বাঙ্গালা ভাষার ঐন্দ্র,
 কত বহে নাহি অস্ত,
 ভারতের পণ্য যত বহে ধরে ধরে ।

২২

মধ্যদেশে বিদ্যুৎচল,
 পরম প্রীতির স্থল,
 কীর্তির মন্দির তথা উঠেছে আকাশে ;
 বসেছেন তার মাঝে,
 কণক-সরোজ-রাজে,
 ভারতের রাজ-লক্ষ্মী পরম হরষে ।

২৩

নানা দিক্ দেশ হতে,
 নানা রত্ন লয়ে হাতে,
 আগিতেছে কত লোক্ক নুযায় গগন ;
 বীর, কবি, দার্শনিক,
 বণিক কি বৈজ্ঞানিক,
 স্বহস্তে দেবীরে গবু করিছে অর্চন ।

২৪

আবার কহিলা আশা,
গধুর গধুর ভাষা,
“—এই যে সুন্দর দৃশ্য দেখে কবির,
এ সব কল্পনা নয়,
হবে সত্য সমুদয়,
ভারতের ভবিষ্যৎ এমনি সুন্দর ।

২৫

চলেছে প্রভাত বায়
বিহঙ্গ আকাশে ধায়,
বিধাতার শৃঙ্গনা দ করহ শ্রবণ ;
আলস্য উদাস্য ফেলে,
কর্ম-ক্ষেত্রে যাও চলে,
জীবনের মহাভ্রম করহ সাধন ।”

ভারত-মঙ্গল ।

(বসন্তে স্বপ্ন)

গজায়ে-মোহিনী বীণা দেব তপোধন,
আনন্দে অগরাবতী করিলা গমন ।

বামে শচী সোহাগিনী,—শশী সঙ্গে সৌদাগিনী,—
 যথা শোভে সুরপতি সহ সুরগণ ,
 —অতুল বাসবসভা, ভূতলস্থপন ।—

২

দেবর্ষি কহিলা গিয়া ত্রিদশের দলে
 “উৎসব আমোদে আজ মজ্জহ সকলে,
 হাগ্য মুখে দেবমাতা,— কহিলেন এ ভারতা
 (ধোয়াও অমরাবতী মন্দাকিনী জলে)
 ভারত হবেন রানী অবনীমণ্ডলে ।”

৩

উঠিল অমরবাদ্য অমরনগরে,
 শোভিল অমরপুরি পারিজাতধরে ;
 দেবর্ষি বাজান বীণা ; তাধিয়া তাধিয়া ধিনা,
 মুরজ মন্দিরা বাজে বিদ্যাধরী করে ;
 পুরিল সকল বিশ্ব সঙ্গীতের স্বরে ।

(ঐক তান)

শুভক্ষণ যায় বয়ে দ্বরা করি যাওরে ;
 ভারতগঙ্গলগীত প্রাণভরে গাওরে ,
 আন শিক্ষা তুরী ভেরী, শঙ্খ ঘণ্টা দ্বরা করি,
 মধুব মন্দিরা আর মৃদঙ্গ বাজাওরে,
 ভারতগঙ্গলগীত একবার গাওরে ।

৪

কি শুনি কি শুনি ঐ আনন্দের ধুম !
 গরু ভূমে ফুটিল কি অকাল-কুমুম ?
 ওইযে জননী এসে, দেখা দিলা হেসে হেসে,
 রাজরানী বেশে আহা উজলিয়া ভূম ।
 জাগরে ভারতবাসি ত্যজ ঘোর ঘুম ।

৫

ধরনী ধরেছে কিবা আনন্দমূরতি !
 বিমল অম্বরকোলে খেলে দিনপতি,
 ভ্রমর কোকিল গায়, শুনে প্রাণ উড়ে যায়,
 মৃদুল তরঙ্গে রঙ্গে বহে মৃদুগতি ;
 উঠরে উঠরে ভাই ভারত নস্তুতি ।

৬

আনন্দে গায়েরে লয়ে চল সব যাই হে,
 হিমাদ্রির হেমকুটে যতনে বসাই হে ;
 সিন্ধু আর ভাগীরথী, গোদাবরী সরস্বতী,
 নর্মদা কাবেরী জলে কমরী মিশাই হে,
 ভারত কলঙ্ক যত্নে তাহাতে ধোয়াই হে ।

• (ঐক তান)

শুভক্ষণ যার বয়ে তরা করি যাওরে,
 ভারতমূল-গীত প্রাণ ভরে গাওরে ;

২

আন শিঙ্গা তুরী ভেরী, শঙ্খ ঘণ্টা তুরা করি,
মধুর মন্দিরা আর মৃদঙ্গ বাজাওরে।
ভারতমঙ্গল-গীত একবার গাওরে।

৭

কাশী কাঞ্চি নবদ্বীপ সব পরিহারি,
এস যত আর্য্যস্মৃত এস তুরা করি,
সবে মিলে এক তানে, গভ্র হও বেদগানে,
শুভক্ষণে ভারতেরে অভিব্যেক করি,
এস যত আর্য্যস্মৃত এস তুরা করি।

৮

কোথা মহারাষ্ট্র কোথা সিন্ধু রাজস্থান,
বীর বেশে বীর বন্দ করহ প্রস্থান,
এস যত বীর বালা, যতনে গাঁথহ মালা,
জাতি যুধি মল্লিকায়—মধুর আধান—
ভারতের কণ্ঠে আনি করহ প্রদান,

৯

দামস্ত্র ছাড়িয়া এস বঙ্গবানী যত,
ত্রিয়মানা বঙ্গবালা লজ্জাবিত্তী মাত,
চাক্ষুশীলা পতিব্রতা, সরলতা পবিত্রতা
প্রীতি উপহারে আনি পূজহ নিয়ত,
ভারতের রাজ্য পদ দেখি মনোকণ্ঠ।



(এক তান)

শুভক্ষণ যায় বয়ে জরা করি যাওরে,
ভারতমঙ্গল-গীত প্রাণভরে গাওরে,
আন শিখা তুরী ভেরী, শঙ্খ ঘণ্টা জরা করি,
মধুর মন্দিরা আর মৃদঙ্গ বাজাওরে,
ভারতমঙ্গল-গীত প্রাণভরে গাওরে ।

১০

শুভক্ষণে শুভযাত্রা কর শীঘ্র করে,
“জয় ভারতের জয়” । গাও সমস্তরে,
উঠ উঠ উঠ রথে, কুসুম ছড়াও পথে
শান্তির নিশান শুভ্র উঠাও অস্তরে,
“জয় ভারতের জয়” । লিখ তার পরে ।

১১

ধোয়াও সকল স্থান গোলাপী আতরে,
সাজাও কুসুমধর প্রাতি ঘরে ঘরে,
অগুরু চন্দন যত, মাখ তাতে মনোমত,
ঢাল দুধ যত মধু হেমকুণ্ড ভরে,
দেখিয়া লাগুক আস দেবাসুর নরে ।

১২

নব নব রাগ স্থানে গাঁথি গীতহার,
মায়ের চরণে সবে দাও উপহার,

মধুর পঞ্চমে গাও, অম্বর পুরিয়া দাও,
 পাখোয়াজে মিশাইয়া সারঙ্গ সেতার,
 গাও সব কুতূহলে বসন্ত-বাহার । (১)
 (ঐক তান)

শুভক্ষণ যায় বয়ে ছরা করি যাওরে,
 ভারতমঙ্গল-গীত প্রাণ ভরে গাওরে,
 আন শিক্ষা তুরী ভেরী, শঙ্খ ঘণ্টা ছরা করি,
 মধুর মন্দিরা আর মৃদঙ্গ বাজাওরে,
 ভারতমঙ্গল-গীত একবার গাওরে ।

সতী বাহাত্ম্য ।

বাজ্রে বাঁশরি, মধুর সুরবে,
 যে নূতন গীত বঙ্গবাসী কবে
 শোনে নাই, তাহা শুনারে আজ ;
 না জানিগ যদি তুলিতে স্মৃতিগ,
 না বুঝিগ যদি রাগ ভাল মান,
 আপনার রবে বাজ্রে বাজ্ !
 কাব্য-রঙ্গ-ভূমি হায় সে ইতালী !
 হোরেস্, দান্তে, যথা করি কেলি, (১)

পাইলেন স্থান কবিকুঞ্জ-বনে ;
বাজ্ উচ্চৈশ্বরে, কেন নিরুদ্যম ?
জানি আমি তুই বাঁশির অধম,
যাইতে মে দেশে ভয় কি মনে ।

৩

কেন লাজ ভয় ? বাজ্ ওয়ে বাঁশি,
তো'র ঐ রব আমি ভালবাঁশি,
আপন আনন্দে বাজ্ আপনে ;
বাজে যবে বীণা বাগ্ দেবী করে,
গধুর পঞ্চমে কোকিল কুহরে,
রাখালের বাঁশি বাজে নাকি বনে ?

৪

চেয়ে দেখ, ও কে একাকিনী ধনী,
অমল কোমল সুধাংশু-বদনী,
রূপের আলোকে ভুবন ভরা ;
হেন রূপরাসি আছে কি কোথায়,
সৌদামিনী কিরে ভুতলে সূটায়,
পড়েছে কি খসে গোমূলিতারা ?

৫

হেন, রূপরাসি কোথা দেখি নাই,
গরে যাই লয়ে রূপের বালাই,

সরল পবিত্র বীরভ্রমাখা ;
 কুটিল কটাক্ষ নাহি সে অপাঙ্গে,
 কুঙ্কিত কপাল চিস্তার তরঙ্গে,
 নয়ন চিবুকে চপলা রেখা !

৬

সৌন্দর্য্য মাধুর্য্য, প্রেম, পবিত্রতা,
 প্রতিভা, গরীমা, শীলতা, ধীরতা,
 একধারে আর আছেরে কৈ ?
 (যথা রূপ তথা কলঙ্কের রেখা,
 যথা রূপ তথা চাপল্য ভীরুতা)
 রোম বীরকুলকাগিনী বই ।

৭

জগতের রাণী রোম পুণ্য-স্থান,
 শৌর্য্য বীর্য্য প্রেম পুণ্যের আধান,
 দেব অংশে জন্মে যার তনয় ;
 সেই কুলবালা লুক্রেসিয়া সতী, (২)
 শৌর্য্যবীর্য্যবতী ধীরা ধর্ম্মমতি,
 যাবু যশোগীত জগতময় ।

৮

চেয়ে দেখ দেখ কি করিছে বালা,
মাণিক হীরকে গাঁথিছে কি মালা,
বিলম্বিত বেণী সম্মুখে রাখি ?
যেন বারে পড়ে চম্পকের কলি, ।
তালে তালে বালা ফেলিছে অঙ্গুলি,
নাচিছে নয়ন খঞ্জর পাখী ।

৯

নহে ঐ বেণী, ওষে ভোগ ধনু ।
নাহি গাঁথে হার সাজাইতে তনু
হেম হীরা কিবা গনি রতনে ;
ধন্য ধন্য তুমি রোগকনন্দিনি ।
হৃদয় গৌরবে সদা গৌরবিনী,
কুলমান যশ রাখ যতনে ।

১০

গাঁথ শরাসন, গাঁথ আঁর বার,
ভুতলে ভোমরা বশোর ভাণ্ডার,
বশোর মেখলা পরগো অঙ্গে ;
ছাইবে ভূরনী ভোগার সুরবে,
শুনিয়া ভুল্লিবে অগর মাননে,
গানে দীন কবি সুদর বঞ্চে ।

১১

একি দেখি, তুমি কে এলে হেথায় ?
 এ দেখি পুরুষ । যেতেছ কোথায় ?
 ফিরে ফিরে চাও পদ স্থির নয় ;
 তস্করের মত কেন এত ভয় ?
 কেন স্নান মুখ, চঞ্চল হৃদয় ?
 এ রমণী তব বল কে হয় ?

১২

যদি এ রমণী তোমার ভগিনী,
 রত্নগর্ভা তবে তোমার জননী,
 ধরিলা জঠরে হেন রতনে ।
 পতি যদি তুমি এর ভাগ্যবান,
 ইন্দ্রের ইন্দ্র কর তুচ্ছ জ্ঞান,
 শত শচী তুমি ঠেল চরণে !

১৩

একিরে একিরে ওরে দুরাচার !
 এখনি ভাঙ্গিব মস্তক তোমার,
 ছাড়রে পাপীষ্ঠ, এ হেন উদ্যম ;
 সতী নাথবী বালা বদে ধরি তাকে,
 ভানাইতে চান্ কলঙ্কনাগ্নরে,
 দুষ্ট দুরাচার ওরে নরাধম !

১৪

মারু মারু মারু ঐ ছুরাচারে,
শৃগাল কুকুরে খাওয়ারে উহারে,
শত পদাঘাত কররে বক্ষে ;
সতীর উপরে নীচ দৃষ্টি যার,
সহেনা মেদিনী সে পাপীর ভার ।
দীণ্ড করি শূল বিধাও চক্ষে ॥

১৫

কাদিলা রমণী—“কোথা র’লে ডাক্ত ।
কিষ্ণা এ সময়ে কোথা প্রাণনাথ !
রক্ষ এ বিপদে আমার প্রাণ ;
দুষ্ট টার্কুইন্ রোমের কলঙ্ক, (৩)
ঘোর পাপাচারে সদা নিরাতঙ্ক,
হরিল বিথুল কুলের গান ।”

১৬

বলিতে বলিতে আইল তথায়,
দপটে গর্জিয়া হর্যাক্ষের প্রায়,
শত্রুর জামাতা দুই রোমাণ ;
পাপীর হাথে উপজিল অাগ,
পলাইল দূরে হয়ে উর্দ্ধশ্বাস,
মুহুর্তের তরে বাঁচিল প্রাণ ।

১৭

বাঁচিলি বাঁচিলি বাঁচিলি এখন,
 পাণী নরাধম স্বাপদ দুর্জন,
 কিত্ত এর দণ্ড পাবিরে পরে ;
 রোমাণের ক্রোধ জ্বলন্ত অগিনি,
 পূর্ণাহুতি বিনা নিবে না কখনি,
 ভয়ে কম্পমান অমর নরে ।

১৮

পুণ্যময় রোগ এ কলঙ্ক তার,
 রাখিলি রাখিলি ওরে দুরাচার,
 শৌর্য বীর্য গান ভুলিলি সব ;
 রাজা হয়ে তুই করিলি যে কাজ,
 হীনজনে তাহে ঘটে ঘোর লাজ,
 ধিক্ ধিক্ তোর রাজত্ব বিভব ।

১৯

অথবা ধরার এমনি বিচার,
 স্বথা অনুযোগ, স্বথা এ ধিক্কার,
 পাপের সংসার, পাপের জ্বর ।
 কখনোবা হানি কখন রোদন,
 কভু বুকে ছুরি কভু সংশায়ণ,
 হায়রে বসুধা কলঙ্কময় ।

২০

রূপের অনলে পোড়েনি যে জন,
সেই ভাগ্যবান্ সুধীর সুজন,
প্রগতি তাঁহার চরণতলে ।
দেখরে সুরূপ বিরূপ হইয়া,
গুরু শিষ্য জ্ঞান নিলোপ করিয়া,
রাখিল কলঙ্ক শশাঙ্কভালে ।

২১

রূপের প্রভাবে কাব্য রাগায়ণ,
রূপের মহাত্ম্য গা'ন দৈপায়ন,
ভারত রূপের কলঙ্ক ঘোষে ;
রূপের কপালে হোক বজ্রপাত,
সুবর্ণের ট্রয় হল ভস্মগাণ্ (৪)
রূপের বিকারে, রূপের দোষে !

২২

কি ফল হইয়া সুরূপে বিগুণ ?
যথা রূপ তথা থাকে যদি গুণ,

সোণায় সোহাগা বাখানি তারে ;
 রূপবতী যেই সাধবীগতী সেই,
 হয় যদি তার তুলনা ত নেই,
 রূপে অন্ধ যেই ধিকরে তারে ।

২৩

নতীর ছক্কারে কাঁপিল মেদিনী,
 “ধিক্ ধিক্ ধিক্” উঠে ঘোর ধ্বনি,
 ঘরে ঘরে রোমনগরময় ;
 দন্তে দস্তাঘাত করিছে রোমান,
 গর্জিছে রমণী সাপিনী সমান,
 শুনি টার্ক ইনের কাঁপে হৃদয় ।

২৪

সাজিল রোমান সমরের সাজে,
 কহিলা—“বধরে টার্কু ইন্ রাজে,
 রোগের কলঙ্ক ঘুচাও সত্বরে ।”
 তুষ্ট টার্কু ইন্ পুয়ে মহাভয়,
 (ভিত্তির ভাঙার পাণীর হৃদয় ।)
 পলাইল ত্রাসে নগর ছেড়ে ।

২৫

অগনি গর্জিল রোমবীরগণ,
 “নবংশে পাণীর কর নির্দাক্ষণ,

রোম পুণ্যভূমে কলঙ্ক রেখা,
(নতীর মহত্ব থাকুক অটল,
কাপুক বীরের বীর্যো ধরাতল ।)
আর যেন কছু না দেয় দেখা । ৪

পাগলাম বা প্রেমান্নাদ ।

“ There is a pleasure in madness which madmen
only know.”

বিষম উন্মাদ আগি হইয়াছি ভাই রে,
এমন পাগল বুঝি আর কেহ নাই রে ;
শুনেও প্রাণের কথা কেউ প্রাণে নেয় না,
পাগল জেনেও লোকে গায় ধূল দেয় না ।

৪ । যৎকালে টাকুইন বংশ রোমের সিংহাসনে অধিষ্ঠিত ছিল, তখন
নরপতি টাকুইন দি' এল্‌ডারের কোন বন্ধু তাহাকে নিমন্ত্রণ করিয়া স্বতঃস্বে
লইয়া যান। বন্ধুপত্নী লুক্রেসিয়ার রূপ লাভণো মুগ্ধ হইয়া টাকুইন
অসদভিসন্ধি-পরায়ণ হয়। এই বিগর্হিত অমুষ্ঠান জন্ত টাকুইন বংশ রোম
হইতে নির্বাসিত হয় এবং উত্তর কালে বিষম-সংগ্রামাদি হইয়া রোমরাজ্যে
সাধারণতঃ শাসন-প্রণালী প্রতিষ্ঠিত হয়।

কুটিল সংসারে যেই মন প্রাণ খুলেছে,
 লোকে তার অগনি পাগল নাম ভুলেছে !
 বলুক পাগল লোকে তবু প্রাণ খুলিব,
 ভুলিতে কি পারি কথা ? কি করিয়া ভুলিব ?
 হয়েছি পাগল আমি ছন্দোবন্দ জানি না,
 অভিধান ব্যাকরণ আদবেই মানি না ।
 সে মুখের চুশনটি ওষ্ঠাধারে লেগে আছে,
 নয়নের সে চাহনি ছনয়ে বিঁধে গেছে,
 সেই সুখ আলিঙ্গন বক্ষ মাঝে পশে আছে ;
 প্রেমমাখা সেই স্মৃতি প্রাণে প্রাণে মিশে গেছে !
 এক কথা বারে বারে বলে যে এ সংসারে,
 প্রকৃত পাগল লোকে বলে থাকে তাহারে ;
 যত কই সেই কথা ততই তা গিষ্টি লাগে,
 কহিতে কহিতে কত সুখস্বপ্ন প্রাণে জাগে !
 কেমনে পাগল আমি হইয়াছি ভাই রে,
 একবার মন খুলে বলি শোন তাই রে ।

২

যেই দিন গেছিলেম যমুনার পুলিনে,
 সেই প্রেম-প্রতিমারে দেখিলেম নয়নে ;
 অনন্ত আশার স্রোত প্রাণময় বহিল,
 হৃদয়ের কাণে কাণে কে জাকিল কহিল ;

পোড়া প্রাণ সে অবধি আর কিছু চায় না ;
 নয়নের দিঠি আর কোনদিকে যায় না ,
 জীবন আকাশে যেন সুখ-তারা উঠিল,
 উষার আলোকে যেন অন্ধকার টুটিল ;
 না জানি কি গধুরিমা ঐ মুখ হইতে,
 ছড়িয়া পড়িল আহা সমুদয় জগতে ;
 মরুস্থল সম আগে ছিল যেই জননী,
 অনেক সুন্দর যেন হয়ে গেল তখনি ;
 সংসারে আগিয়া আগি কখনোতো হাসি নি,
 স্থাবর জঙ্গমে কভু কারে ভালবাসি নি ;
 সেই দিন ~~কত~~ মোর মুখে হাসি আইল,
 কি জানি অজ্ঞাত প্রেম ধরাতল ছাইল ।
 ক্রমে ক্রমে সে যখন নয়নের কোণেতে,
 প্রাণের অনল-শিখা ঢেলে দিল প্রাণেতে,
 অধীর হইয়া কত “আই চাই” করিলাম,
 পাগল হইব ইহা তখনিতো বুঝিলাম ।

৩

ক্রমে ক্রমে সে যখন আপনার হইল,
 জীবনের কল-কাঁটি হাতে করে লইল ;
 দুই দিন দশ দিন কাছে আগি বসিল,
 প্রাণের ~~কু~~পাট খুলি ভাল করে পশিল ,

দুই মাংসে ছয় মাংসে কত কথা কহিল,
 তারি লেগে কত কিছু অনুযোগ সহিল ;
 কঠেতে প্রাণের কথা মুখে তার ফোটে নি;
 আবেগে নয়ন দুটি ছোট্টে ছোট্টে ছোট্টে নি,
 সেই মুখ সেই চোকে যতবার চেয়েছি,
 অকুল সাগরে পড়ে হাবুডুবু খেয়েছি !
 কেন যে এমন হলো নারিলেম বুঝিতে,
 জোয়ারের জল যেন মিশে গেল নদীতে ;
 একবার এলে নেও উঠে যেতে চায় নি,
 সমুখে খাবার রেখে কতদিন খায় নি ;
 যা কিছু বাগিত ভাল সে সজ্ঞা চায়নি,
 আমোদ প্রমোদে আর একদিনো যায়নি ;
 অনিচ্ছায় উঠে যেতে অশ্রুবিন্দু বারেছে,
 অন্ধেক পাগল মোরে তখনি যে করেছে !

৪

তার পর একদিন-কি কহিব ভাইরে,
 জীবনে এমন দিন দুটি হয় নাই রে ;
 সারা নিশা কত কিছু সুখস্বপ্ন দেখিলেম,
 জেগেও সকল কথা মনে তুলে রাখিলেম ,
 ভাবেতে বিবশ হয়ে রহিলমি শব্দনে,
 ভাবনার নেশা বড় লেগেছিল মনে ;

ছুঃখের সুখের নিশি তখনো পোহায় নি,
 অবনীর অধিকার ভাল করে যায় নি ;
 হেন কালে সেই ঘরে না জানি কে আইল,
 উষার আলোকে যেন কক্ষতল ছাইল ;
 সহসা নয়ন গেলি তার পানে চাইলাম,
 পরাণ-পুতলি গম দেখিবারে পাইলাম ;
 প্রেমের উচ্ছ্বাসে তার মুখখানি ভেঙ্গেছে,
 একটা ফুলের তোড়া হাতে করে এনেছে ?
 অরুণে করিয়া কোলে উষা যেন হানিছে,
 অন্তর-আকাশে গম সেইরূপ ভানিছে ;
 নীরবে শিয়রে আমি ধীরে ধীরে বসিল,
 অলক্ষিতে কুন্তলের বাঁধনটা খসিল ;
 ঘন ঘন শ্বাস বহে দেখিবারে পাইলাম,
 ভুলিয়া সকল কথা আপনা হারাইলাম ।

৫

তারপর কি হইল পারিব না কহিতে,
 প্রাণে যে আবেগ হয় পারি না কো সন্নিহিতে ;
 ধীরে ধীরে হৃৎ খানি দুইহাতে ধরিল,
 মাতার উপরে রাখি ধর্ম সাক্ষী করিল ।
 সে তত্ত্ব পরশে দেহ মিহবিয়া উঠিল,
 বিদ্যুৎ-জ্বল-মিখা সব গায় ছুটিল ।

হাতের উপরে সেই ফুলগুলি রাখিয়া,
 ভগকণ্ঠে বলেছিল মুখপানে চাহিয়া ;
 “—এই ফুলগুলি সহ হৃদয় আমার রে,
 আজি হতে চির তরে সঁপিলাম তোমারে ;
 এখনো এ ফুলগুলি পতঙ্গেরা খায়নি,
 শিশির রয়েছে গায় রোদেতে শুকায়নি ;
 সেইরূপ এ হৃদয় ফুটিয়াছে যখনি,
 অপিব তোমার হাতে ভেবেছিছু তখনি ;
 একদিন দুই দিনে বনফুল শুকাবে,
 অনন্ত অনন্ত কাল এই প্রেম থাকিবে ।—”
 কথা শুনে হৃদয়েতে ধরিলাম তাহারে,
 ভাঙিল বালুর বাঁধ নয়নের আগারে ;
 প্রাণের সকল কথা প্রাণে করে লইলাম,
 সেইদিন সেই ক্ষণে উন্মত্ত হইলাম ।

৬

ধন জন মান যদি অহসা হারায় রে,
 শুনেছি মানুষ পাগল হয়ে যায় রে ;
 ছিলেম দরিদ্র তার মহাকিনি পেয়েছি,
 না জানি কি অপরূপ পাগলি যে হয়েছি !
 নিরেট কঠোর যাহা ছিল আগে জগতে,
 লইয়া কঠিন প্রাণো পারি নাই দেখিতে ,

আমার সঙ্গেতে যেন সকলেই মেতেছে ;
 পাগল লইয়া যেন কোন্ দেশে যেতেছে,
 তটিনীর কল কল অনিলের শব্দ শনি ।
 বিহঙ্গ কাকলি আর কাননের বাবুনি,
 নক্ষত্রের ঝিকিমিকি আকাশের নীলিমা,
 শৈশবের সরলতা গোবনের গরীমা,
 সকলেই পাগলের মহাগীত গেতেছে,
 আমার সঙ্গেতে যেন সকলেই মেতেছে ;
 গিয়েছে সকল ভয় নাহি কিছু ভাবনা,
 দিন মাস পক্ষ বার নাহি করি গণনা ;
 না জানি সেরূপে হয় কিবা যাদু করিল,
 সমস্ত সংসার তাতে উন্মত্ত হইল ;
 এর আগে কোন দিন পাগল তু হইনি,
 এলোমেলো এত কথা কখনো তু কইনি ।

৭

এক দিন সন্ধ্যাকালে গেছিলাম বাগানে,
 আঁচস্থিতে সেইখানে দেখা হলো দুজনে ;
 কেন জাতি বলুছিলাম—“বুঝেছিরে বুঝেছি,
 পাগলেরে প্রাণদিয়ে মজেছিরে মজেছি ;
 তুমি হয় আমার হকে বুঝিতে তা পারিনে,
 আমি কিন্তু চিরকাল আর কিছু জানিনে ।”

শুনে নিদারুণ কথা অচেতন হইলেম,
 তাহারি চরণ-তলে ধরা তলে পড়িলেম;
 আদরে লইয়া কোলে মুখ পানে চাহিল,
 বুকে টেপে এ মাথাটি গদ গদ করিল;
 —“পরাণ পুতলি তুমি আমারি পাগলরে !”
 কপালে পড়িল তপ্ত দুই বিন্দু জলরে !
 কামিনী-কুসুম-তরু সেই রঙ্গ দেখেছে,
 মধুর চাঁদের আলো সেই ছবি লেখেছে;
 এখনো সে তরুশিরে সেই চাঁদ উঠিছে,
 এখনো সে কামিনীর সেই ফুল ফুটিছে;
 সেই চাঁদ সেই ফুলে সুধাইবে যখনি,
 ঈষৎ হাসিয়া তারা বলে দিবে তখনি,
 —“মধুর সুন্দর মোরা কত কি দেখেছি ভাই,
 পাগলের খেলা কিন্তু এমন আর দেখি নাই।”

৮

এক দিন পাগলীর অসুখের লাগিয়া,
 আনাহারে বসেছিলু নারা নিশি জাগিয়া,
 পাগলী অজ্ঞান ছিল তা দেখে ঘুগাইনি,
 মরার মতন ছিনু জল ফোটা খাইনি।
 নিশি ভোরে পাগলিনী পেয়েছিল চেতনা,
 চোক মেলে ঘুচাইল মরনের যাতনা;

অরুণ কিরণে যেন হিমশিলা গলিল,
 ছনয়নে আনন্দের বারিধারা বহিল ।
 বলেছিল পাগলিনী—“বুঝেছি বুঝাও নি,
 অভাগীর মাথা খেয়ে কিছু বুঝি খাওনি—”
 রহিনু নীরবে শুনে মোহাগের তাড়না,
 মনে মনে বলেছিলু—“প্রাণেশ্বর, আর না ।”
 বলেছিল পাগলিনী—“নাই বুঝি মনেতে,
 ঐ প্রাণ মিশে গেছে অভাগীর প্রাণেতে ;
 দুইটা শিশির বিন্দু এক হয়ে গিয়েছে,
 এ দেহ তোমার, ওটা আমার যে হয়েছে ;
 মরার উপরে তুমি অভাগীরে মেরেছ ।
 আমার শরীরে তুমি অযতন করেছ ।”
 “অপরাধ করিয়াছি” বলে হাত ধরিলাম,
 প্রেমানন্দে পাগলীর পায়ে শুয়ে পড়িলাম,

৯

আর এক দিন আমি অপনে যা দেখেছি,
 কালিকুর কথা সম সব মনে রেখেছি ;
 না জানি কেমন করে কোন দেশে বাইলাম,
 কি জানি কেমন করে পাগলী হারাইলাম ।
 “পাগলি আমার তুই কোথা গেলি চলিয়া”
 ঘরে যাক কাঁদিলাম এই কথা বলিয়া ।

অবশেষে কোন এক রাজপুরে যাইলাম,
 রাজ-সিংহাসনে গিয়া পাগলীরে পাইলাম ।
 “তোমার তরে পাগলিনী কাদিয়াছি কত রে,
 পাষাণি, তোমার মনে ছিল নাকি এত রে !
 আয় মোর পাগলিনি !” এই কথা বলিতে,
 পাগলিনী পদাঘাত করেছিল বক্ষেতে,
 নিকটে ঘাতক ছিল, সেও এসে ধরিল,
 শিরশ্ছেদ করিবারে অস্ত্রহাতে করিল ।
 ঘাতকেরে কহিলাম—“দেখ দেখ ভাই রে,
 পাগলিনী বিনে মম অন্ত গতি নাই রে,
 আমারে কাটিবে যদি রাখ এই মিনতি,
 আমার সকল গায় মেখে দাও বিভূতি ;
 “পাগলিনী” এই নাম কঠোপরে লিখিয়া,
 বলিদান কর মোরে এই খানে রাখিয়া ;
 নামটি কেটোনা যেন এটি ভাই দেখে রে,
 পাগলীর পদতলে এ মাথাটি রেখে রে ।

১০

তারপর পাগলীর মুখ পান্নু চাহিলাম,
 হেসে হেসে সরসের দুটি কথা কহিলাম ;
 —“হৃদয়ে রাখিতে পদ কতদিন চেয়েছি,
 ভাগ্যফলে আজি তাহা অবাচিত পেয়েছি ;

জন্ম সফল মম হলো এত দিনেতে,
 লেগেছে বা পদতলে এই ভারি মনেতে ;
 ধরেছে ঘাতক মোরে শিরচ্ছেদ করিতে,
 ভোগার লাগিয়া পারি কোণি বার মরিতে,
 এক এক রক্তবিন্দু রক্তবীৰ্য্য হইয়া,
 বেড়াইবে পাগলীর প্রেমগুণ গাইয়া ;
 জীবন সমাধা হবে শুনে খুশী প্রাণ রে,
 স্কুল দেহে রহিয়াছে যত ব্যবধান রে,
 সে টুকুও থাকিবেনা, গায় মিশে রহিব,
 নিঃশব্দ ভাষাতে প্রাণে প্রেম কথা কহিব ;
 আঁজা কর স্নকুগারি, ঘাতকেরে করিতে,
 প্রেম যজ্ঞে প্রমোদেরে বলিদান করিতে ।
 কথা শুনে পাগলিনী ভীর সস ছুটিল,
 গলায় ধরিল এসে ঘুমঘোর টুটিল ;
 জেগে দেখি পাগলীর কাছে শুয়ে রয়েছে,
 নয়নের জলে তার মাখাণি ভিজিয়েছি ।

১১

ললিত বিড়াসু কিবা ঝাঁঝিট পুরবিতে,
 গায় যবে পাগলিনী প্রভাতে কি সম্মুখিতে ;
 অঙ্গার তাতাপ্রাণ নেচে উঠে তখনি ;
 (কখনো জানিনে কিবা রাগ কিবা রাগিনী)

তুলিয়া অনন্ত স্বর সে স্বরে মিশাইয়া,
 কত যে অজ্ঞাত গীত ফেলি আমি গাইয়া ।
 পৃথিবীর বক্ষে যথা কঠিন আবরণে,
 অনলের স্রোত আছে অতিশয় গোপনে ;
 তেমতি এ পোড়া প্রাণে জানি নাই কখনো,
 ছিল এত ভাব রাশি বাড়বের মতনো ;
 পাগলিনী প্রাণ ধরে দিয়েছে বাকনি,
 ভেঙ্গেছে বুকের বাঁধ বেরিয়েছি অগিনি ;
 নাহি জানি পাগলীর প্রেমের কি বলরে,
 ছিলেম নীরব কবি হয়েছে পাগল রে !
 উথলিয়া উঠে প্রাণ না পারি নিবারিতে,
 অফুটন্ত কথা ছুটে নয়নের বারিতে ।
 বিহঙ্গ হইলে পরে অন্তরীক্ষে ধাইতাম,
 দিবানিশি পাগলীর প্রেমগুণ গাইতাম ;
 জাগান্ধ মানুষী ভাষা আশা তাতে মেটেনা,
 পাগলীর প্রেম-কথা ভাল করে ফোটে না !

১২

পাগলীর ছবি খানি সঙ্গে করে রেখিছি,
 দণ্ডে তারে দশবার শতবার দেখিছি ;
 কত দেখি তবু তার নুতনত্ব যায় না,
 পাগলীর রূপ মোর নয়নে ফুরায় না ;

ছবিতেই পাগলীয়ে অভিমানী হেরেছি,
 আদর করিয়া কত বুকে চেপে ধরেছি ।
 পাগলীর চিঠি খানি সঙ্গে করে রেখেছি,
 পড়িতে পড়িতে তারে অশ্রুজলে মেখেছি ;
 এই দেখ পাগলিনী লিখিয়াছে তাহাতে ;
 হৃদয়ের কত কথা অমানুষী ভাষাতে ;
 করেছে স্বাক্ষর নীচে সেই পাগলিনী,
 “—চিরদিন তোমারই এই পাগলিনী ।
 পাগলীয়ে যত ফুল দিয়েছিছু ছিঁড়িয়া,
 তার কতগুলি মোরে দিয়েছে সে ফিরিয়া ;
 কি জানি কি মেখে তাতে পাগলিনী দিয়েছে,
 শুকায়েছে ফুল তবু গন্ধ আজো রয়েছে,
 পারিজাত ফুলে বিধি পাগলিনী গড়েছে,
 হয়েছে সুগন্ধ যাহা পাগলিনী ধরেছে ;
 ভুতলে অমূল্য নিধি পাগলিনী ধন সে,
 পেয়েছি নবজীবন পাগলীর পরশে ।

১৩

নাথে কি সে পাগলীয়ে কণ্ঠহার করেছি,
 নাথে কি তাহার তরে উনমত্ত হয়েছি ;
 জ্ঞানের গালিগা দীপ নিবু নিবু অলিত,
 “নিশ্চয় জলনি না কিছু” এই মাত্র বলিত ;

“কার্য্য কারণের” ফাঁদে খুঁড়ে খুঁড়ে মরিতাম,
 জীবনের আদি অন্তে অন্ধকার হেরিতাম ।
 পাগলী পরশমণি যাই প্রাণ ছুঁইল,
 নাজানি কি আলোকেতে চিত্ত আলো করিল ;
 অনন্ত মঙ্গল আর ইচ্ছাশক্তি মিশিয়া,
 সমস্ত সংসার আছে কোলে করে বসিয়া ;
 প্রেমালোকে এই ছবি পাগলিনী দেখালো,
 প্রকৃত তত্ত্বের জ্ঞান পাগলিনী শিখালো ;
 সুন্দর সাধের কিছু দেখি নাই জগতে,
 যার তবে চেতে পারি এক দিন বাঁচিতে ;
 পাগলিনী হইয়াছে জীবনের সার রে,
 পাগলিনী করিয়াছে সুন্দর সংসার রে ;
 আপনা হইতে সেই পাগলীর লাগিয়া,
 নিয়ত প্রার্থনা উঠে হৃদয় বিদারিয়া ;
 নয়নের মণি মোর পাগলিনী ধন সে,
 জীবনুক্তি পাইয়াছি আমি তার পরশে !

১৪

হয়েছি পাগল আগি, পাগলীয়ে লইয়া,
 গাইব প্রেমের গীত দেশে দেশে যাইয়া ;
 এই প্রেম প্রতিমারে কাঁধে যবে লুইব,
 নেচে গেয়ে হেসে খেলে দিশাঙ্কনা হইব ;

দুই কণ্ঠ মিলাইয়া এক গীত গাইব,
 পাশাপাশি গলিবে তাতে, জগৎ মাতাইব ;
 সতী-দেহ কাঁধে লয়ে শিব নাকি নাচিল,
 দেখে সে প্রেমের খেলা ত্রিভুবন বাঁচিল ।
 পাশব জগত আজো প্রেম কি তা জানে নি,
 “প্রকৃতি পুরুষ” কথা শুনেছে তা মানেন নি ;
 জীবন্ত প্রেমের ছবি জীবলোকে দেখাবো,
 প্রেম কি পরম ধন ভাল করে শিখাবো ;
 আপনারে না ভুলিলে প্রেম কতু হয় না,
 বাঁধ ভেঙে না দিলে যে জল-স্রোত বয়না ,
 শিখাব প্রেমের ধ্যান প্রেমের ধারণা রে,
 প্রেমের তপস্যা আর প্রেমের সধনা রে ;
 স্নান-উদারতা পবিত্রতা শিখাবো,
 প্রেম-যজ্ঞে প্রাণাহুতি দিয়ে তবে দেখাবো ;
 ভূতলে স্বর্গের শোভা করিব বিস্তার রে,
 স্বার্থক মানব জন্ম হইবে আগার রে !



কলির রাজসূয় ।

১

উঠরে সকলে দেখরে চাহিয়া,
 কি আনন্দ আজ এই পূণ্যভূমে ।
 আনন্দ-লহরী উঠে উথলিয়া,
 ভাসাইল দেশ । কেন আর ঘুমে ?

২

কেন আর ঘুমে ? মেলিয়া নয়ন
 সার্থক জীবন কর রে এ দিনে ;
 এ হেন উৎসব হয়নি কখন,
 হয়নি কখন অযোধ্যা উজ্জিনে,

৩

হয়নি কখন হস্তিনা গোকুলে,
 কাব্য ইতিহাসে নাহি রে তুলনা
 আজিকার রঙ্গ দেখ প্রাণ খুলে,
 ধরাতলে আর কখনো নহে নাশ ।

৪

বহিছে পবন সুখ-সমাচার,
 পৃথিবী ভরিয়া দিগন্ত ব্যাপিয়া ।

চন্দ্র সূর্য্য তারা পর্কিত পাথার,
নাচিছে সকলি আনন্দে মাতিয়া ।

৫

কহিছে পবন শুভ সমাচার—
“ভারত ঈশ্বরী” রাণী ভিক্টোরিয়া,
ইন্দ্র প্রস্থ ধামে হবেন এবার,
তাই এ আনন্দ ভারত ভরিয়া ।”

৬

“রাজরাজেশ্বরী ভারত-ঈশ্বরী,
সাজিবেন রাণী আপনি এবার ;
কোণী কহিনুর শিরোপরে ধরি,
মুগ্ধবেন রাণী ভারত-আধার ।”

৭

বাজিল বাজনা কালিন্দীর কূলে,
গভীর মিনাদে কাঁপায়ে গগন ;
ঠেকিল সে ধ্বনি সিঁদুর সলিলে,
প্রতিধ্বনিচ্ছিলে কাঁপিল ভুবন ।

• • •

কোথা হিমচল কোথা খাট গিরি,
কোথা ব্রহ্মপুত্র কোথা পঞ্চনদ,

কোথা ভাগিরথী কোথা গোদাবরী,
উৎসব আমোদে সব গদগদ ।

৯

এ শুভ সময়ে বাজ ওরে বাঁশি,
মধুর পঞ্চমে উঠাইয়া তান ;
সুখের সাগরে বেড়াও রে ভাসি,
উৎসবমঙ্গল কর তবে গান ।

(একতান)

জয় ভিক্টোরিয়া ভারত-দৈশ্বরী,
শ্বেতদ্বীপসুতা রাজরাজেশ্বরী,
জয় জয় জয় মহিমা তোমারি,
তোমার সুরব ভুবনময় ;
জয় রুটনিয়া বীরপুত্র যার,
রাখিলা এ কীর্তি ভারত মাঝার,
যত দিন রবে পৃথিবী সংসার,
ততকাল তার নাহিরে ক্ষয় !

১০

আয় রে ভারতি চল সবে যাই,
নয়ন জুড়াবে তাঁরে হেরিয়া ;
ভারত-দৈশ্বরী অপূৰ্ণ মুরতি,
শতেক রাজন্য রয়েছে ঘেরিয়া !

১১

দেবদল মিলি ইন্দ্রালয়ে বসি,
গিরিরাজ পদ সেবে রে যেমন ;
তেমতি আজিকে ভারতভবনে,
রানী ভিক্টোরিয়া লভে আরাধন ।

১২

ভুবনবিদিত বলবীৰ্য্যশালী,
নৃপকূলে জন্মে ভূপতি যারা ;
ভারতেশ্বরীর চরণ সেবিয়া,
দেখরে আজিকে কৃতার্থ তারা ।

১৩

প্রীতিপূর্ণ মুখ পবিত্র হৃদয়,
নেত্র জ্যোতির্ময় ললাট উজ্জ্বল ;
দেবের বাঞ্ছিত ও পদকমলে,
শত শশধর করে বলমল ।

১৪

একশ সুষমা এহেন উৎসব,
দুখিবি'য়ে যদি ভরা করি আয় ;
এ মহেহুঙ্গণ রবে কতক্ষণ ?
শুভক্ষণ যায় ভরা করি আয় ।

আয়রে কাশ্মীরি ভুটিয়া নেপালি,
আয় রজপুত সৈন্ধব মালব,
মাগধ মৈথিলি উড়িয়া বাঙ্গালি,
দ্রাবিড়ি তৈলঙ্গি আয় চলি সব ।

সবে মিলি আসি দেহ করতালি,
ভারতেশ্বরীর গাও গুণ গান ;
গাও সমস্তরে দুই বাহু ভুলি,
বাজ্রে বাঁশরি উঠাইয়া তান ।

(এক তান)

জয় ভিক্টোরিয়া ভারত-ঈশ্বরী,
শ্বেতদীপমুতা রাজরাজেশ্বরী,
জয় জয় জয় মহিমা তোমারি,
তোমার সুরব ভুবনময়,
জয় রুটনিয়া বীরপুত্র যার,
রাখিলা এ কীর্তি ভারত নীধার,
যতদিন রবে পৃথিবী সংসার,
ততকাল তার নাহি রে ক্ষয় ।

কোথা গো ভারত, দেখ মা চাহিয়া,

কি আনন্দ আজ ঘরে ;

সুরাসুর নর, একাগ্রনে বসি,

আনন্দে উৎসব করে ।

দেখ মাগো ঐ অযুত পতাকা,

ঠেকেছে গগনতলে ;

“স্বাধীনতার জয় !” লোহিত অক্ষরে,

বিজলির মত জ্বলে ।

করিয়া সূচাক, কত করি কার,

চাকিয়াছে আজ ধরা ;

আজি ঘরে ঘরে, ফুল ধরে ধরে

সৌরভে অম্বর ভরা ।

কস্তুরী চন্দন, আতর গোলাপ,

গন্ধরস আদি যত ;

স্বদেশী বিদেশী, সুগন্ধির রাশি,

ঢালিয়াছে গনোমত ।

জ্বলিছে আকস্মিক হাউই ফানস,

ছুটিছে গগনময় ;

বি বা জ্বলিছে, পুড়ে গেল দেশ,

বহুখিয়া লাগিছে ভয় ।

পরেছে ধরিত্রী; আলোক মেখলা,
 আলোকে ভুলোক বাঁধা ;
 দশ দিক নয়, কেবলি আলোক,
 নয়নে লাগিছে ধাঁদা !

বাজে জয় ঢাক, ফুকিছে পিনাক,
 “বুটিশের জয় !” রবে ;
 দেখ মা উঠিয়া, বারেক চাহিয়া,
 হেন দিন কবে হবে ?

ভিখারিণী তুমি, আমরা তোমার,
 অধম সন্তান অতি ;
 দেখি নাই মাগো, হেন ঘোর ঘটনা,
 হীনপ্রাণ অলসগতি ।

ঐ শোন মাগো, তোরণে তোরণে,
 গুনিয়া হতেছে ভয় ,
 বাজে নওবৎ, গভীর আরাবে,
 “জয় বুটিশের জয় !”

(একতান)

তাথে তাথে তাধিয়া তাধিয়া ।
 জয় বুটনিয়া জয় ভিক্টোরিয়া ।
 জয় ভিক্টোরিয়া ভারত-ঈশ্বরী,

শ্বেতদ্বীপসুতা রাজরাজেশ্বরী;
জয় জয় জয় মহিমা তোমারি !
তোমার সুবশ বসুন্ধরাগর,
জয় জয় জয় রুটিশোর জয় !

চল মাগো যাই, ইন্দ্রপ্রস্থ ধামে,
দেখিব নূতন রঙ্গ ;

রুটিশ প্রান্তাপে, সমবেত যথা,
দক্ষিণ পঞ্চাব বঙ্গ ।

আজি ইন্দ্রপ্রস্থ; বৈজয়ন্ত রূপে,
কালিন্দীর কণ্ঠে নাজে ;

দেখিয়া গাধুরি অমর অমরা,
স্তম্ভিত ক্ষোভিত নাজে !

সহস্র সহস্র উঠেছে শিবির,
মিবিড় জলদঘটা ;

রতনে খচিত ছোট্টে চারিভিত্তে,
গাণিকরতন ছটা ।

উঠিয়াছে ঐ শত চন্দ্রাতপ,
শতচন্দ্র ভলে শোভা ,

ঝুলিছে, বালয়, মনোহর কিরা,
কাঞ্চনজলাদ-আভা !

তার তলে ঐ, নাচে রুণু বুণু,

সহস্র নৃত্যকী সঙ্গে ;

বাজে সপ্তস্বরে, মধুর বাজনা,

গাইছে গায়ক সঙ্গে ।

বাজে পাখোয়াজ, শত এসরাজ,

সারঙ্গ নেতার বীণা ;

কঁসরি বাঁশরি, মন্দিরা মুদঙ্গ,

তাধিয়া তাধিয়া ধিনা ।

এই না সে স্থান, ইন্দ্রপ্রস্থ ধাম,

যেখানে পাণ্ডব রাজ ;

বসিত হরসে, বসিত ঘেরিয়া,

শত শত শত রাজ ?

নাচিত অঙ্গরা, গাইত গন্ধর্ব,

কিন্নর ধরিত তাল ;

সেই রাজসভা, নহে সে এমন,

গিয়েছে সে সব কাল ।

সেই ইন্দ্রপ্রস্থ, আজিকেক্ষেমন,

দেখ মা নূতন রঙ্গ ;

যক্ষ রক্ষ সুর, পূরব পশ্চিম,

হইয়াছে এক সঙ্গ ।

কাশ্মীর গান্ধার, য়ুমান ইটালি,
সকলি মিলেছে আনি ;

বাজে অরুণ্যান, ত্রিতন্ত্রী গঙ্গে,
ফুটগহ ফুরে বাঁশি ।

চল গাগো ঘাই, রণ-রঙ্গভূমে,
দেখিব নুতন রঙ্গ ;

সহস্র কামান, গভীর গরজে,
ভয়ে যে কাঁপিছে অঙ্গ ।

অজস্র উঠিছে, অনলের শিখা,
দশ দিক ধুমময় ;

আকাশ পাতাল, ফেটে উঠে ধ্বনি,
“জয় হুটিশের জয় ।”

অনন্ত পদাতি ছুরিতেছে গোলা,
তারি-দল পড়ে ধ্বসি ,

বিদ্যুতের বেগে, ধায় অশ্বারোহী,
করেতে উলঙ্গ অঙ্গি !

সবে সত্ত্ব আজি, সমর-উৎসবে,
অগরে মী করে ভয় ,

ঐ যে উঠিছে, ঘোর সিংহনাদ,
“জয় হুটিশের জয় ।”

এই না জননি, সেই কুরুক্ষেত্র,
 ভারতের বধ্যভূমি ।
 রেখেছ যেখানে, কর্ণ দুর্ব্যোধনে,
 ভীষ্ম দ্রোণাচার্য্য তুমি ?
 সেই রণক্ষেত্র, কুরুক্ষেত্র আজি,
 ব্রিটিশ গৌরবে কাঁপে ;
 ব্রিটনিয়া বীর বর্ষে ঢাকি দেহ
 যুঝিতেছে বীরদাপে ।
 “মাইভমাইভঃ ।” ডাকিছে সমনে,
 সমনে না করে ভয় ;
 ঐ শোন মাগো, রণতুরি বাজে,
 “জয় ব্রিটিশের জয় ।”

(একতান)

বভম্ বভম্ ভম্ ভম্ ভোঁয়া ।
 জয় ব্রিটনিয়া জয় ভিক্টোরিয়া ।
 জয় ভিক্টোরিয়া ভারত-ঈশ্বরী,
 শ্বেতদ্বীপ-সুতা রাজ-রাজেশ্বরী,
 জয় জয় জয় মহিমা তোমারি ;
 তোমার সূর্যশ বসুন্ধরা মগ্ন,
 জয় জয় জয় ব্রিটিশের জয় ।

১

চল সবে যাই রাজসভাতলে,
এ হেন সগিতি হয়নি ভুতলে,
নয়ন জুড়াই বারেক হেরিয়া ;
ধিক ইন্দ্রালয় অমর-বাগনা,
কোরবের সভা ব্যাগের কল্লনা ;
ইহার তুলনা কোথা নাহি পাই !

২

চেয়ে দেখ ঐ স্নর্গ সিংহাসনে,
ভারতের রাণী প্রফুল্ল আননে,
ললাটে ঝলসে গৌরবের রবি ;
রাজদণ্ড করে রাজসোহাগিনী,
শ্বেতভুজা সতী কিরণ-মালিনী,
অমর-বাঞ্ছিত আনন্দ-ছবি ।

৩

অপূর্ব মুরতি অতুলনা ভবে,
এমন স্মৃতিম আর কিরে হবে,
ভুভারতে ইহা কে দেখেছে আর ?
একাক্ষনে বসে নরপতি সব
সবাই শুভিত সবাই নীরব ;
ধন্য রটুনিয়া গৌরব তোমার ।

৪

এ যে উত্তরে কাশ্মীরের পতি,
বাঁধি শিরোপরে মুকুতার পাতি,
চারুকণ্ঠে দোলে কাশ্মীরী শাল !
বসিয়া দক্ষিণে জঙ্গ বাহাদুর,
ভুটানের দেব নহে বহুদূর,
দৌহাকার মাঝে নিকিম ভুপাল ।

৫

এ যে পশ্চিমে মানী মহামনা,
উদয়পুরের বসেছেন রাণা
ভূপতি সমাজে উচ্চ করি শির ;
দুই পাশে বসে নৃপতি সমাজ,
জয়পুর আর যোধপুর রাজ,
পাতিয়ালা ঝিন্দ আর বিকানির !

৬

অদূরে দক্ষিণে দেখ রে চাহিয়া,
বীরসিংহ সম বসেন সিদ্ধিয়া,
দক্ষিণে নিজাম বামে হোলকার ;
ত্রিবাঙ্কুর আর কোচিন দুজন,
প্রফুল্ল বদন প্রিয়-দরশন,
জননী কোলে গুইকুমার !

৭

নহে বহুদূর দেখে রে চাহিয়া,
রমণীর গণি রানী ভূপালিয়া,
মহম্মদী কূলে গরীমার শ্বল,
পূর্বাঙ্গিকে বসে বিহার-ভূপতি,
আরো কিছু দূরে ত্রিপুরার পতি,
ভারত রাজন্য মিলেছে সকল ।

৮

অপূর্ব মূরতি অতুলনা ভবে,
এমন সুদিন আর কি রে হবে,
ভুভারতে ইহা কে দেখেছে আর ?
একাগনে বসে নরপতি সব,
সবাই স্তম্ভিত সবাই নীরব ;
ধন্য রুটনিয়া গৌরব তোমার ।

৯

ভারত বিজয়ী পাণ্ডুর যখন
রাজসুয় যাগ করিল, ক'জন
মিলেছিল রাজা হিন্দু বংশধর ;
হিন্দু মুসলমান আজি এক ঠাই,
রমণী পুরুষে ভেদ মাত্র নাই,
ব্রটিশ শ্রুতাপে কাঁপে থর থর ।

(ঐকতান)

জয় বিক্টোরিয়া ভারত-ঈশ্বরী,
 শ্বেতদ্বীপসুতা রাজরাজেশ্বরী,
 জয় জয় জয় মহিমা তোমারি,
 তোমার সুরব বসুন্ধরা গয় ;
 জয় ব্রিটানিয়া বীরপুঞ্জ যার,
 রাখিলা এ কীর্তি ভারত মাঝার,
 যত দিন রবে পৃথিবী সংসার,
 তত কাল তাহার নাহি রে ক্ষয় !
 উত্তর দক্ষিণ, পূর্ব কি পশ্চিম ;
 দশ দিকে থাকি শোনরে গবে,
 পূর্বত পাথারে, গৃহ কি কান্তার
 যে আছ যেখানে বিপুল ভবে !
 ব্রিটন নন্দিনী, রাজ্ঞী ভিক্টোরিয়া,
 ভারত-ঈশ্বরী হলেন আজ ;
 করযোড়ে তাঁরে, মাগিছে মেলানি,
 শত শত শত ভারত-রাজ !
 হিন্দু মুসলমান, ফিরিঙ্গী পারঙ্গী,
 সকলি প্রণত সকলি বশ ;
 প্রতাপে পরাস্ত, সকলি তটস্থ,
 ভারতেশ্বরীর গাইছে মশ !

অপার মহিমা, গরীমা অসীমা,

ভুবন-বিদিত বিপুল নাম ;

শত কোটিশ্বরী রাজ-রাজেশ্বরী,

অনন্ত গৌরব গুণের ধাম ।

চারি খণ্ডে যার অখণ্ড প্রতাপ,

মর্ত্য রণাতলে সবার প্রভু ;

যাঁর অধিকারে, ভয়ে দিবাকর,

অস্তাচলগামী নয় রে কভু ।

সপ্তসিন্ধু যার, বহে রণতরী,

পদতলে পড়ি করে রে খেলা ;

শত রাজকোষ, তোষে রে যাহারে,

মানিক রতনে পুরিয়া থালা ।

সেই ভিক্টোরিয়া, শ্বেতদ্বীপ-রাণী,

ভারত-ঈশ্বরী হলেন আজ ;

ঘোড় করি কর, মাগিছে সেলানি,

শত শত শত ভারত-রাজ ।

পূর্ব কি পশ্চিম, উত্তর দক্ষিণ,

• যে যেখানে আছ যাওরে দেখে ,

যুগ যুগান্তর, শুভ সমাচার,

• সুবর্ণ অক্ষরে রাখ রে লেখে ।

(ঐকতান)

তাথৈ তাথৈ তাধিয়া তাধিয়া,

জয় হুটনিয়া রুল হুটনিয়া ।

বভম্ বভম্ ভম্ ভম্ ভোঁয়া,

জয় হুটনিয়া জয় ভিক্টোরিয়া !

শ্বেতদ্বীপসুতা অগর-বাঙ্কিতা,

জয় জয় জয় মহিমা তোমারি,

জয় হুটনিয়া রুল হুটনিয়া !

ভারত-দৈশ্বরী জয় ভিক্টোরিয়া ! !

পশ্চিমে গাঙ্গার, পূর্বে ব্রহ্মপুত্রী,

উত্তরে নগেন্দ্র দক্ষিণে সাগর ;

এ বিশাল ভূমে, আছে ষত রাজ্য,

উপরাজ্য কিম্বা দেশ দেশান্তর ।

রাণী ভিক্টোরিয়া, সকলের প্রভু,

প্রতিদ্বন্দ্বী কেউ নাহি রে তাঁর ;

এ ভারতভূমি আজিকে অবধি,

হুটিনের, নাই অন্য অধিকার ।

রক্তপুত শিখ, ফিরিঙ্গি গারসী,

মহারাজ্জ কিম্বা মোগল পুঠান,

আবাল বনিতা, শুন এই কথা,
 ভারতেশ্বরীর গাও গুণগান ।
 এই শুভ দিনে, শুভ আশীর্বাদ,
 কর রে সকলে ছুবাছ তুলিয়া ,
 "সদা সুখে থাক, সদা সুখে রাখ,
 দীর্ঘজীবী হও রাণী ভিক্টোরিয়া ।"

১

তার একবার বাজ ওরে বাঁশি,
 লুটাও ধূলায় অশ্রুজলে ভাসি,
 অধম বাঁশরি বাজ্‌রে বাজ্‌ ;
 নিম্নত মরমে যাহার বেদনা,
 সময়ানুসারে সে তোরে মানে না,
 তার কি রে ভয়, তার কি রে লাজ ?

২

ওগো ভিক্টোরিয়া ভারত-জননি,
 মরমের দুটি দুঃখের কাহিনী,
 এ শুভ সময়ে তোমারে কই ;
 রাজভক্ত জাতি চিরদিন মোরা,
 তুমি রাজেশ্বরী তোমারি আমরা,
 জানিমে, আমরা তোমারে বই ।

৩

তব রাজ্যে গোরা বড় সুখে থাকি,
 সুখ দুঃখে গোরা তোমারেই ডাকি,
 শয়নে স্বপনে তব গুণ গাই;
 বিপদে অভয় দিতেছ জননি,
 জ্ঞান ধর্ম মাগো করিতেছ ধনী,
 ধন্য তব দয়া বলিহারি যাই !

৪

মা বলিয়া যদি জানাই বেদনা,
 ক্লতঙ্গ বলিয়া করোনাকো ঘৃণা,
 কার মুখে চাব যাব কার দ্বারে ?
 তব সুখরাজ্যে শুক্ল কৃষ্ণ ভেদ !
 দেখিয়া অন্তরে হয় বড় খেদ,
 এ কলঙ্ক মাগো ঘুচাও সত্বরে ।

৫

যুগ যুগান্তর এ ভারতভূমে
 আমাদের পিতৃ-পুরুষেরা ক্রমে,
 করিলা বসতি, কত পরিশ্রমে,
 লভি আখ্য রাজ্য পীতিয়া দেহ;
 স্মরিতে যে দিন বহে অশ্রুধারা,
 এ মাটির সঙ্গে মিশেছেন তাঁরা,

তার সাক্ষী মাগো মর্ত্য বসুন্ধরা,
আমরা তাদের নই কিগো কেহ ?

৬

জন্মভূমি সেত জননী সমান,
আপনা বলিয়া করি অভিমান,
যখন, কি কব থাক অভিমান,
মাটির উপরে দাঁড়াইলে হয় ।
তব সুখ-রাজ্যে একি উপাত্ত ।
রুটন-নন্দন আসি অকস্মাৎ,
অসভ্য বলিয়া করে পদাঘাত,
এ দুঃখ কি আর সহন যায় ॥

•

৭

সপ্তসিন্ধু পারে আছ মা বলিয়া,
ভারতের দশা দেখিলে আসিয়া,
দয়াবতি ভূমি কাঁদিত আপনি ;
ভাঙ্গা'ওনা মাগো অকুল পাথারে,
পাঠা'ওনা আর কোন ছুরাচারে,
হওনাকো আর কলঙ্কভাগিনী ।

•

৮

মা বলিয়া মাগো জানাই বেদনা,
কৃতঘ্ন বলিয়া করোনাকো ঘৃণা,

কার মুখে চাব যাব কার দ্বারে ?
 ছায় দণ্ডে ধরা শাসিতেছ তুমি,
 এই দুঃখে কাঁদে এ ভারত ভূমি,
 এ কলঙ্ক মাগো যুচাও সত্বরে ।

৯

আর এক কথা বলি মা তোমারে,
 (কারে আর কব যাব কার দ্বারে !)
 ভারতের নাই সে সব দিন ;
 ভারতের নাই সেই বীর্য বল,
 ভারতের নাই সে ধন সম্বল,
 ভারত-সৌভাগ্য হয়েছে লীন

১০

ভুবন-পূজিত আৰ্য্যকুল-ধর ;
 আগরা, হয়েছে মণ্ডুক শোশর,
 ভীরু কাপুরুষ অধম অতি ।
 নাহি ধর্মবল, নাহি জ্ঞানবল,
 নাহি ধনবল দেহে নাই বল,
 দাস অনুদাস দাসের জাতি ॥

১১

কিন্তু গো জননি, পড়ে যবে মনে
 পূর্ব কথা, ঝলি শোকের আগুনে ;
 তখনই ভারতবাসিরে ডাকি,

উঠ ! উঠ ! বলি ডাকি বার বার,
মনের আবেগে করি হাহাকার,
তুমি শিখায়েছ তাই মা ডাকি ।

১২

মৃত প্রাণে হবে চেতনা-সঞ্চার,
এ আশায় যবে করি টীকাকার,
তখন তোমাতে এই অনুরোধ ;
এই অনুরোধ রেখো গো জননি,
তোমার সুযশ ঘোষিবে অননী,
রাজজ্যোতী বলে করোনাকো ক্রোধ !

১৩

বাজ্রে বাঁশরি বাজ্রে আমার,
গধুর পঞ্চমে উঠাইয়া তাম ;
মুছি ত্বরা করি অশ্রুবারি-ধার,
ভারতেশ্বরীর গাও গুণগাম ।
জয় তিক্টোরিয়া ভারত-ঈশ্বরী,
শ্বেতদ্বীপ-সুতা অমর বাঞ্ছিতা,
হটন-নন্দিনি, রাজ-সোহাগিনি,
জয় জয় জয় মুহিমা তোমারি ।



বিজয়া-দশমী ।

১

আঁধার আঁধার, একিরে আঁবার,
 বিষাদে ডুবিল বঙ্গ ;
 দেখিতে দেখিতে, স্বপনের মত,
 ফুরালো উৎসব রঙ্গ !
 সুখের শরতে, শারদা সুন্দরী,
 ভারত-সৌন্দর্য্য-সার,
 ক্ষণপ্রভাসম, ক্ষণ হাসাইয়া,
 গোড়ে নাহিরে আর !
 বাঙ্গালির মুখে, একবার হাসি,
 এইত বৎসর শেষে ;
 কে হরিল সেই অকাল-কুসুম,
 এহেন হিমালী দেশে ।
 বাঙ্গালির ভালে, বরষা কেবলি,
 নাই বসন্তের লেশ ,
 তিন দিনে হয়, সুখ মধুমাগ,
 আসিয়া হইল শেষ !
 দুখিনী বঙ্গের, সুখের প্রাতিমা,
 ডুবেছে ডুবেছে আহা !

কপলা-সিন্ধু-জলে, আজিরে আবার,
ভাসিয়া ডুবিল তাহা ।

২

চলিলা অন্নদা, শূন্য বক্ষালয়,
বক্ষে নস্তুতি যত ;
অন্ন নাই ঘরে, দরিদ্র দুর্বল,
সাহস সম্বল হত ।

চলিলা প্রবাসে, পরিজনশোকে,
নয়নে বহিছে ধার ;
পরপদসেবা, ভিক্ষাপাত্র করে,
বক্ষেতে দুঃখের ভার ।

কত অনাদরে, কত অত্যাচারে,
বাক্সালীজীবন ক্ষীণ ;
নিরাশার ঝড়ে, দুঃখের সাগরে
আবার হইল লীন ।

আবার পশিল, অকুল সাগরে ;
ঝিষাদ-তরঙ্গচয়.

প্রবল প্রহারে, (বাক্সালি আকুল ।)
মরম করিছে ক্ষয় ।

বিস্মৃতির জলে, ডুবিল সকলি,
আনন্দ উজ্জ্বল হাসি ;

সুখের স্বপন, ভাঙ্গিল অকালে,
জাগ্রতে যাতনারাশি ।

৩

উঠে জয়ধ্বনি, বৈজয়ন্ত ধামে,
গিরিজা আসিলা ঘরে ;
রুনারকদল, ইন্দ্রালয়ে বসি,
আনন্দে উৎসব করে ।

কত যে যতনে, মকরন্দমাখা,
মন্দারে গাঁথিয়া হার ;
সাজাইলা পুরী, অমরসুন্দরী,
বদনে প্রীতির ভার ।

শত ইন্দ্রধনু, উদিত আকাশে,
চন্দনে চর্চিত ধরা ,
পৌষ বহিয়া, বহে সমীরণ,
সৌরভে অমর ভরা ।

শত বিদ্যাধরী, বীণাযন্ত্র করে,
অতুল শোভায় সাজে ;
অমর সভায় নাচে রুণরুণ,
চরণে কিকিণী বাজে ।

মুরুজ মন্দিরা, বাজে মধুস্বরে,
সপ্তস্বরে উঠে তান ;

পশ্চম পুনকে, দেবদল গায়,

অমরদামল-গান ।

৪

“জয় ভবরাণি, বরদে ভবানি,

দেবমাতা বিশ্বরমে ;

শিবানি শঙ্করি, ত্রিদশ-ঈশ্বরী,

জয় হরপ্রিয়তমে ।

অনন্ত প্রকৃতি, বিশ্বরূপা তুমি,

আদ্যাশক্তি মহামায়া ;

সুখ মোক্ষ বশঃ তোমার ক্রীপদে,

ভগবতি ভবজায়া ।

ত্রিভুবনময়ী, ত্রিলোক-ঈশ্বরী,

ত্রিগুণধারিণী দেবি ;

ধাতা পুরন্দর, সকলি অমর,

তোমার চরণে দেবি ।

তোমার বিহনে, ত্রিবিধ আধার,

জ্যোতির্ময়ী তুমি শিবে ;

অনন্তমহিমা, অনুপমা তুমি,

“কে তব উপমা দিবে ?

তব আবির্ভাবে, হানিছে অমরা,

অনন্দে ভাগিছে সবে ;

জয় সুরবাণি ; বরদে ভবানি
জগত জননি ভবে ।”

৫

উঠিল অদূরে, বাঁশির সুরব,
সধুর করুণ সুরে ;
পশিল সে রব, যেখানে অমর,
আনন্দে কীর্তন করে ।
কাঁপিল অমনি, কনক-আনন,
চকিতা ভবের রাণী ,
মুদিল নয়ন, সহসা হইল,
মলিন বদন ধানি ।
অধীরা অন্নদা, অকস্মাৎ হলো,
অমর স্তম্ভিত সবে ;
গগন ভেদিয়া, সেই বংশিকরনি,
উঠিল গভীর রবে ।
করুণা উচ্ছ্বাসে, পুরিল আকাশ,
কাঁপিল অমরাবতী ;
মন্দাকিনীজলে, উঠিল লুহরী,
বহিল ত্বরিতগতি ।
অমর মণ্ডল, নীরব সকলি,
মনে পরমাদ গগি;

শুনিলো অয়দা, মেদিনী হইতে,
উঠেছে রোদন ধ্বনি ।

৬

কোথা ভবরাগি, জগত জননি,
একবার গাতঃ দেখনা এসে ;
তোমার বিহনে, তোমার সংসার,
নয়নের জলে যায় গা ভেসে ।
কোথা সে উল্লাস, কোথা সে উৎসব,
গিয়েছে সকলি আর কি হবে ?
আনন্দ বাজার, আঁধার নীরব,
শোকে অচেতন, আজি রে নবে ।
দিনেশ মলিন, স্রবায়ু বহে না,
সে রূপ সুরূপ; নাইরে চাঁদে ;
বিষাদে বিলীন, আজি রে সকলি,
গগন মেদিনী, নীরবে কাঁদে ।
ঐ কুলাঙ্গনা, বসিয়া প্রাঙ্গনে,
কাঁদিছে নীরবে, চাকিয়া মুখ ;
বালক বালিকা, ধূলায় লুটায়,
• বিষাদে পুড়িছে কোমল যুগ ।
শূন্য বঙ্গালয়, এঘোর যাতনা,
তাপিত হৃদয়ে নহে না আর ;

কোথা ভবরাশি, দেখ মা আসিয়া,
যুচাও জীবের যাতনাভার ।”

৭

সুগভীর রবে, বিলাপের ধ্বনি,
অধর ভেদিয়া উঠে ;
অকালজলদে, ঢাকিল গগন,
সঘনে তারকা ছুটে ।
দিগদনাদল, বিষাদে বিবশ,
নয়নে অসার বহে ;
কাপে বিশ্বধাম, স্তম্ভ সমীরণ,
চপলা অচলা রহে ।
কাঁদিল অমদা, করুণারূপিণী,
অপাঙ্গে বহিল ধারা ;
ঢাকিল কালিমা, মুখসুধাকর,
মুদিল নয়নতারা ।
অময় উৎসব, ফুরালো সকলি,
অদৈত্য অধীর অতি ;
স্বরসুন্দরীর, করুণাবিলাপে,
ভরিল অমরাবর্তী ।
দিবসে তামসী, হলো মহাশোর,
যেমন প্রলয়-ঝড়ে ;

আবার উঠিল, সেই বংশীধ্বনি,
গভীর করুণ সুরে—

৮

“কোথা ভবরাগি, দেখ মা আসিয়া,
হাহাকার করি কাঁদিছে দেশ ;
দয়াময়ী তুমি, দেখিছ কেমনে,
জীবের এমন অসহ ক্লেশ ?
কোন্ পাপ ফলে, বাঙ্গালির ভালে,
লিখেছে বিধাতা এমন দুখ ;
নয়ন ভরিয়া, পাবনা দেখিতে,
তোমার কোমল, স্নেহ মুখ ?
সুখসুধাকর, চির অন্তগত,
তুমি বাঙ্গালির, আশার তারা ;
কেন লুকাইলে, হায় রে অকালে,
বসন্তে বহিছে বরষাধারা ।
গঙ্গলক্ষ্মিণী, পুণ্যময়ী তুমি,
অনন্ত স্মৃতি চরণতলে ,
এস বঙ্গভূমে, ঘুচাও যাতনা,
সকল কলুষ, চরণে দলে ।
কিছা দয়্যাহীনা, নিতাস্তই যদি,
* (ডুবিছে বঙ্গের নৌভাগ্যরাশি)

এস একবার, প্রাণভরে হেরি,
 অমর-বাগনা আনন্দছবি ।
 চরণে অঞ্জলি, দিব প্রাণ মন,
 জীবন কলঙ্ক অবনীতলে ;
 এস শান্তিময়ি, তোমাতে লইয়া,
 পশিব অনন্ত বিন্মুত্তিজলে !”

কবির স্বপ্ন ।

(লর্ড লিটনের শাসন কালে লিখিত ।)

১

—হয়েছে বিষম নেশা, নয়নে নাহিক দিশা,
 হা বিধাতঃ এ আমায় আনিয়াছ কৈ ;
 পথ ঘাট নাহি জানি, নাহি মাত্র জনপ্রাণী,
 কাহারে শুধাই আর-কারেইবা কই ।

২

চারিদিকে ঘোরারণ্য, পথ মাত্র নাহি অন্য,
 আছে এক পথ সেও নরকের দ্বার ;
 পিশাচ প্রেতিনী মিলি, করিছে বিকট কেলী
 শ্মশানে পড়িয়া সব করে হাহাকার !

৩

নিদারুণ রে বিধাতা, জ্বলিছে অসংখ্য চিত্তা,
 ধুঁয়াতে করেছে দশ দিক অন্ধকার ;
 কি বিষম পুত্তিগন্ধ, ফেটে যায় নাশারন্ধ,
 প্রাণবায়ু হলো বন্ধ গিয়েছি এবার ।

৪

মরণের নাই বাকী, ভয়ে চক্ষু মুদে থাকি,
 দানা দূত ভুতগুলি আইছে ধাইয়া ;
 শকুনি গৃহিনী ঠাট, মারিতেছে পাশসাট,
 এবার খাইবে বুঝি চক্ষু উপাড়িয়া ।

৫

ওকিরে বাপরে বাপ । এ যে বড় কাল মাপ,
 বিষের আগুন জ্বলে নয়ন জুড়িয়া ;
 জিভ বাড়াইয়া আছে, থাকুক ধরিবে পাছে,
 আগেই মারিবে ঐ আগুনে পুড়িয়া ।

৬

ডাকিনী খাইছে মরা, রুধিরে ভাগিছে ধরা,
 যোগিনী চাটিছে তারে চক্ চক্ চক্ ;
 কি বিষম কোলাহল, নাহি আর অন্ন জল,
 এত নরু নরলোক নাশাৎ নরক ।

৭

কোথা মাতা কোথা পিতা, এনময়ে রলে কোথা,
 অকালে হারাই প্রাণ দেখিলে না আমি ;
 এত ভাল বাসি যারে, এবার ছাড়িনু তারে,
 হায় হায় হারাইনু কোথা সে প্রেয়সী ।

৮

আবার আসিছে দূরে, মত্ত হস্তী ওটা কিরে,
 চাহিতেছে কিরে কিরে, কেড়ে নিবে প্রাণ ;
 হইয়াছে ধর ধর, জগদীশ রক্ষা কর !
 এত বলি ভয়ে কবি হারাইলা জ্ঞান !

৯

আবার চেতনা—“এ কি ! চারি দিকে এ কি দেখি,
 এত হাতী এত ঘোড়া, এমন বিভব ;
 এ দেখি প্রকাণ্ড কাণ্ড, এত বাদ্য এত ডাণ্ড,
 ব্রহ্মাণ্ড ভরিয়া এতু কিসের উৎসব !

১০

কিসের উৎসব এটা, কেন এত আশা ছটা,
 কেন এত করি ঘট, নিশান উড়াও ;
 ছাতিতে শোয়ার করি, বলরে মাহুত মরি,
 আবার আগারে আর কোথা লয়ে যাও ?

১১

ভাগিরথী কুলে কুলে কস্তুরী চন্দন মূলে,
 কেন সাজায়েছে ডালা পূজার বিধান ;
 জাহাজ পিনেস যত, ছুটিতেছে অবিরত,
 গাইয়া স্মৃথের সারি, উড়ায়ে নিশান ।

১২

দুর্গ মাঝে ওকি শুনি, হইতেছে তোপধ্বনি,
 গুরুম্ গুরুম্ গুরুম্ বিষম আওয়াজ ;
 যত রাক্ষসের চেলা, চতুরঙ্গে করে খেলা,
 সঘনে ডাকিছে শিঙ্গা সাজ্ সাজ্ সাজ্ ।

১৩

নগর আলোকে হাসে, রাজপথে ছুই পাশে,
 বন্দীরা গাইছে গীত, হাজার হাজার ;
 রামরক্তা ফুলমালা সহর করেছে আলা,
 বসেছে মঙ্গল-ঘট কাতারে কাতার ।

১৪

উছঃ কিরে পরিপাটি, চেয়ে দেখ রাজবাটি,
 আকাশ পড়েছে ভেঙ্গে, মাটির উপরে ;
 কি বিচিত্র আয়োজন, রমণীয় সিংহাসন,
 কহ ওরে লোকজন কোথা নেও ধরে ?

১৫

এযে দেখি ভোজবাজি, কপাল প্রাসন্ন আজি,
 তবে যে হলেম রাজা, আমি পৃথিবীর ।
 ভাবি যারে নিরবধি, সে ধন মিলালো বিধি,
 যা হবার হয়ে গেছে বুদ্ধি করি স্থির ।

১৬

ওহে মন্ত্রী এস এস, নিকটে ঘনিয়ে বসো,
 গোটা কত কথা রসো, বলিহে তোমায় ;
 প্রজারে দেখাও ভীতি, এই মূল রাজনীতি,
 সুনীল সচিব অতি, জান সমুদয় ।

১৭

প্রজাগুলি রাজভক্ত, শোষ ধন শোষ রক্ত,
 আমাদের উপযুক্ত, এইত সময় ;
 আতুরে দিও না ভিক্ষা, মূর্খেণে দিওনা শিক্ষা,
 রাজ্যরক্ষা ধনরক্ষা, ইহাতেই হয় ।

১৮

ডাক দেহ কোটোয়ালে, কিসকাল কি বিকালে,
 নির্দোষেরে পালে পালে করুক সংহার ;
 ইহাতে যে হবে রুষ্ট, সেই জন জেনো ছুষ্ট,
 মুষ্ঠাঘাতে মুণ্ড গোটা ভেঙ্গে ফেলো তার ।

১৯

বার ঘরে আছে ধন, তারে করে মিত্রজন,
আনহ সজ্জর করি, রাজ-সভাতলে,
রাখ তারে কেশে ধরে, পাদ্য অর্ঘ্য দিলে পরে,
দাসত্বের জয়পত্র, বেঁধে দাও গলে !

২০

যে পেয়েছে কিছু জ্ঞান, বধরে তাহার ঞ্জ্ঞান,
কলঙ্ক না হয় যেন, সুকৌশল করে,
দেহ মদ দেহ গাজা, চামার হইবে গাজা,
এমন আত্মপক্ষা কিছু, লেখা পড়া করে !

২১

রাজত্বের গুরু ভার, চিন্তার নাহিক পার,
করেছি অনেক চিন্তা, মাথা গেল ঘুরে ;
কি সুখের দণ্ড ছত্র, এ সব কাগজ পত্র,
সেক্রেটারি ধর লহ, রেখে দাও দূরে ।

২২

কোথারে বয়স্য ভাই, ভ্রম্য করি চল যাই,
সুসময়ে করি গিয়া অরণ্য-বিহার ;
আশ পাশে নাই যুদ্ধ, অন্দর মহাল শুদ্ধ,
মাগর পর্বতে সুখে, ভ্রমিব এবার ।

২৩

ওকি রে বিষম শব্দ আকাশ পাতাল শুদ্ধ,
 এবার করিবে জব্দ, শত্রু অগণন ;
 মুখে শব্দ মার মার, হানিতেছে হাত্তিয়ার,
 চারিদিক অন্ধকার মেদিনী গগন !

২৪

সব হলো ছাই মাটি, কোথা সেই রাজবাটি,
 কোথা সেই ছত্রদণ্ড, কোথা সিংহাসন ?
 কি বিষম রণক্ষেত্র, এ যে সেই কুরুক্ষেত্র,
 দিবারাত্র ছুই দলে, হইতেছে রণ !

২৫

আয়রে যবন বেটা, আজিকে ধরিবে কেটা,
 করেছিস বড় ঘট, বড় গাঙগোল ,
 প্রাণ যাবে পদাঘাতে, বেঁধে নিব পায়ে হাতে,
 আজিকে পিঠের চামে, বানাইব ঢোল !

২৬

মারু মারু মারু তবে, ঐ যে আসিছে সবে,
 জয় জয় জয় রবে, শুনিতে না পারি ;
 সহসা হইল এ কি, রক্তে নদী বহে দেখি,
 বিধাতা দিয়েছে ফাঁকি, অদৃষ্টে আমরা !

২৭

উছ উছ প্রাণ যায়, প্রহারিল কে আগায়,
কে ধরিবে হায় হায়, নাহি গৈলগণ ।
যা হোক মরিনু ভাল, এইবার মার হলো,
মজের নাধন কিম্বা শরীর-পাতন ।

২৮

ছাদেগো ভারতভূমি, সকলি দেখিলে ভূমি,
বিধাতা লিখিলা দুঃখ অদৃষ্টে তোমার ;
রাখিতে তোমার মান, সমরে দিলাম প্রাণ,
দুঃখ এই, না হইল তোমার উদ্ধার ।

২৯

কে ভূমি যমের দূত, এষে বড় অদ্ভুত,
মরার উপরে খাড়া ধর কি কারণে ;
কেন দল পদতলে, কেন বাঁধ হাতে গলে,
কেননা সংহার ঐ তীক্ষ্ণ প্রহরণে ?

৩০

কি বিকট অন্ধকারে, ফেলে গেলি আজি মোরে,
আত্মহত্যা করিবারো, নাহি অবসর ;
শোনরে পাগল মতি; আজি মোর এ মিনতি,
অনলে ফেলিয়া মোরে ভস্মমাণ কর ।

৩১

ওরে মহম্মদগোরি, ছেড়ে দে বক্ষনদড়ি,
 সামান্য মানব আমি, শত্রু বড়ি তব ;
 শোনরে যবনরাজ, আমি নই পৃথ্বরাজ,
 আমারে বধিলে আর কি হবে গৌরব ?

৩২

উছঃ উছঃ হায় হায়, পিপাসায় প্রাণ যায়,
 সর্বাঙ্গে বহিছে তায়, রুধিবের ধার ;
 হৃদয়ে ভারতভূমি, সকলি দেখিলে তুমি,
 বিধাতা লিখিলা দুঃখ অদৃষ্টে তোমার ।

৩৩

কোথা চন্দ্র সূর্য্য দুটী, দেবতা তেত্রিশ কোটী,
 নয়ন মেলিয়া সবে কর দরশন ।
 মিছে আর কেন ডাকি, এই ভাবে পড়ে থাকি, ।”
 এত বলি পুনঃ কবি ঘুমে অচেতন ।

৩৪

নয়ন মেলিয়া—“হায় । আইলো এ কোথায়,
 চারিদিকে সব শূন্য, নাহি জনপ্রাণী ;
 নাহি মাত্র জলবিন্দু, অপার বালুকাসিন্ধু,
 এ দারুণ মরুভূমে কি হবে না জানি ।

৩৫

ধক্ ধক্ চারিদিকে, অলে অনলের শিখা,
নাহি সয় নাকে চোকে, নাহি দিক্ জ্ঞান ;
এবার গিয়েছে আয়ু, এই যে বিযাক্ত বায়ু,
আসিছে পশ্চাতে হায় গন্ধে নিবে ধান ।

৩৬

অবসান হলে বেলা আসিবে যমের চেলা,
ভীষণ কেশরীগুলি, অকুণ্ঠ করিয়া ;
ঐ তার পদচিহ্ন, পথ সাত্র নাহি অন্ত,
নখে করি ছিন্ন ভিন্ন, খাইবে ধরিয়া ।

৩৭

ধিক্ স্বদেশে সমতা, কোন্‌ ছার আধীনতা,
কি কাজ রাজত্ব-সুখ-আকাশ-কুসুমেরে ।
কেন করিলাম যুদ্ধ, গরিলাম সব শুদ্ধ,
কেন বন্দী ? কেন শেষে মরি মরুভূমে ।

৩৮

সকলি ভোজের বাজি, আপনি দুঃখের সাজি
সাজিয়েছি, এত দুঃখ লেখা ছিল ভালে ,
বিপাকে মরিনু একা, একবার দাও দেখা ।
স্নেহ সরলতা মাথা অয়ী রাজবালা ।

৩৯

কোথা সেই ভালবাসা, সেই সুখ সেই আশা,
 কোথা সে বিধুবদন, স্বর্গের প্রকাশ ;
 নিদারুণ বিধাতারে, আর না দেখিব তাঁরে,
 আর না ঘটিবে সেই, সুখ সহবাস !

৪০

কোথায় কাশ্মীর ভূমি, যেখানে প্রায়সি ভূমি,
 করেছ কুসুমোৎসব, গোলাপের ফুলে ,
 ধন রত্নে করি তুলু, রাশি রাশি ফুল গুচ্ছ,
 ছড়ায়েছ অঙ্গে রঙ্গে, দুই হাতে তুলে !

৪১

কোথা সেই রাজপুরী, সিংহাসন উচ্চঃ গরি,
 কোথা মোর প্রাণেশ্বরী, কোথা রাজবালে ;
 নিয়ত বসিয়ে কক্ষে, রাখিয়াছ চক্ষে চক্ষে,
 ধরিয়াছ ধারে বক্ষে, সে মরে অকালে !

৪২

সহসা কি দেখি হায়, মোর প্রানে কেন ধায়,
 ওগুলি রাক্ষস কিবা পিশাচের দল ;
 লোহার কিরীট মাথে, শূল অসি দুই হাতে,
 উটের উপরে চড়ি ছুটিছে কেবল !

৪৩

দক্ষ্য এরা সৰ্বনাশ । আঁমারে করিয়ে দাগ,
বিদেশে করিবে বিক্রী, বুঝোছি এখন ;
আগি রাজ পুত্র নই, ধন রাজ্য চাই কৈ ?
তবে কেন এ বালাই । ” পুনঃ অচেতন ।

৪৪

ঘুমে করি ঢল-ঢলা, লুকাইল রাজবালা,
মরমের যত আলা, হলো তিরোহিত
ঘুম পারানিয়া মাসী, নীরবে শিয়রে বসি,
বাজায়ে মোহন বাঁশি গাইলেন গীত ।

৪৫

“—আয় চাঁদ হেসে হেসে, ভাত দিব ভালবেসে
যাছুর কপালে এসে বসে কর খেলা ;
যাছু মোর ঘুম যায়, চোখ তুলে নাহি চায়,
এই ভাবে পড়ে রবে, তিন প’র বেলা ।

৪৬

আকাশ পাতাল নুদি, আয় লো দেখিবি যদি,
হাতে লয়ে ক্ষীর দধি নাগরী সাজিয়ে ;
আয় নালো জাতিঘুথি, কুন্দ মাধবি মালতি,
কবির নিকটে দিব, কল্পনার বিয়ে ।—”

৪৬

“কল্পনা” গধুর কথা, কবির হৃদয়ে গাঁথা,
 নয়ন মেলিয়া কবি, চারি দিকে চায়;
 চাঁদের নাহি নে জ্যোতি, নাহি সেই জাতি যুথি,
 চারিদিকে ঘনঘটা, দেখিবারে পায়।

৪৮

অপার জলধি জলে, সামান্য তরনী চলে,
 তার মাঝে বসে কবি, (নাহি পরিচয়);
 ভাবে কবি মনে মনে, হলো বুঝি এত দিনে;
 শ্রীমন্তের সিদ্ধ যাত্রা পুনঃ অভিনয়।

৪৯

“ত্বরা” করি বাও ডিঙ্গা, বাজাও বাজাও শিঙ্গা,
 চলেছি প্রবানে আমি, অনেক যতনে;
 শ্বেত দীপে শ্বেতভুজা, করিয়া তাঁহার পূজা,
 ভরিব এবার তরী অনন্ত রতনে।

৫০

উত্তরে ডাকিল মেঘ, কর্ণধার চেয়ে দেখু,
 এ কি রে ঝটিকা বায়ু, বহিল ভীষণ;
 কি করিব কোথা যাব, কি করিয়ে কুল পাব,
 আর যে শুনিতে নারি তরঙ্গ-গর্জন!

৫১

সাবধানে ধরো হাল, হইয়াছে বে সামাল;
এই যে ডুবিল তরী, এই গেল প্রাণ;
হায় হায় সর্বনাশ, হইতেছে রক্ত শ্মশান ।
এত বলি হ'লা কবি আবার অজ্ঞান ।

৫২

চেতনা পাইয়া কবি, দেখিলা নূতন ছবি,
সে এক নূতন সৃষ্টি, সকলি নূতন,
পড়িয়া নদীর কূলে অনারুত ভূমিতলে,
কুতুহলে চারিদিকে ফিরায় নয়ন ।

৫৩

প্রকাণ্ড নগর এক, গগনে দিচ্ছে ঠেক,
কত সৌধ কত ঘটা, না যায় গগন;
মধ্যে বহে স্রোতস্বতী, (জাহাজের গতাগতি ॥
অধোতে সুরঙ্গ নেতু উর্দ্ধে সুরশোভন ।

৫৪

“—নীলবে শিয়রে বসে, কেঁতুগি এসন বেশে,
দেহ দেবি পরিচয়, সজরে আগায়;
কেন এত ভাণ বাস, কে তোমার এই দাস,
কহ যাতঃ কেন তুগি, এসেছ হেথায় ?—”

৫৫

দেবী কণ—“শোন বাছা, এ তোঁর বয়স কাঁচা;
এসেছিস খেতদীপে তেঁই বড় ভয়,
হেথা দুষ্ট সরস্বতী, ফিরায় সাধুর গতি,
ঐন্দ্রজালিকের এই, রাজ্যরে নিশ্চয় ।

৫৬

এ দেশে আইল যারা, সকলি ভুলিল তারা,
দুন্নয়নে বহে ধারা, স্মরিতে সে সব ;
কত অঞ্চলের নিধি, হরিয়া নিয়েছে বিধি,
কত যে গৌরব মোর, হয়েছে রৌরব !

৫৭

তাই বলি বাছাধন করেছিস প্রাণপণ,
কৃত্তী হয়ে ফিরে বাছা আরের ভবনে ;
যত ইচ্ছা বড় হও, চিরজীবী হয়ে রও,
জননী বলিয়া তোঁর, থাকে যেন মনে ।

৫৮

কাজ কিরে পরিচয়ে , এই হীন বেশ লয়ে,
এদেশে দেখাব মুখ কোন্ লাজে তাঁর ;
যাই তবে যাই আমি, সাবধানে থেকো তুমি,
আমি সে ভারত বটি জননী তোঁয়ার ।—”

২

লাবশ অবশ প্রাণ জাগেনা কখনি ;
 আঁধারে মুদিয়া আঁখি,
 দিবানিশি পড়ে থাকি,
 মৃত্যুর ছায়ায় ঢাকা নিরখি অবনী,
 নিরাশার শোক কথা অনুদিন শুনি ।

৩

অযুত অরুণ সন্ধ্যা তোমার প্রকাশ ;
 অন্ধকার গেল মুছে,
 মোহনিদ্রা গেল ঘুচে,
 চিদাকাশে বহিতেছে মলয় বাতাস
 মৃত প্রাণে খেলে কত আশার উচ্ছ্বাস ।

৪

কে তুমি ? চিনেছি তুমি জগৎ জননী,
 নহিলে এমন ক'রে,
 আজি এ পাপীর ঘরে,
 কে আসিত বিনে সেই করুণা-রূপিণী ;
 কে শুনা'ত এত কথা মৃত-মঞ্জীবনী ?

৫

অতুল অপরাজিত প্রেমের আধার ;
 এমন এমন স্নেহ,

আরিত জানেনা কেহ,
 বিনা গেই প্রেমময়ী জননী আগার ;
 পাণী ব'লে এত স্নেহ আর আছে কার ?

৬

কি কহিছ ? কোথা যাবো বলমা আগারে ;
 ওই প্রেমমুখ হেরে,
 প্রাণ যে কেমন করে,
 বাঁধেনা বাঁধেনা মন ধূলার সৎসারে ;
 বল মা কোথায় লয়ে যাইবে আগারে ?

৭

আহা কি মধুর দৃশ্য অঙ্গুলি সংক্লেতে
 দেখা'লে আনন্দময়ি,
 সুখ-ধাম বটে ওই,
 ওই তো যথার্থ স্বর্গ বটে পৃথিবীতে ;
 বিলম্ব সহেনা প্রাণে আর তথা যেতে ।

৮

একাকী যাবনা গাগো ঐ সুখস্থানে ;
 তোমার সন্তান যত,
 রয়েছে আগার মত,
 নিয়ে যাব তা সব্বারে, মিলে প্রাণে প্রাণে,
 তোমার মঙ্গল নাম গাবো একতানে ।

৯

কোথা আছ ভাই বোনি, এস গো আগার,
 আনন্দ-নগরে যাবো,
 আনন্দে মগন হবো,

ভুলিব পাপের ছালা হৃদয়ের ভার;
 ঐ শোন ডাকিছেন জননি আগার ।

১০

ডাকিছেন প্রেমময়ী জননী আগার;
 দিন মাস সম্বৎসরে,
 কত পাপ বারে বারে

করিয়াছি মোরা সবে সীমা নাহি তার,
 তবুও মায়ের স্নেহ অপার অপার ।

১১

আসিতেছে মহোৎসব সম্বৎসর পরে;
 বনের বিহঙ্গ প্রায়,
 ভাই বোনি সমুদায়,
 কত দূরে দূরে আছি দেশ দেশান্তরে
 এস আজ যাই সবে আনন্দ-নগরে ।

১২

হেরিয়া উষার আলো ধরনী উপরে,
 বিহঙ্গ আকাশে ধায়,

ফলকণ্ঠে গীত গায় ;

আমরাও চল যাই আনন্দ নগরে,

আনন্দগয়ীর নাম গাই সমস্তরে ।

সম্মিলন ।

অবনীৰ অলঙ্কার, কার সাধ্য বর্ণিবার,

ধন্য ধন্য আনন্দ-নগর ।

নন্দন কানন সম, ইহলোকে অনুপম,

যার যশে ব্যাণ্ড চরাচর ॥

প্রতিদিন প্রতিক্ষণে, লয়ে পূজ কন্যাগণে,

আনন্দগয়ীর যথা রঙ্গ ।

নাহি আত্ম পরজ্ঞান, জাতিভেদ অভিমান,

প্রবাহিত প্রেমের তরঙ্গ ॥

ভাবেতে বিবশ প্রায়, এ উহার মুখে চায়,

ধারা বহে নয়ন যুগলে ।

সমরীরে স্বর্গবাণী, আনন্দ নগরবাণী,

জন্ম কারো না যায় বিফলে ॥

যত সব নরনারী, বসিয়াছে সারি সারি,

করিতেছে পুণ্যের প্রসঙ্গ ।

ক্ষুধা তৃষ্ণা নাহি জ্ঞান, এগন সুখের স্থান,

কোন ক্রমে নাহি দেয় ভঙ্গ ॥

মিলে যত ভগী ভাতা, যেন ফুল ওরুণতা
পবিত্রতা খেলিছে আননে ।

যোগানন্দে মগ্ন হয়ে, কর্ম্মানন্দ রস পিয়ে,
মত্ত সবে মাতৃ গুণ গানে ॥

সেই সুমধুর ধ্বনি, দেবতা গন্ধর্ভ গুনি
ধরাতলে দিতেছে মেলানি ।

আকাশে তারকা হাসে, জলে পুষ্প পরকাশে,
উল্লাসেতে নাচিছে ধরনী ॥

সেই শুভ সমাচার, বায়ু বহে অনিবার,
কলকণ্ঠে বিহঙ্গম গায় ।

কণ্ঠে কণ্ঠ মিশাইয়া, শুভ সমাচার দিয়া,
হেলে পড়ে এ উহার গায় ॥

নাহি তথা অত্যাচার, নাহি মাত্র হাহাকার,
যে যাহার আছে মন সুখে !

বায়ুসে পায়ন খায়, মার্জার কুকুর ভায়,
সস্তাষণ করে হাস্যমুখে ॥

সে আনন্দ নিকেতনে, মায়েল আদেশ মেনে,
দয়া সদা মূর্তিগতী হয়ে ।

যেই রূপ ধনী জনে, সেই রূপ দীন হীনে,
ভুযিছেন এক অঙ্কে লয়ে ॥

আলস্ত্র কি অহঙ্কার, বিনশ্বাদ ব্যভিচার,
কপটতা কেহ নাহি জানে ।

নাহি দুঃখ নাহি পাপ, নাহি শোক নাহি তাপ,
হিংসা দেশ নাহি সেই স্থানে ॥

সবে যথা কৰ্ম্মশীল, এক দণ্ড এক তিল,
বিফলেতে না করে কর্ত্তন ।

আবাল বনিতা যত, পর উপকারে রত,
জীবসেবা গোক্ষের সাধন ॥

নানা শাস্ত্র নানা ভাষা, কি আচার্য্য কিবা চাষা,
সমভাবে করে আলোচনা ।

বিজ্ঞান দর্শন যত, সকলের হস্তগত,
ব্রহ্মবিদ্যা সকলেরি জানা ॥

সেই স্থানে স্বাধীনতা, বনের বিহঙ্গ যথা,
যথা ইচ্ছা করে বিচরণ ।

ক্রৌঞ্চদান হও ভুগি, * পরশিলে সেই ভুগি,
হবে তব দাসত্ব মোচন ॥

কি বা ধনী কি দম্বিজ, কি গন্ধক কিবা স্কৃজ,
ব্রাহ্মণ শূদ্রের ভেদ নাহি ।

কিবা হিন্দু মুসলমান, বৌদ্ধ কিম্বা খৃষ্টিয়ান,
নর নারী সগান সবাই ॥

মায়ের সন্তান যেই, মায়ের পুত্রক সেই
 মাতৃধনে সগ অধিকারী ।

হয়েছে মহেন্দ্রযোগ, ভূতলে স্বর্গের ভোগ,
 কি আনন্দ যাই বলিহারি ।

রসাল বকুল তলে, কুরঙ্গ কুরঙ্গী খেলে,
 শিরোপরে কোকিল কাকলি ।

শীতল পবন ভরে, পুষ্প হতে পুষ্পান্তরে,
 রঙ্গে ভুঙ্গ করিতেছে কেলি ॥

যে বায় আনন্দপুরে, তার মন আশ পুরে,
 কভু ফিরে আনিতে না চায় !

সেই আনন্দের লাগি, পঞ্চভুত অনুরাগী,
 তরঙ্গিনী তরঙ্গ উধায় ॥

এ হেন আনন্দ ধাম, অবগেতে যার নাগ,
 পুলকে পূর্ণিত তনু মন ।

ক্ষণেক বঞ্চিলে তায়, পাপীষ্ঠের পাপ মায়,
 দরশনে সফল জীবন ॥

প্রোমানন্দ সকাত্তরে, এই অভিলাস করে,
 আনন্দ নগরে করি বদন ।

করিব মায়ের ধ্যান, জীবগণে প্রেমদান,
 পূর্ণ হবে আশাব পিয়ান ॥

বন্দনা ।

জয় ব্রহ্ম সনাতন, জগজ্জন জীবন,
জগত বন্দন হে,
তুমি পূর্ণ পরাংপর; পরম পুরুষ,
পতিত-পাবন হে ।

বিশ্বভুবনপতি, তোমার আদেশ লয়ে ;
কোটি সূর্য্য কোটি পথে ধায় ;
দেব মানব নবে, তোমার চরণ সেবে,
কোটি কণ্ঠে তব গুণ গায় ॥

(জয়) অনন্ত জ্ঞানধার, কারণ-কারণ,
অপরূপ মহিমা তোমার ;
আদি কবি তুমি, তোমার রচনা হেরি,
পুলকে নয়নে বহে ধার ।

দারিদ্র্য ভঞ্জন, দুঃখ নিবারণ,
দীনবন্ধু দয়ার অবতার ;
তোমার করুণা বারি, রোগ শোক পাপহারী,
ভবান্নবে তুমি কর্ণধার ॥

(তুমি) সেবক ভয়হারী, গিহ দাতা পিতা,
জয় শিব মঙ্গল আশয় ;
তব কৃপা গান করি, তোমার পতাকা ধরি,
সহজে জগৎ করি জয় ।

প্রোমের মূর্তি, প্রাণরমণ তুমি,
 প্রিয়তম, পরশরতন ;

তোমার পরশে নাথ, সংশয় ছুঃখ যত,
 নাহি রহে করে পলায়ন ॥

(ওহে) সত্য সুন্দর তুমি, অরূপ রূপ তোমার,
 অতুলনা ভুবনমোহন ;

ভকত হৃদয়াকাশে, শান্তি সুধাকর,
 পরকাশ অযুত কিরণ ।

নেই তব সুবিমল, প্রেম মুখ জ্যোতিঃ,
 চিত্ত চকোর সদা চাহে ;

অধম সন্তানগণে, দেখাও দেখাও পিত,
 নিজ গুণে কর কৃপা হে ॥

ধন জন যৌবন, তোমারি প্রসাদ সব,
 বল বুদ্ধি দেহ মন প্রাণ ;

আশীষ কর পিতঃ, তব পদে রাখি গতি,
 তোমাতেই করি সমাধান ॥



বিনোদ ও মালতী ।

“সুখের লাগিয়া, এ ঘর বাধিলু,
আঙুনে পুড়িয়া গেল ।”

১

গভীর বিষাদে উছঃ সদা প্রাণ দহিছে ।
পাষাণের প্রাণ তাই এত জ্বালা সহিছে ।
গরমে ফাটিয়া বুঝি শত খণ্ড হয়েছি,
আশার কুহকে শুধু আজও বেঁচে রয়েছি ।
স্নেহের নিকুঞ্জ যারে এত করে পুষিলাম,
হৃদয়-শোণিত দিয়ে কত করে ভুসিলাম ;
এমন সুন্দর যারে হেরিয়াছি নয়নে,
তিলেক ছাড়িনি যারে জাগ্রতে কি স্বপনে,
জীবনের সার'ধন পরাণের পুতলি,
স্মরিতে যে রূপ উঠে মন প্রাণ উথলি ।
আদরে নিকটে বসে কত কথা কয়েছি,
মধুর আলিাপে সুখে ডগ মগ হয়েছি ;
আদর করিয়া তার কত নাম রেখেছি,
সোহাগে আকুল হয়ে কত নামে ডেকেছি

দণ্ডে দণ্ডে কত তারে বক্ষোপরে লয়েছি,
করতালি দিয়া দিয়া কত যে নাচায়েছি;
সে কণ্ঠের গীত ধ্বনি শুনিয়াছি যখনি,
সশরীরে স্বর্গ ভোগ করিয়াছি তখনি ।
কোন ব্যাধ নিদারুণ সে বিহঙ্গে হরিল ।
জীবন-কানন মম অন্ধকার করিল !

২

শিশু কাল হতে দৌহে এক হতে চেয়েছি,
একি সরোবর জলে এক ঘাটে নেয়েছি,
একই বাগানে গিয়ে এক ফুল ভুলেছি,
মালা গাঁথে গলে দিয়ে রূপ দেখে ভুলেছি ;
এক পাঠশালে গিয়ে এক পাঠ পড়েছি,
এক স্নেহে হাসিয়াছি, এক শোকে মরেছি ;
এক চিন্তা এক আশা মনে আর হৃদয়ে,
এককালে এক ভাবে পুষিয়াছি উভয়ে ;
এক বৃন্তে দুটি ফুল এক সঙ্গে ফুটিবে,
আশা ছিল কত আহা, পরিমল ছুটিবে ।
সমাজ স্বাপদ কুর পাষাণের নখেতে,
ফুল দুটি ছিঁড়ে নিল অফুটন্ত থাকিতে ।
অকালে কুসুম দুটি পদতলে দলিয়া,
ছিন্ন ভিন্ন করে গেল ধূলি মাঝে ফেলিয়া ।

ভাগ্যের বাতাসে পুনঃ ফুল দুটি গিলিল,
জীবনের গত দুঃখ আর বার ভুলিল ।
ভাবিনু বিচ্ছেদ শোক আর বুঝি হবেনা,
বিনোদ মালতী আর কভু দূরে রবেনা ।
হায়রে ! স্বপ্নের গত যদিও বা পাইলাগ;
না জানি কি পাপ ফলে আবার হারাইলাগ !

৩

স্বহস্তে ফেলিতে পারি হৃদয় উপাড়িয়া,
বাঁচিতে পারিনে তবু মালতীরে ছাড়িয়া ।
মালতীর সেই প্রেম কি করিয়া ভুলিব ?
গভীর প্রাণের দাগ কি করিয়া ভুলিব !
“বিনোদ মালতী” কথা কবিতায় লিখেছি,
“বিনোদিনী” বলে তারে অনুদিন ডেকেছি ;
“মালতী বিনোদ” কথা গাথা হয়ে রয়েছে,
“মালতী বিনোদ” গীত প্রেমিকেরা গেয়েছে ;
“বিনোদ মালতী” কথা লিখেছিল ময়না,
নিয়ত সে তাই বলে আর কিছু কয় না ।
কে বুঝিবে মালতীরে কত ভাল বাগিরে,
মালতীর তরে আগি হবে। বনবাগীরে !
দেখিব সে মালতীরে পাই কিনা পাইরে,
অথবা মালতী বুঝি ধরাতলে নাই রে ।

তা না হলে অভাগারে কেন মনে করে না,
 'পাগলিনী হয়ে এসে ছুটে কেন ধরে না ?
 না জানি কি পাপ রাছ কোথা হতে আইল,
 আকাশ ছাড়িয়া শশী কোথারে লুকাইল !

৪

অথবা আমারি ভ্রম, স্বপনেতে ভুলেছি,
 আকাশের ফুলরাশি দুই হাতে তুলেছি !
 মালতী গায়ার খেলা, প্রেম কি তা জানে না,
 আমারি অবোধ প্রাণ ঐ কথা মানে না ।
 অভাগী বাঙ্গালী-মেয়ে প্রেম কিমে জানিবে,
 পঙ্কিল সুন্দর-বনে মন্দার কে আনিবে ?
 যে দেশে অবলা জাতি পশুদের মতনো,
 পুরুষের পদমেবে, নাহি পায় যতনো ;
 যে দেশের পরিণয় প্রণয়েতে হয় না,
 পতি পত্নী ভালবেসে কারো নাম লয় না ;
 যে দেশে নারীর জন্ম খাটিতে আর রঁধিতে,
 প্রিয় শোকে পারে না কো মুখ ফুটে কাঁদিতে ।
 সে দেশে জনম যার প্রেম কি সে জানিবে,
 বেতবনে পারিজাত কে কেমনে আনিবে ?
 বুঝেছি নারীর প্রেম স্থির নাহি রয়রে,
 প্রবঞ্চক নরুভূমি, মরীচিকা ময়রে ।

তবে কেন দূর হতে ছায়া দেখে ভুলিলাম,
আকাশের গায়, এত অটালিকা ভুলিলাম ?
তা হলে ভালই হলো, ভাল শিক্ষা পেয়েছি,
হৃদয় মানে না কেন ? ভাল দায় ঠেকেছি !

৫

তবে কেন নিরাশায় পাগলিনী হইয়া,
বনে বনে কেঁদেছিল বিনোদের লাগিয়া ;
তবে কেন এতদিন প্রতিজ্ঞা ভুলিল না,
রাজরাণী হতেছিল, হয়েও তা হলোনা ;
বিনোদের ছবি খানি কেন তবে রেখেছে,
স্বহস্তে “মালতী” নাম কেন নীচে লেখেছে ?
বিনোদে পারেনা বলে, নিশিতে লুকাইয়া,
ভীষণ পদ্মার জলে পড়েছিল ঝাঁপিয়া ?
তা নয়—কখনি নয়, গরীচিতে ভুলিনি,
অবোধ শিশুর মত সাপ লয়ে খেলিনি ;
প্রেমের তুলিতে বিধি অবলায় এঁকেছে,
“বিশ্বাস” কথাটি তার হৃদয়েতে লেখেছে ;
বুঝেছি অদৃষ্ট ঘোষে আমার সে হলো না,
অবলার প্রাণ কভু নাহি জানে ছল না ।
মালতীর ভালবাসা পর্কতের মতনো ;
কোণী বজ্রপাতে তাহা ভাঙিবে না কখনো ;

বেঁধেছি পর্ত্ত-মূলে এ জীবন-তরণী ;
 ' ছি' ড়িবেনা এই বাঁধ ডুবিবনা কখন ;
 বহুক বিপদ বাড় নাহি কিছু ভয়রে,
 ' গালতীর প্রেম কভু টলিবার নয়রে ।

৬

কত ভ্রাল বাসিতেম গালতী তা বুঝেনি,
 অভাগার প্রেমে তাই ভাল করে মজেনি,
 কেবলি কি গালতীরে প্রাণে পূরে রেখেছি,
 কেবলি কি ঐ রূপ ধরাগয় দেখেছি ;
 চোকের উপরে তার কত ক্রটি হয়েছে,
 কত লোক কত মত কত কথা কয়েছে ,
 তিলেক সন্দেহ তারে কভু যদি করেছি,
 ফাকর হইয়া দুখে বুক ফেটে গিয়েছি ।
 তবু তারে সরমের সেই দুঃখ কইনি,
 সন্দেহ এলেও প্রাণে সন্ধানটি লইনি ;
 গালতীর প্রেমে দ্বিগা কভু হতে পারেনা,
 এই বলে আপনারে করিয়াছি ভাড়া ;
 ' উঠে যে পবিত্র জল গিলিবক্ষ হইতে,
 নিয়তই পড়ে তাহা সাগরের বক্ষেতে ;
 চাতকিনী মরিলেও কুপ-জল খাবে না,
 ' গালতী বিনোদে ছেড়ে আর কোথা যাবেনা ।

দিক্ যজ্ঞ নাবিকেনে করে নাকো ছলনা ?
 মালতীর কোন দোষ কেউ কানে বলোনা ।”
 এই কথা বলে লোকে রাখিয়াছি নীরবে,
 কত ভাল বাসিতেন মালতী কি বুঝিবে ।

৭

ইতর পল্লীতে যথা গোশালার নিকটে,
 গিউলী ফুলের গাছ থাকে অতি সঙ্গটে ;
 বার মাগে এক মাগো ফুল তাতে আনে না,
 ফুল সাজে সেফালিকা কোন দিনো হাসেনা ;
 গোময় গোমূত্র আর আবর্জনা রাখিয়া,
 সেফালীর চারিদিক রাখে সদা ঢাকিয়া ।
 কেবল শরৎকালে প্রাতঃ সমীরণেতে,
 এক বিন্দু শাস্তি দেয় সেফালীর প্রাণেতে ;
 কখনো যদিবা হাসে দুটি ফুল ধরিয়া,
 ধূলাতে শুকায় ফুল সারাদিন পড়িয়া ।
 তেমতী মালতী ছিল ইতরের ভবনে,
 মুখের বাতাস কভু লাগে নাই পরাণে,
 অধীনতা অত্যাচারে মরমেতে মরিয়া,
 পিশাচের সঙ্গে ছিল প্রোতভুগে পড়িয়া ;
 যদিবা স্বভাব গুণে হানিয়াছে কখনি,
 কি অমৃত আছে তাতে পিশাচেরা দেখেনি ;

তার সেই হাসি আমি কুড়াইয়া লয়েছি,
 ফালা গঁথে কত সাপে হৃদয়েতে পরেছি,
 ফুটে আছে হাসি ফুল যেমন তা ফুটিত,
 ছুটিছে শূন্য তার, তখন বা ছুটিত।

৮

মালতিরে, ও মালতি, পড়েনাকি মনেতে—
 সেই যে বসেছি বেয়ে অশোকের বনেতে ;
 সাজিয়েছি তোরে কত অশোকের ফুলেতে,
 দেখিয়াছি তোর রূপ সরোবর জলেতে ;
 রূপের পিয়াসে পোড়া চোকে পাতা পড়েনি,
 ভাবের আবেগে পোড়া মুখে কথা সরেনি ;
 মনে কি পড়েনা কথা, দেখ মনে ভারিয়া,
 মাথার উপরে বসে ডাকিয়াছে পাখিয়া ;
 “চোক গেল” বলে পাখী যতবার ডেকেছে,
 দেখিয়াছি—ততবার তোর প্রাণে লেগেছে ;
 রাগ করে বলেছিস—“আমাদের স্মৃতিতে,
 পাখী হিংসুক পাখী মরে দেখ দুঃখেতে ;
 প্রেমের সোহাগ ওর চোকে বুঝি সয়না,
 ‘চোক গেল’ বলে ডাকে, আর কিছু কয়না।”
 এখন বুঝেছি পাখী কেন হেন ডাকিত,
 অশোক পাতায় কেন লুকাইয়া থাকিত !

নিরাশ প্রেমের আলা যার প্রাণে রয়রে,
কৈদে কৈদে দুঃখের তারি অন্ধ হয়ে ;
“চোক গেল” বলে পাখী জানাইত বেদনা,
অভাগা যে ভাল করে কাঁদিতোও পারিনা ।

৯

বুঝেছি বুঝেছি আমি বুঝেছি এখন রে,
নিরাশ-প্রেমের আলা গভীর কেমন বে ।
বুঝেছি দামিনী কেন আত্মহত্যা করিল,
বুঝেছি সুরেশ কেন পাপে ডুবে মরিল ;
এ জীবনে একবার প্রাণ যারে চায় রে,
বাঁচে কি মানুষ যদি সে ধনে না পায় রে ?
অভাগা সুরেশ আহা দামিনী হারাইয়া,
পথে পথে কৈদেছিল উন্মত্ত হইয়া ,
নিরাশে প্রেমের আলা, সেই শোক ভুলিতে,
তরল অনল প্রোতে গিয়াছিল ডুবিতে ,
মাতাল পাপীষ্ঠ হয়ে বস্ত পাপ করেছে ।
পশুদের অত্যাচারে দামিনীও মরেছে ॥
পাপীষ্ঠ মগজু যারে “আত্মঘাতী” করিছে,
“অপরাধী” বলে পুনঃ তারি কেশে ধরিছে ।
ধাক্ক পাপীষ্ঠ দেশ “ধন মান লইয়া,
বনে বনে বেড়াইব প্রেম-যোগী হইয়া ;

স্বাধীন যনের পশু পাখী যথা পাইব,
 স্বাধীন প্রেমের গীত সেই খানে গাইব,
 জুড়াতে প্রাণের জ্বালা বিধাতারে ডাকিব
 মালতীর স্মৃতি লয়ে অনুদিন থাকিব ।

সুখের শরৎ ।

১

আইল শরৎ, পৱিল জগৎ,
 মরকত-হার গলে ;
 গগনে তারকা, বনে সেফালিকা,
 কুমুদ ফুটিল জলে ।
 পূর্ণিমার চাঁদ, এমনি সুছাঁদ,
 কণিত কনকখালা ;
 ক্ষরিতেছে সুখা, হরিতেছে ক্ষুধা,
 ধরার যুটিল জ্বালা ।
 বিধুবিলাসিনী, নিশি সুহাসিনী,
 লইয়া বরণডালা ;
 পেয়ে প্রাণপতি, বরে রসবতী,
 যেমতি যুবতী বালা ।

সুখের মিলনে, প্রেমআলাপনে,
 আনন্দসাগরে ভাসে,
 দেখিয়া প্রকৃতি, হরযিতা অতি,
 লাবণ্য ঢালিয়া হানে ।
 মৃদুল বাতাসে, ভুবন আকাশে,
 আতর ছিঁটায় কত ;
 মাতিয়া সৌরভে, নাচিতেছে সবে,
 শ্রাবণ জঙ্গম যত ।

সে রস নিরখি, যতেক জোনাকী,
 থাকিয়া থাকিয়া অলে ;
 “আমার মতন, রূপসী এমন,
 কে আছে ?” গরবে বলে ।

২

পোহাইল রাত্টি, বিহঙ্গন পাঁতি,
 উল্লাসে আকাশে ধাইল ;
 জগরের দল, আমোদে বিহ্বল,
 উষার কুন্তল ছাইল ।
 সরসে নলিনী, রসিকা রমণী,
 দেখে—দিনমণি আইল ;
 নব অনুরাগে, কাঁদিয়া সোহাগে,
 পূর্বভাগে চাইল ।

যত পুরখালা, হাতে লয়ে থালা,
 ফুটিল কুসুমচয়নে ;
 উড়ে পড়ে কেশ, আলু থালু বেশ,
 ঘুমের আবেশ নয়নে ।

ভাবে চল চল, হালে খল খল,
 অমল কোমল বালিকা ;
 তুলে নানা ফুল, পরে কাণে ছুল,
 গাঁথিয়া চিকন মালিকা ।

শ্রমেতে বিবশ, পথিক অলস,
 ধীরে ধীরে পথে চলিল ;
 কি জানি ভাবিয়া, নীরবে কাঁদিয়া,
 নয়নললিলে গলিল ।
 অতি দীন হীন, করজ কোপিণ,
 লয়ে উদাসীন আইল,
 —উঠ নন্দলাল—বলিয়া অমনি,
 প্রভাত-গদ্যত গাইল ।

৩

ফুরাইল বেলা, প্রদীপমেথুলা,
 পরিয়া বামিনী আসে ;
 পড়িয়া প্রমাদে, কমলিনী কাঁদে,
 কুমুদী দেখিয়া হাসে ;

যত অমর চলিল বাসে ।
 লইয়া কলসী, ঘোড়ায়ী রূপসী,
 সরসে সিনানে চলে ;
 মৃদু হাসি হাসি, অমৃতের রাসি,
 ঢালিল সরসীজলে ;
 যেন মুকুরে মুকুতা বালে !
 অমর নিবাসে, আনন্দ উজাসে,
 যতেক অমরবালা ;
 নানা আভরণে, সিঁদুরলেপনে,
 সাজাল গগনখালা ;
 তাতে বাঁধিল ফুলের মালা ।
 বাজাইয়া বেণু, খেদাইয়া ধেনু,
 গোপাল চলিল ঘরে ;
 মন্দিরে মন্দিরে, মৃদুল গম্ভীরে,
 ভকত কীর্তন করে ;
 সবে প্রোমেতে চলিয়া পড়ে !
 আকাশে চাহিয়া, করতালি দিয়া,
 বালক নাচিছে রসে ;
 নয়ন নিছনি, তারকা অগনি,
 ভুতলে পড়িছে খসে ;
 তারা অধীর মানের বশে ,

শরতের শোভা, মুনিগনোলোভা,
 (যাতে) কবির মানস ভোলে ;
 চল রাজবালা, স্নুখে করি খেলা,
 বসিয়ে নদীর কূলে ;
 মালা গাঁথিব মালতী ফুলে ।

৪

ছাদে । চল চল যাই, বেড়িয়া বেড়াই,
 ঐ যমুনার তটে ;
 আজ, তাঁদের নাচনি, দেখিব স্বজনি,
 বিমল জলের পটে ।

এখন, না আছে বাদল, মেঘের কোঁদল,
 নদীর মলিন মুখ ;
 দেখ, সময় পাইয়া, রূপের গরবে,
 ফুলিয়া উঠেছে বুক ।

স্নুখে, ভাঁটার জলে, দলে দলে,
 তরনী দিতেছে সারি ;
 বসে, বাহক সবে, বাঁশির রবে,
 গাইছে স্নুখের সারি ।

দেখবো, নদীর কোলে, তেমনি দোলে,
 সোণার বরণ রাতি ;

যেমনি, উঠিতে বসিতে, তোমার গলে,
 বালমে হীরার পাতি ।
 গরি ! কত বিহঙ্গ, করিছে রঙ্গ,
 নামিয়ে শীতল জলে ;
 তারা, করিতেছে গান, ধরিতেছে তান ;
 শুনিয়া পাষাণ গলে !
 চল, যাই সহচরি, এ সুখ সময়ে,
 বসিয়ে কদম্বমূলে ;
 আজ আপনা ভুলিয়া, মনমুখে গীত,
 গাইব হৃদয় খুলে ।

কমলে কামিনী ।

(উদ্ভাস্ত প্রেম)

১

একি অপরূপরূপ কমলে কামিনী !
 ঘোরতর অমানিশা,
 নয়নে নাহিক দিশা,
 ক্ষণে হাঙ্গে ক্ষণপ্রভা জাস্তি-বিলাসিনী ;
 এ সময়ে ও কি দেখি । কমলে কামিনী ?

২

সতত সঙ্গিনী ঐ কমল-বাগিনী ;
 জীবন-সরসী-জলে,
 হৃদি শতদলদলে,
 বিরাজে বিমল মূর্তি—স্থির সৌদামিনী—
 নয়নের তারা ঐ কমলে কাগিনী !

৩

ঐ রূপ; দেখি যবে নিশীথে স্বপন,
 হাতে পাই চন্দ্র তারা,
 —ভাবমদে মাতোয়ারা—
 নয়নে আনন্দ-ধারা হয় বরষণ ;
 কমলে কাগিনীরূপ নিরখি তখন ।

৪

যখন প্রদোষশেষে বিজ্ঞান পুলিনে,
 শুনি দূর বংশীগান,
 বিলুপ্ত হইয়েছে জ্ঞান,
 আলুথালু মন প্রাণ রূপের প্রাবনে ,
 তখনি ও রূপ আমি দেখেছি নয়নে ।

৫

দেখিয়াছি, মধুমাগে পোহালে বাগিনী,
 প্রফুল্ল কুসুমমাঝে,

সজ্জিত কুসুম-সাজে,
দেখিয়াছি, বনদেবী-বন-সুশোভিনী,
অনন্তরূপিনী ঐ কমলে কামিনী ।

৬

দেখিয়াছি ঐ মুখ পদ্মরাগ গণি,
বিমল বিনোদ ভরা,
উল্লাসে নেচেছে ধরা ;
করতালি দিয়া দিয়া নেচেছি আপনি ;
গাইয়াছি “ ঐ মোর কমলে কামিনী ! ”

৭

মায়ার মূরতি ঐ কমলে কামিনী,
কভু অঙ্গপূর্ণা সতী,
কভু রমা রসবতী;
কভু উগ্রচণ্ডা ভীমা কভু উন্মাদিনী,
অনন্তরূপিনী ঐ কমলে কামিনী !

৮

সাহিত্য-কাননে ঐ বাণী বীণাপাণি,
মরুভূমে স্বর্ণগতা,
শান্তির কুসুমযুতা,
উৎসব-নন্দন-বাসে শচী-সোহাগিনী,
প্রেম যমুনার কূলে রাধা কলঙ্কিনী ।

৯

দুঃখের সাগরে যবে আকুল পরাণি,
নিরাশার ঝড় বহে,
কাব সাধ্য আর নহে,
চিন্তার তরঙ্গ বেগে ? কি হবে না জানি ।
তখনি নিরখি ঐ কমলে কামিনী ।

১০

বৈধেছে মানস-করী মুণালে কামিনী ।
নাহি কেউ সাক্ষী তার,
আগি দেখি অনিবার,
জাগ্রতে স্বপনে সম দিবস যামিনী,
প্রবাস-সাগরে ঐ কমলে কামিনী ।

১১

হৃদয়-পুতলি ঐ কমলে কামিনী ।
জীবনের যাত্রাশেষে,
কৃতান্ত ধরিলে কেনে,
হৃদয়ে করিব ধ্যান প্রেমমুখখানি,
দেখিব মমানে ঐ কমলে কামিনী ।

ভারতকলরু ।

—নির্ঝাণদীপে কিম্বর্ত্তল দানম্ ।—

১

নিশীথে নিদ্রিত ধরা নিসর্গ নীরব ;
জীবমাত্র অচেতন, নাহি হাস্য বিলাপন,
অন্তর্মিত প্রকৃতির আনন্দ উৎসব ।

২

অন্ধকার করিতেছে ছছকার ধ্বনি ;
পশিল কবির কানে, অন্য কেউ নাহি শোনে,
শয়ন ত্যজিয়া কবি উঠিলা অগনি ।

৩

নাহি নিদ্রা খুলে গেল চিত্তের দুয়ার ;
চিন্তার বাতাস বহে, (আর কি স্মৃতির রহে ?)
ভাবের তরঙ্গ রঙ্গ উঠিল তাহার ।

৪

বিষম কণ্টক শয্যা । ছুটিলা বাহিরে,
আবেগে আকুল কবি, ভাবনা বিশীর্ণছবি,
বসিলেন গিয়া শুষ্ক ব্রহ্মপুত্র-তীরে ।

১৫

পথশ্রমে ক্লান্ত হয়ে যুবা দুই জন,
ভঙ্গ দিয়া পুণ্যকামে, হেলিল দক্ষিণে বামে,
সহসা রাক্ষস এক আইল ভীষণ !

১৬

বিষম বিকট মূর্তি দেখে উড়ে প্রাণ !
অস্তরে পাইয়া ভয়, কহিলা যুবক দয়,
“এ ঘোর নকটে প্রভু কর পরিত্রাণ !”

১৭

হাসিয়া রাক্ষস কহে, “দিলেম অভয় ;
মম অনুগত হবে, চিরদিন সুখে রবে,
লভিবে বিপুল কীর্তি বসুন্ধরা ময় ।”

১৮

প্রণত হইয়া তবে কহে যুবা দয়—
“ওপদে রাখিব ভক্তি, ঐ বটে গতি মুক্তি,
করণ আদেশ প্রভু যেবা মনে লয় ।”

১৯

এত কহি যুবা এক মত্ত ধনমদে,
অঞ্জলী পুরিয়া ধন, ব্যগ্র হয়ে আর জন,
এন্দুরাশি সমপিলা রাক্ষসের পদে ।

২০

চতুর রাক্ষস সেই ধরি এক জনে
পরাইলা দিব্য বস্ত্র, ছাট কোট অস্ত্র শস্ত্র,
দাসখত লিখাইয়া লইলা যতনে ।

২১

দাসজের জয়পত্র বাঁধিয়া ললাটে,
মত্ত হয়ে অভিমানে, চাহিয়া আকাশ পানে
বক্রপ্রাণ করিযুবা চলিলা দাপটে ।

২২

আর জনে সঘোষিয়া কহিলা রাক্ষস—
“এস এস ত্বর করি, আর নাহি সহ্যে দেরি,
এখনি পুরাব আমি তোমার মানস ।”

২৩

এত বলি হাতে দিয়া পিতলের অসি,
পরাইলা শিরস্ত্রাণ, বাড়াইলা বড় মান,
উজ্জ্বল নক্ষত্র-চিহ্ন বাঁধিলা শিরসি ।

২৪

রাক্ষস কহিলা “কৃতি বড় সুখে রবে ;
সভা স্থলে নশ্রুধার, ভোজনেতে সুপকার,
স্বগয়াতে বাহন, এ সব মম হবে ।”

২৫

এ সব দেখিয়া কবি ধিক্ ধিক্ স্বরে ;
 যুবক যে ছিল সজে, হেলে পড়ে তার অজে,
 স্থণা লজ্জা ক্রোধে তার শরীর গিহরে ।

২৬

যুবারে কহিলা কবি দেখ “কি দুর্দশা ;
 ঠিক পথে চলো ভাই, না হইলে রক্ষা নাই”
 অমনি রাক্ষস তথা আইল সহসা ।

২৭

বিষম ছক্কারে তার কাঁপিল গেমিনী ;
 যুবারে ধরিয়া কেশে, উড়াইলা দূর দেশে,
 হতজ্ঞান হয়ে কবি পড়িলা অবনী ।

২৮

চেতনা পাইয়া কবি চারি দিকে চায় ;
 না দেখে রাক্ষসে আর, সাহস হইল তার;
 সজের যুবকে শেষে দেখিবারে পায় ।

২৯

শুধাইলা কবি “কহ কি হলো ঘটন ?
 গিয়েছিছু এইবার, দেখা নাহি হতো আর
 ভাগ্যে যে বাঁচিছু ছিল বিধির লিখন ।”

৩০

যুবা কহে “রাক্ষসের বড় অত্যাচার ;
ধন রত্ন যত ছিল, আগে তাহা হরে নিল,
অন্ন বিনা আমাদের প্রাণে বাঁচা ভার ।”

৩১

“আমারে কহিলা দুষ্ট কর্কশ বচনে,
‘আমার এ অধিকার, তবু এত অহঙ্কার,
রাজদ্রোহি, আজি তোরে বধিব পরাণে !”

৩২

“এত কহি ফেলে দিলা গর্ভের মাঝারে ;
বড় কষ্টে বেঁচে আছি, নাহি মাত্র কেশ গাছি,
ভান্দিয়াছে হস্ত পদ বিষম আছাড়ে ।”

৩৩

“বা হোক কীর্তির পুরী হয়েছে নিকট ;
দ্রুত পদে চল যাই, আর কিছু রক্ষা নাই,
দেখে যদি পুনঃ সেই রাক্ষস বিকট !”

৩৪

উঠিয়া যুবার সঙ্গে কবি দ্রুত ধায় ;
নিক হতে মনোরথ, অশি বহু দূর পথ,
উজ্জ্বল আলোক রাশি দেখিবারে পায় ।

বিশ্বামিত্র কি বশিষ্ঠ, তত্ত্বজ্ঞানী তপোনিষ্ঠ,
দধীচি গৌতম আদি আছেন এখানে ;
বাল্মীকী বেদব্যাস, ভবভূতি কালিদাস,
মর্ত্যেতে অমর যারা কাব্যসুধা পানেন ।

শর্মিষ্ঠা সাবিত্রী জনা, গীতা দময়ন্তী থনা,
সতী সাধ্বী গুণবতী ভুবন বাধানে ;
ইক্ষ্বাকু গান্ধাতা বলী, ভার্গব সৌমিত্রী বলী,
ভীষ্ম দ্রোণ ভীমার্জুন বসেন সম্মানে ।

অবশেষে পৃথ্বরাজ, ভারতের রাথি লাজ,
আইলা কীর্তির ঘরে আর কেহ নাই ;
গিয়েছে সে সব দিন, আর্য্যাবর্ত হলো ক্ষীণ,
কুপুঞ্জ কুলের কালী মায়ের বানাই ।

ভারত-সন্তান আর, এ যোর কলঙ্ক-ভার,
বহিবেন মস্তকে কত জানেন বিধাতা ;
আর্য্যাবর্তে নাই ধর্ম্ম, তপ যপ ক্রিয়া কর্ম্ম,
শৌর্য্য বীর্য্য দান ধ্যান প্রীতি পবিত্রতা ।

সকলি প্রগাদে মত্ত, রাজনীতি রাজতত্ত্ব,
দাসত্বের অভিনয়, আর কিছু নয় ;
যত কাব্য উপাঙ্গ, বিজ্ঞাতির উপহাস,
বিদেশীয় পদচিহ্নে পূর্ণ সমুদয় ।

হে ভীষ্ম ভারত-সুত, অশেষ কলঙ্কযুক্ত,
 কীর্ত্তির গন্ধিরে যেতে তথাপি চঞ্চল ;
 কলের শকটে চড়, কলের স্বগন পর,
 কলের পুতুল তুগি আপনি বিকল ।
 নাহি গুণ নাহি জ্ঞান, তেজ বীর্য্য অভিসান,
 নাহি ধর্ম্ম নাহি কর্ম্ম লুপ্ত সমুদয় ;
 তোমাদের কর্ম্ম দোষে, জগত কলঙ্ক ঘোষে,
 ধর্ম্মক্ষেত্র পাপ তাপ দুঃখেব আশয় ।
 দাগত্ব কবিত্তে জন্ম, দাগত্ব তোদের ধর্ম্ম,
 বিজাতির পদসেবা কর্ত্তব্য তোদের ;
 ক্রুর লিপি বিধাতার, অন্য দোষ দিব কার,
 অভাগিনী ভারতের অদৃষ্টের ফের ।”

(পাঠান্তর)

পাঠ অস্ত্রে দুঃখের লিখন,
 ক্ষোভে যুবা মলিন বদন,
 অধোমুখে মনোদুঃখে ধীরে ফিরে করিলা গমন ।
 যুবার দেখিয়া এই দশা,
 ভাবে কবি—“নাহিক ভরসা,
 এত দিনে ফুরাইল মনে মনে যত ছিল আশা ।”
 হেন কালে দিক উজলিয়া,
 সুরধনী মহলা আসিয়া,

কবিষে কহেন বাণী বিশ্বমুখে মধু বরষিয়া ;

“—স্বভাবের শিশু তুমি কবি,

শোকাকুল তেঁই মুখচ্ছবি,

চির-অস্তাচলগত ভারতের গৌরবের রবি ।

গর্মব্যথা কব কি তোমায়,

নাহি জানি কি কাল নিদ্রায়,

সোনার ভারত তুমি অচেতন আছে মৃত প্রায় !

ঐ দেখ কীর্তির মন্দির,

চেয়ে দেখ গঠন রুচির,

ভারতের ভোগ্য ইহা পূজনীয় বটে পৃথিবীর ;

কিন্তু হায় দেখ কি দুর্দশা !

ভারতের হয়ে ভগ্নদশা,

বহুকাল কীর্তিগৃহে ভারতীর নাহি যাওয়া আসা ।

শত শত বর্ষাধিক গত,

আর্য্যাবর্ত রয়েছে নিদ্রিত,

নাহি জানি কোন্ মন্ড্রে কত কালে হইবে জাগ্রত ।

আশা আছে আর্য্যের শোণিত,

যেই ক্ষেত্রে হয়েছে রোপিত,

অনুর্কর সেই ভূমি চিরকাল নহে কদাচিত্ ।

চিন কিনা চিন কবি তুমি,

ভারতের রাজলক্ষ্মী আমি ,

জননী ভারতবর্ষ “স্বর্গাদপি গরীয়সী” তুমি।

ভারতের আছিল যখন
স্বাধীনতা (অমূল্য রতন !)

বড় সুখে পুণ্যভূমে বহুকাল ছিলাম সুজন।
সুপবিত্র সরযুর তীরে,
(স্মরি যবে ভানি নেত্র-নীরে !)

আছিল অযোধ্যা পুরী শত রত্ন বালমিত শিরে !
অবমীতে অবস্খী সূঠাম,
ধন-রত্ন বিক্রমের ধাম,

দিগন্তবিস্তৃত যার অতুলিত সুবিপুল নাম !
পুণ্যবতী ভাগিরথী তটে,
চিত্রলেখা যথা চিত্রপটে,

আছিল পাটলী-পুত্র ধরা যার সুযশ প্রকটে !
কালিন্দীর কণ্ঠের ভূষণ,
ইন্দ্রপ্রস্থ নিঃহ-নিকেতন ;

এ সব আমার ছিল যতনের সুখের ভবন !
আর্য্যাবর্ত হলো বলহীন,
নাই সেই অযোধ্যা উজ্জিন ;

মগধ মালব আদি পরভোগ্য সব পরাধীন !
বিজাতির ক্রুর অত্যাচারে ;
ভারত গিয়েছে ছারে ঝারে ;

কে আছে সৃজন আর মৰ্মব্যথা কব আর কাণে ?
 যত কিছু বিধিবিধম্বন ;
 কৰ্মক্ষেত্র কাঠন এমন,
 যত দিন থাকে, মোরা সমস্তরে করিব রোদন ।
 ভারতের ঘুচিবে দুর্গতি ;
 বিধাতার বিধান স্মৃতি,
 অশ্রুজলে এ সংসারে আশালতা হয় ফলবতী ।
 এস এস এস কবিবর !”
 এত বলি প্রসারিয়া কর,
 কবিরে দিলেন দেবী দীপ্তিগয় বাঁশরি সুন্দর ।
 হাতে দিয়া করুণার বাঁশি,
 কহিলেন রমা সে রূপসী ;
 “—শিখাইব যেহি গীত গাও তুমি অশ্রুজলে ভাসি ।
 নগেন্দ্রের শিখরে, শিখরে,
 আরবলী বিষ্ণাগিরিশিখরে,
 গাইবে এ গীত তুমি নীলগিরি গভীর কন্দরে ।
 ব্রহ্মপুত্র গিন্ধু ভাগিরথী,
 নৰ্মদা কাবেরী সরস্বতী,
 গাদাবরী কুলে কুলে কহ এই দুঃখের ভারতী ।”
 এত বলি কবিরে ধরিয়া,
 কানে কানে দিল শিখাইয়া ;

কাদিতে লাগিল। কবি নেত্রজলে বক্ষ ভাসাইয়া !
 সে গীত গাইতে কবিবর,
 শোক ছুঃখে কম্পিত অধর !
 কবির দেখিয়া দশা লুকাইলা দেবী অতঃপর ।

নিশীথ-চিন্তা ।

১

ঘোরতর অমানিশা, গভীর রজনী,
 নীরবে শিয়রে বসে চিন্তা সহচরী ;
 দিকদশ একাকার, স্তম্ভিতা মেদিনী !
 বসিলাম এ সময় শয্যা পরিহরি ।

২

মা বাজে কর্মের ঢোল ভবহাটে আর,
 নাহি উঠে হাস্য আর ক্রন্দনের ঢেউ ;
 স্রুশ্টি জীবের করে শাস্তির সংহার,
 আগি ভিন্ন বুঝি আর নাহি জাগে কেউ ?

৩

কেন জাগি ? স্বভাবের হেন বিপর্যয়,
 কেন করি ? আমিওতো মানব-সন্তান ;
 সহস্র সহস্র নর যেই পথে রয়,
 ভ্রান্তিবলে কেন তারে করি অভিমান ?

৪

কে বলে মানুষ এই দেহের অধীন ?
কোথা থাকে দেহ আর কোথায় চেতনা,
ভাবের সাগরে মন হইলে বিমীন ?
পাসরি সংসার আরো পাসরি আপন !

৫

চলেছে দক্ষিণ মুখে অচল-নন্দিণী,
কেবল শুনিতে পাই কল কল রব ;
সাগরসঙ্গম আশে হয়ে পাগলিনী,
প্রান্তর বিটপি লতা ভাসাইয়া সব ।

৬

অনুরাগ অনিবার্য অস্থির চঞ্চল,
লজ্জা ভয়ে সঙ্কুচিত কভু নাহি হয় ;
বাধা বিধ্ব ঘটে যত ততই প্রবল,
বাননার তৃপ্তি ভিন্ন শাস্তমাত্র নয় ।

৭

এইত দক্ষিণ-বায়ু বহিছে প্রবল,
আলু থালু নাচিতেছে নীরদার হিয়া ;
বেলাভূমে প্রহারিছে তরঙ্গ সকল,
হীনবল হয়ে শেষে যেতেছে ফিরিয়া ।

৮

এই রূপ প্রতিকূল অবস্থার বাড়ে,
 দুঃখীর অন্তরে উঠে রোদনের ঢেউ ;
 অবিরত মর্শ্মস্থল প্রদীপিত করে,
 এইরূপ অন্ধকারে নাহি দেখে কেউ ।

৯

এইত সম্মুখে কাল অনন্ত আকাশ,
 সঙ্গীতের ভরে যেন মন্দ মন্দ দোলে ;
 আমার নয়নে করে আশার প্রকাশ,
 “অনন্ত !” ভাবিয়া ভাসি আনন্দ হিল্লোলে ।

১০

একটি নক্ষত্র নাহি বিতরে কিরণ, |
 কেবল মেঘের কোলে নোদাগিনী হাসে ;
 কিন্তু কত সূর্য্য কত এই অগণন,
 আমার মানন-নেত্রে এ সময়ে ভাসে !

১১

কত সৌরজগৎ আবর্তপথ-গামী,
 ঘুরিতেছে কালচক্রে রহিয়া রহিয়া ;
 কতশত উপলব্ধ দেখিতেছি আমি,
 কত যুগযুগান্তর যেতেছে রহিয়া ।

১২

ঐত শোভিছে দূরে ভবিষ্যতদ্বার,
সামান্য নরের যাহে দৃষ্টিরোধ হয় ;
জীবের অদৃষ্টচক্র অস্তরে যাহার,
ঘুরিছে বিদ্যুৎবেগে ক্ষণ স্থির নয় ।

১৩

কতজীব বহু ক্রেশে পরিধি বাহিয়া,
একবার উঠিতেছে, পড়ে আরবার ,
কেহ দাঁড়াইয়া আছে বাহু প্রসারিয়া,
নেমির আঘাতে ভাঙে সন্তক কাহার ।

১৪

এই চক্রছিদ্র-পথে অস্তিস নিবাসে,
যেতে হবে, যথা আছে অনন্ত বিভব ,
দিব্য দৃষ্টিপথে যাহা কেবল প্রকাশে,
আহা ! এই দিব্য চক্ষু দেবের দুর্লভ ।

১৫

যে বলেছে সপ্ত স্বর্গ—কল্পনা অসার—
হয় নাই বুঝি সেই এই পথগামী ,
তিন লোকে ভুগু সেই, স্থল বুদ্ধি যার,
অনন্ত অনন্ত লোক দেখিতেছি আমি ।

১৬

অসংখ্য অসংখ্য জীব ঐ পথে ধায়,
অল্পমাত্র কিন্তু তার হয় অগ্রনর ;
ভ্রম বশে কেহ শুধু অগিয়া বেড়ায়,
কেহবা বগিয়া রচে কল্পনার ঘর ।

১৭

কিন্তু যঁারা বহুশ্রমে বহুদূর গত,
অবিরত তাঁহাদের সহায় বদন ;
চলেছেন বলীয়ান বিজয়ীর মত,
“গাভৈ । গাভৈ !” রবে কাঁপায়ে ভুবন ।

ভারত-বিহ্বলী ।

অকাল-কুমুম সম কে ভুগি রমণি,
হীনপ্রাভ হিন্দুকুল করিলে উজ্জল ;
কেগো ভুগি পুণ্যবতি, সীতা শচী কিধা সত্যী
ছাড়িয়া অমরাবতী আইলে অবনী ?
গভীর তমস মধ্যে যেন সৌদামিনী ।

২

জনমিলে অন্তর্দেশে এহেন রঙ্গণী,
কাব্য ইতিহাসে গুণ করিত কীর্তন ;
ভাঙ্গুর আনিত কত, চিত্রকর শত শত,
গড়িত, চিত্রিত মূর্তি করিয়া যতন ;
নগরে নগরে শেষে করিত স্থাপন ।

৩

কোথা রাখি ভারতের দরিদ্র ভাঙারে
এ রতন ? মর্ম্মব্যথা কারে আর বলি ?
ইন্দ্র প্রস্থ অযোধ্যায়, অবস্তা কি মথুরায়,
যথা যাই, ভস্মময় নিরখি সকলি ।
কোথা রাখি এমুন্দর কনকপুতলি ?

৪

ইচ্ছা হয় সঙ্গে লয়ে এ অমূল্য নিধি,
অঙ্গে বঙ্গে কলিঙ্গেতে করিয়া ভ্রমণ,
নির্দোষ ভারতজনে, দেখাইয়া এরতনে,
কহি কথা গোটা কত মনের মতন ;
অঙ্গে বঙ্গে কলিঙ্গেতে করিয়া ভ্রমণ ।

৫

—পালীষ্ট ভারতবাসি শোনয়ে সকলে—
অক্ষকার খনিগর্ভে মণির মতন ;

ভারতের ঘরে ঘবে, দেখরে বিরাজ করে,
এই রূপ শত শত রমণীরতন,
কৃষ্ণে তোদের তাতে নাহিরে যতন ।

৬

কিন্তু যতদিন রবে এই মহাপাপ,
—রমণীর অপমান—ভারতভবনে ;
ভারতের দুঃখ যত, রবে জনগের গত,
কোন দিন না ঘুটিবে বিধাতার শাপ ?
লক্ষীর ভাণ্ডার দধি হবে ছতাসনে ।

৭

অনাদরে অত্যাচারে জনম অবধি,
দলিত কুসুম গম ভারত-রমণী ;
নিষ্ঠুর পুরুষ জাতি, স্বার্থপর পাপমতি,
নাহি শুনে অবলার দুঃখের কাহিনী ;
টির বিষাদের মূর্তি ভারত-রমণী ।

৮

অশিক্ষায় কুশিক্ষায় জ্ঞানধর্মহীন,
সমাজের গলগ্রহ ভারত-ললনা ;
গৃহে যার অন্ধকার, গৃহে যার হাহাকার,
যার গৃহে শান্তি কিংবা হইবে বলনা ?
ভারত-সৌভাগ্য কথা অন্যার কল্পনা । ।

৯

যে দেশে নারীর সত্ত্ব দেবদত্ত দান,
উপেক্ষিত পদাহত কাষ্ঠ লোষ্ট্র প্রায় ;
পিঞ্জরে বিহঙ্গ প্রায়, নারী পরমুখে চায়,
জন্ম-দাসত্ব যথা জননী শিখায় ;
সেই দেশে বীর-ধর্ম পাইবে কোথায় ?

১০

পুরুষ রমণী দুই প্রকৃতি সুন্দর,
সন্মিলনে করে দেব-ভাবের উদয় ;
একজন পদতলে; অন্যজনে যদি দলে,
প্রীতি পবিত্রতা সুখ সব পায় লয় ;
ভারতে হতেছে ঘোর প্রোত-অভিনয় । !

১১

কোথায় সাবিত্রী সীতা লীলাবতী খনা,
কোথা সে কমলাবতী পদ্মিনী কোথায় ?
কে হরিল এসকলে, মাদের পুণ্যের বলে
ভারত পূজিত নিত্য হইত ধরায় ,
স্মরিতে সুখের দিন বুক ফেটে যায় ।

১২

ভারত-সন্তান যত মনুষ্যত্বহীন,
মোহ-নিদ্রাবশে হয়ে আছে অচেতন ;

লক্ষ্মী সরস্বতী দৌছে, আগিবেনা এই গৃহে,
 অবলা জাগা'তে যদি না কর যতন ;
 ভারত রহিবে চির কলঙ্কে মগন ।

১৩

এস তবে, এস এস এস, গুণবতি,
 মধুর কবিতা শত, কলকণ্ঠে অবিরত,
 ভারতবাগীরে তুমি শুনাও যেমতি ;
 সঙ্গে সঙ্গে কহ এই দুঃখের ভারতী ।

১৪

যাও তবে রমণীকুলের শিরোমণি ;
 যাও হৈমগিরিমূলে, ভাগিরথী কূলে কূলে,
 কহ ভারতের এই কলঙ্ক-কাহিনী ;
 কহে যথা বধূসখী বনবিহঙ্গিনী ।



আমাদের সমাজ ।

১

কাননের বৃক্ষ আর প্রান্তরের লতা,
একত্র করিল গালো যারে পেল যথা ;
ভালবেসে জল দিল আলি চারি পাশে,
সুন্দর বাগান খানি ফুল ফুটে হাসে ;
ফলভরে বৃক্ষ লতা গড়াগড়ি যায়,
একটি গরিল যাই আরটি শুকায়
কাহারে ছাড়িয়া কারো নাহি বাঁচে প্রাণ,
আমাদের সমাজটি গালীর বাগান ।

২

সামান্য জোনাকী মোরা অল্প অল্পে রাখি,
একাকী থাকিলে যেন অন্ধকারে থাকি ;
ক্ষণে নিবি ক্ষণে জ্বলি ঘুরিয়া বেড়াই,
অনলে পড়িয়া কতু পরাণ হারাই ;
ভাই মোন্ গিলে যদি হই এক দল,
আকাশের তারা যেন করি বাণমল ;
আঁধারে আলোক পেয়ে সুখে করি খেলা,
আমাদের সমাজটি জোনাকির মেলা ।

৩

রজনী প্রভাত হলে ফুটে কত ফুল,
 মধুলোভে উড়ে পাড় ভ্রমরের কুল ;
 লইয়া ফুলের মধু যায় তারা ঘরে,
 নিজে খায় যত, তত খেতে দেয় পরে ;
 স্ত্রী পুরুষ দৌহে করে গম পরিভ্রম,
 সুখ দুঃখে কেহ বেশী কেহ নহে কংগ ;
 চাক্রে বসে ডাকৈ তারা সুমধুর রবে,
 কাটায় যামিনী কত আনন্দ উৎসবে ;
 আবার প্রভাত হলে উড়ে ঝাঁকৈ ঝাঁকৈ
 আগাদের সমাজী মোমাছির চাক ।

৪

কতগুলি নদ নদী পর্বত ছাড়িয়া,
 সাগর উদ্দেশে সব চলছে ধাইয়া ।
 কত দূরে যেয়ে এক নিম্ন ভূমি পায়,
 সকলে আসিয়া সেথা মিশে গুশে যায় ।
 এক সঙ্গে নানা রঙ্গে আরো বেগে ধায়,
 আনন্দ লহরী উঠি ফুল ভাঙ্গায় ।
 অদূরে সাগর-শোভা কিবা অনুপম,
 আগাদের সমাজী সুখের সঙ্গম ।

৫

মিলেছে অপূর্ণ হাট চক্ষু মেলে দেখ,
রমণী পুরুষ আসি মিলেছে অনেক ;
এ এক রাজার রাজ্য শুনে লাগে ভয়,
দেখিবি মানুষ বিক্রী এইখানে হয় ;
বিনা মূলে কিন বলে বোন্ আর ভাই,
এমন আশ্চর্য্য কিন্তু আর দেখি নাই ।
আপনারে বিকাইতে না পারে যেজন,
গালে হাত দিয়ে বসে করে সে রোদন !
পৃথিবীতে কোথা আছে হেন চমৎকার
আমাদের সমাজটী প্রেমের বাজার ।

৬

আছিল প্রান্তর মাঝে শূন্য এক খাত,
স্বর্ণ হতে অকস্মাৎ হলো স্ফুটিপাত ;
ভরিল সে খাত হলো রম্য সরোবর,
ফুটিল তাহাতে ভক্তি-পদ্ম মনোহর ;
মোরা যত ক্ষুদ্র হংস বেড়িয়া বেড়াই,
পিপাসা হইলে কভু জলবিন্দু খাই ;
কমলের তলে আছে স্নানালের রস,
যে ডুবে সে খায় হয় রসনা বিবশ ;

‘ প্রেমের তরঙ্গে রঙ্গে ভাগে নিরন্তর,
আমাদের সমাজটি শান্তি-সরোবর ।

বিবাহ-সঙ্কট ।

১

বিবাহ করিবে বন্ধু,—সুখের সংবাদ,
সুখ দুঃখ—পরিণাম জানেন বিধাতা ;
আমার হয়েছে কিন্তু বিষম বিষাদ,
শুনেছি যখন তব উদ্বাহ-বারতা !

২

উদ্বাহ-বারতা তব শুনেছি যখন,
ঝরিয়াছে অশ্রুবিন্দু এ পোড়া নয়নে ,
সেই জলবিন্দু মধ্য দেখেছি তখন,
তোমার মলিন মুখ মানস-নয়নে ।

৩

কেন এ বিষাদ, আর কেন পোড়ে প্রাণ ?
তোমার লাগিয়া আমি বড় দুঃখভাগী ,
ভেবে দেখ বন্ধু তুমি নহ অলজ্ঞান,
অকালে সাজিলে তুমি গৃহী কি বৈরাগী !!

৪

আশায় দিয়েছ ছাই বন্ধুরে আগার,
ঐ হামি ঐ স্মৃতি গিয়েছে সকল ;
ঐ মে উৎসাহ তব দেখিব না আর,
এই ভাবনায় আমি হতেছি বিকল ।

৫

ঐ বিষ-মল্ল করে শুনাইল কানে !
কোনু যাদুকর তোমা করিয়াছে বশ ?
কে বাঁধিল কহ তোমা এ হেন সন্ধানে ?
আছিল তোমার চিত্ত অমূল্য পরশ,

৬

আছিল তোমার চিত্ত অমূল্য পরশ,
কে বাঁধিল আজি তারে এ লৌহ শৃঙ্খলে ?
কোনু মূঢ় স্বার্থপর পাপ পরবশ,
মিশাইল কালকূট মন্দাকিনী-জলে ।

৭

স্বদেশানুরাগ তব অমর-বাহিত,
ভেজখী মনখী তুমি গৌরবের ধাম ;
সামান্য লালসা-পদে হইলে লাহিত,
এত অভিমান, শেষে এই পরিণাম ।।

৮

আছিলে দ্বিপদ বন্ধু পেলো চারিপদ,
 দুর্বল বাঙ্গালি তুমি চলিতে অক্ষম ;
 আপনি ডাকিয়া ক্ষক্ষে লইলে দ্বিপদ,
 যতনের দেহরক্ষা হলো পণ্ড্রম !

৯

এত বিদ্যা এত বুদ্ধি এত ধর্মজ্ঞান,
 কামিনী কটাক্ষে কি হে সব হলো ভুল ?
 যদি বল বন্ধু ইহা বিধির বিধান,
 অনুযোজ্য আমি, নহে তুমিই বাতুল !

১০

মাতঙ্গের মত তুমি ছিলে বলবান,
 আমাদের, সমাজের, দেশের ভরসা ;
 কোন্ কাল বিষধবী করিয়া গঞ্জন,
 হেন মত মাতঙ্গেরে বাঁধিল সহসা !

১১

বাঁধিয়াছে বিষধরী দৃঢ় নাগপাশে,
 লড়িতে চড়িতে শক্তি নাহি মাত্র আর ;
 মায়াবিনী রাক্ষসীর বিষাক্ত নিঃশ্বাসে,
 দেহ মন প্রাণ দক্ষ হতেছে তোমার !

১২

মানস বিহঙ্গ তব রূপের পিঞ্জরে
রুদ্ধ কিহে ? কহ মোর বন্ধু বিবেচক ;
সুন্দর সুখদ সব বিপুল সংসারে,
সকলি স্বরূপ, শুধু রূপ সে বঞ্চক ।।

১৩

কোন্ রসবতী তোমা রসে করি বশ,
কিনিল ? কহ তা মোরে বন্ধু হে রসিক ;
পড়িয়াছ কত কাব্যে কত কত রস,
তাহতে সরস রস পেলে কি অধিক ?

১৪

প্রীতি প্রাফুল্লতা আর লাবণ্যের ভূমি,
তরুণ যুবক ভূমি নহত শ্রবির ;
দুঃখের সংসার কেন পাতিলেহে ভূমি,
পুঞ্জমুখ-দরশনে হলে কি অধীর ?

১৫

এ কাঁচা বয়স তব, শোভে কি হে তায়
পুঞ্জলাভ ? পিতা বলে তনয় যখন
সম্বোধিব, কি উত্তর দিবে ভূমি তায় ?
হা কি লজ্জা, এ যে বড় বিধিবিড়ম্বন ।

১৬

সমাজের হিত কিহে বিবাহে কেবল,
সকলেই করিবে কি পুজ আকিঞ্চন ;
সকল স্বক্ষেতে বন্ধ ধরে যদি ফল,
কোথা মিলে গৃহশয্যা কোথায় ইক্ষন ?

১৭

পরানপতঙ্গ তব ইন্দ্রিয়-অনলে
দগ্ধ কিহে ? হা অদৃষ্ট না কহিলে নয় ।
ডুবিয়াছ তাই হেন পঙ্কিল জলিলে,
এই কি পৌরুষ ? এ যে প্রেত-অভিনয় ॥

১৮

পুরাইতে এ দারুণ ইন্দ্রিয়-পিপাসা,
কত মৃত ঝাঁপ দেয় ছুঃখের পাথারে ;
কত শত বালিকার করে রে ছুর্দশা,
রুস্ত হতে উপাড়িয়া নেয় কলিকারে ।

১৯

নাহি রুচি নাহি শুচি নাহি বিবেচনা,
শুকাই কলিকা সেই প্রথম আঘাতে ;
স্বভাব সৌন্দর্য্য তার কিছুই থাকে না,
প্রীতি-পরিমল আর নাহি মিলে তাতে ।

২০

আবার দেখরে কিবা বিধির নিগ্রহ,
সেই বালিকার দ্বন্ধে সন্তানের ভার ;
অকালে রাহুর বাদ সুধাংশুর সহ !
হীনমতি পাণীষ্ঠের হেন অত্যাচার ! !

২১

নহ নহ বন্ধু তুমি আমার তেমন,
তা হলে যে বন্ধু বলি, এও অপরাধ ;
তবে কেন এ উদ্যোগ এই আয়োজন,
ঢালিলে বন্ধুর প্রাণে এমন বিষাদ ?

২২

ধর্মনাথনের সেতু বন্ধুরে আমার,
বাঁধিলে কি এইরূপে ? কোন্ শাস্ত্রে কয়,
চির-কৌমার্যের কিছু নাই অধিকার
ধর্ম কর্মে ? ধর্ম কিহে শুধু পরিণয় ?

২৩

তা নয় বুঝেছি বন্ধু কারণ ইহার,
না বুঝিয়া পা পাতিয়া লোক যথা কাদে ;
দশের সে দশা বন্ধু ঘটেছে তোমার,
ঠেকেছ, ঠেকেছ তুমি কল্পনার ফাঁদে ।

২৪

প্রথম বয়সে যবে বাসনা প্রবল,
সংসারের যত সুখে নহে পূর্ণ কাম ;
তখনি যে মানুষের মানস চঞ্চল,
কোথা সুখ সুখ বলে ঘোরে অবিরাম ।

২৫

অগনি লালনা আগি ধরি ছদ্ম বেশ,
একজি রমণী মূর্তি যতনে গড়িয়া ;
আচার বিচার বুদ্ধি সব করে শেষ,
দিবসে বিবশ করে স্নপ্ন দেখাইয়া ।

২৬

পড়িয়া মায়ার ফাঁদে মদমত্ত প্রায়,
সুখ মোক্ষ প্রসবিনী কল্পলতিকারে,
ভ্রান্ত যুবা দিবানিশি হৃদয়ে ধেয়ায়,
মন প্রাণ উৎসর্গ করে দেয় তারে ।

২৭

এইরূপে বন্ধু তুমি হয়ে দিশাহারা,
তাত্ত্ববিনাশের পথে পড়েছ আপনি,
বুদ্ধি সূক্ষ্ম দেহ মন সব হবে সারা,
বিষম শকট এ যে আমি ভাল জানি ।

২৮

শুনে না শুনিবে আর বুঝে না বুঝিবে,
এখন তোমারে বন্ধু কই যত কথা ;
জানি আমি উপেক্ষায় উড়াইয়া দিবে ।
নিন্দা তিরস্কারে মনে না হইবে ব্যথা ।

২৯

“আমি ভাল বুঝি” এষে রোগ গুরুতর
মানুষের, এ ঔদ্ধত্য রবে না তোমার ;
অনুতাপে দক্ষ যবে হবে অতঃপর,
তখনি স্মরিবে বন্ধু এ কথা আমার ।

৩০

ছেড়েছ পৌত্তলিকতা বন্ধুরে আমার,
একটি পুত্তল পুনঃ বসাইলে ঘরে ;
অসাধ্য সাধনে যাবে জীবন তোমার,
এ জীবন্ত পুত্তলের পরিচর্যা করে ।

৩১

নামান্ত বনের ফুল কদলি তুল,
অচেতন পুত্তলের বটে উপহার ;
আশালতা ছিঁড়ে দিবে উৎসাহের ফুল,
হৃদয়-নৈবেদ্য সহ চরণে ইহার ।

১৩

৩২

গানস-মন্দির মাঝে বসিয়ে তোমার,
নিয়ত পূজিবে ঐ করাল মুরতি ;
ভালই সংসার-যজ্ঞ করিবে এবার,
চিস্তার আগুন জ্বলে দিবে প্রাণাহুতি !

৩৩

বিবাহে বিরক্ত আগি ভেবনা স্মৃতি,
সমাজ-রক্ষন হেতু বিবাহ কেবল ;
বিবাহ পবিত্র কথা স্মধুর অতি,
তুমি আগি সকলেই বিবাহের ফল ।

৩৪

তবে কেন এ বেদনা দিই তব মনে,
তবে কেন অভাগার এত অন্তর্দাহ ?
হারে বন্ধু তাহা তুমি বুঝিবে কেমনে,
বুঝিলে কি না বুঝিয়া করিতে বিবাহ ।

৩৫

অকালে বিবাহ তুমি করিবে স্মজন,
তাই এত গর্মব্যথা এত অনুযোগ ;
সময়ে সকলি শোভে যাহার যেমন,
অকালে উৎসবরঙ্গ এ বড় দুর্ভোগ !

৩৬

অকালে হয়েছ তুমি উৎসবে মগন,
নহে সে অকাল সুধু তোমার আমার ;
হুথী বিতণ্ডায় আর কোন্ প্রয়োজন,
শোন না কি চারিদিকে কত হাহাকর ?

৩৭

দুঃখী ভারতের দশা দেখরে চাহিয়া,
দুঃখ দরিদ্রতা-তারে করিতেছে ক্ষয় ;
হেরিলে মায়েরে তুমি সুপুঞ্জ হইয়া,
বিবাহের বন্ধু তব এই কি সময় ?

৩৮

বড় সাধ ছিল বন্ধু তোমাতে লইয়া;
বেড়াইব ভারতের প্রাতি ঘরে ঘরে ;
উদাসীন যোগী বেশে দেখিব ঘুরিয়া,
অভাগী ভারতভাগ্য ফিরে কিনা ফিরে ।

৩৯

পাতিয়া বসেছ তুমি দুঃখের সংসার,
অশ্রু বরষণে নাহি পাবে অবসর ;
অপরের দুঃখ তুমি বুঝিবে কি আর ?
আছিল ভরসা যত গেল অতঃপর ।

যাই তবে, (যাব কিহে জন্মের মন্তন ।)
 একটি মিনতি বন্ধু করি হে তোমারে;
 পাঠ অন্তে ছিঁড়ে ফেলো দুঃখের লিখন;
 দেখাও না তোমার মে প্রাণ-প্রাতিমারে !



সুরা-রাক্ষসীর উক্তি ।

অবনী-উদরে, সপ্ত সুর ভেদি,
যেখানে শমনাগার ;
শত শত কুণ্ডে, প্রবল অনল,
খলিতেছে অনিবার ;
ঘোরতর নীল, নীরয়-অনল.
স্রোতসম বহে যথা ;
বিধাতার শাপে, হইল কুম্ভাণে
আমার জনম তথা !
অনলে গরলে, লাগেছি জনম,
অগ্নিশিখা তেজ ধরি ;

সুরেশ্বরী নাম, যেইদেশে যাই
পুড়ি ভস্মশেষ করি ।

২

পুরাকালে আমি, কারণ রূপেতে,
ভারত ভূমেতে আসি ;
ভারতের ধর্ম, করিনু সংহার,
স্থাপিলাম পাপরাশি ।

লুপ্ত হলো জ্ঞান, লুপ্ত হলো ধর্ম,
যোগভক্তি আদি যত ;
ঘোর পশ্চাৎকারে, মাতিল ভারত,
কাম ক্রোধ হিংসা রত ।

জ্ঞান ধর্মহীন, ভারত-শ্মশান,
সঁপিয়া যবন করে ;
নপুংসকু পারে রহিলাম গিয়া,
কতশত বর্ষ তরে ।

৩

ঐশ্বর্য-ভাণ্ডার, সম শ্বেতদ্বীপ,
ভূতলে অতুল নাম ;
বীর ঐশবিনী, ফরাশিশ ভূমি,
অনন্ত গৌরব ধাম ।

সে সকল দেশে, পাইয়াছি পূজা,
ঘরে ঘরে রাজভোগে ;
পুরিয়াছি আগি, সে সকল ভুগি,
পাপতাপে শোক রোগে ।
কত রাজপুত্র, পথের ভিখারী,
কত বীর গতাশ্রয় ;
কত কুলবালা, হলো কলঙ্কিনী,
কত বংশ গতমান ।
এলোকেলী নামে, হয়েছি বিদিত,
সমস্ত যুরোপা ময় ;
খষ্ট বোনাপাটি, পরাজিত যথা,
সে দেশ করেছি জয় ।

ভারতের আশা, তরল অনলে,
 পুড়িয়া কবির ছাই ;
 বিদ্যা বুদ্ধি বল, ধর্ম কর্ম জ্ঞান,
 চরিত্র চিবিয়া খাই । .
 অকালে মরিবে, ভারত-সন্তান,
 বিধবা কাঁদিবে ঘরে ;
 অসহায় শিশু, ধুলায় লুঠাবে,
 প্রাণ যাবে অমাহারে ।
 ভারতের ধন, সব করি ক্ষয়,
 তবে সে যাইব আমি ;
 কাঁচ পাত্র নম, করিব অসার,
 সোনার ভারতভূমি ।
 এবার ভারতে, করিব শ্মশান,
 ছেলেছি অনল রানি ;
 ভস্মের উপরে, বসিব আপনি,
 হইয়া শ্মশান-বাসী ।
 ভারতের যত, শিক্ষিত সন্তানে
 দীক্ষিত করিয়া লব ;
 মস্তক ভাঙ্গিয়া, মস্তিষ্ক খাইয়া,
 হৃদয় চিরিয়া খাব ।

ভারত-শ্মশানে, বহিবে রুধির
 ডাগিব তাহাতে স্মৃখে ;
 কাম ক্রোধ আদি, অনুচর গণ,
 থাকে তাহা শত স্মৃখে ।

এইরূপে করি, ভারতে সংহারি,
 নিজস্থানে যাব চলে ;
 আগার প্রভাবে, নিশ্চয় ভারত,
 যাবে, যাবে রসাতলে ।।”

যশোহরের পতন ।

১

মহাকোলাহলে সেনা অগণন,
 বন্দরাজপুর করে আক্রমণ,
 হাহাকার ধ্বনি উঠিল ;
 দিগদিগন্তর হলো ধূলিময়,
 দিবসেতে ঘোর তামসী উদয়,
 প্রায়ের বাড়ি ছুটিল ।

২

সেনার তরঙ্গে কাঁপে ধরাভল,
রবি শশী তারা নাচে নভোশূল,
দিগঙ্গা দিক ছাড়িল ;
যত তীরু দূরে পলাইল জাগে,
যত বীরবর বীর-রনে ভেসে,
উল্লাসে আহবে মাতিল ।

৩

বীর-দর্প-ভরে কাঁপে যশোহর,
“মারু মারু !” রবে পূর্ণিত অশ্বর,
বঙ্গসেনা রঙ্গে গাজিল,
উড়িল পতাকা নগরের দ্বারে,
সুগভীর রবে দুর্গের উপরে
সমর-বাজনা বাজিল ।

—“জয় জয় জয় ! হর হর হর !
বৈকুণ্ঠের পথ সম্মুখ-সমর ,
উঠ একবার ধরি তরবার,
যবন-যাতনা করহ সংহার,

কেন আৰ্য্যসুত বীৰ্য্যের আধান
 সংগ্রামকেশরি কেন স্রিয়মান ?
 কর শত্রুনাশ, কি ভয় কি ভয় ?
 জয় জয় জয় বঙ্গেশের জয় ।—”

৪

বঙ্গসেনা গাংঝা পশিয়া বঙ্গেশ,
 প্রভাতে যেমতি আরক্ত দিনেশ,
 নয়নে কৃষ্ণানু স্বলে ;
 বিদ্যুতের গত ছুটে চারি ধার,
 জলদ-নির্ঘোষে ছাড়িয়া ছকার,
 কহিলা সেনানী দলে—

৫

“সহেনা বিলম্ব ওহে বীরদল,
 হায় ! বঙ্গভূমি কৈবল্যের পূল
 অরাতির পদতলে ;
 নহি কি আগরা শূরের সন্তান,
 কেমনে সহিয়া এই অপমান,
 বাঁচিব অবনীতলে ?
 পরপদতল সাংক্ষাৎ রৌরব,

সমর-শয়ন বীরের গৌরব,
বীরসিংহ সম চল চল গব !

৬

“নন্দনবিহারে অগরউল্লাস,
পঙ্কিল নলিলে ভেকের পিয়াস,
আমরা কি হবো যবনের দাস ?
কত বীরচূড়া আৰ্য্যকুলধর,
স্বদেশের তরে নাশে কলেবর,
আমরা কি হব সংগ্রামে কাতর ?
ধর ধর সব কৃতান্তের বেশ,
সমূলে অরাতি করহ নিঃশেষ ।”

৭

চতুরঙ্গ দলে বঙ্গসেনাদল,
ধায় রণস্থলে করি কোলাহল,
হৃদয়ে অনল ঝলে ;
সমর-প্রান্তরে মানসিংহ রায়,
প্রতাপ আদিত্য দেখিলা তাহার,
বেষ্টিত সেনানীদলে ;
নেউলে হেরিয়া ফণীন্দ্র যেমন,
কহিলা বঙ্গেশ করিয়া তর্জন,
কাঁপায়ে বিপক্ষ দলে ;—

৮

“ওরে গানসিংহ, ধিক্ নরাধম !
সাজে করে তোরে এহেন উদ্যম,
এই কি পৌরুষ এই কি বিক্রম ?
হিন্দু সূর্য্যবংশে রাছ দুৰাচার !
কোথা বঙ্গবাসি, ধর তরবার,
খণ্ড খণ্ড মুণ্ড করহ উহার ।

৯

“বধহ উহারে ও নহে ক্ষত্রিয়,
স্বাধীনতা তার স্বর্গ হতে প্রিয়,
ক্ষত্রিয়নন্দন যে জন হয়,
আর্য্যসুত যেই, হোচ্ছের সে দাস !
একি অলক্ষণ, একি সৰ্বনাশ !
রাসভের পদে কেশরী রয় !
উঠ বঙ্গবাসি ধর তরবার,
খণ্ড খণ্ড মুণ্ড করহ উহার ।”

—“জয় জয় জয় । হর হর হর !

বৈকুণ্ঠের পথ সম্মুখ সমর,
উঠ একবার ধরি তরবার,
যবনযাতনা করহ সংহার,

কেন আৰ্য্যসুত বীৰ্য্যের আধান
সংগ্রাম-কেশরি, কেন ত্রিয়মান ?
কর শত্রুনাশ, কিভয় কিভয় ?
জয় জয় জয় বঙ্গেশের জয় ।”

১০

মহাক্রোধে উঠি মানসিংহ রায়,
অক্লুশ-আহত মাতঙ্গের প্রায়,
ডাকি কহে নৈশ্চলবে,—
“শিলাস্থিতি সম গোলাস্থিতি কর,
ধূলিমাৎ কর যশোর নগর,
অনধর কীৰ্ত্তি রবে ;
বঙ্গ সিংহাসন ভাঙ্গহ সত্বরে,
বিজয় নিশান উঠাও তত্বরে !”

১১

মহাবলীয়ানু যতোক মোগল,
যত রজপুত্র মহিমার পুতল,
বিজলির মত ধাইল ;
যবন-শিবিরে উঠিল নিশান,
গগনের ভালে ধ্বিনিী সমান ।
সুকবি মঙ্গল গাইল ;

—“সাজ সাজ সবে, সাজ রে সমরে,
বঙ্গরাজধানী ভাঙ্গহ সত্বরে ;
শত বিদ্যাধরী লয়ে পুষ্পহার,
ঘেরিয়ে রয়েছে ত্রিদিবের দ্বার ;
সেই ভাগ্যশীল যে মরে সমরে,
বিজয়ী বলিয়া পূজিবে অমরে ।
ধূলিসাৎ কর যশোর নগর ,
জয় দিল্লিপতি, ভারত-ঈশ্বর !”

১২

জলধি-উচ্ছ্বাসে দুই সেনাদল,
অস্ত্র শস্ত্র সহ ছায় রণস্থল ;
বাজে দুই দলে তুমুল সংগ্রাম,
মুহুর্তের তরে নাহিক বিশ্রাম ।
প্রাণের ঝড় বহিল সঘনে,
অনলের শিখা উঠিল গগনে ।

১৩

ছুটে যত গোলা নক্ষত্র প্রগাণ,
ঝলসে সঙ্গীন্ বিজলী সমান,
গুরুম্ গুরুম্ গরজে কাগান ।

“কর শত্রু নাশ, কি ভয় কি ভয় ?
জয় জয় জয় বঙ্গেশের জয় !”
কোদণ্ডট্কার, অগ্নির বাষ্কার,
মারু মারু মারু !—বিকট ছ্কার ;
উছ । উছ । উছ !—গভীর চীৎকার ।
“ধূলিসাৎ কর যশোর নগর ;
জয় দিল্লিপতি ভারত-ঈশ্বর !”

১৪

গিরিচূড়া সম কত শত বীর,
প্রায়সমরে পাতিত-শরীর,
রুধিরে ধরনী ভাসে ;
দেবাসুরনরে লাগে মহাত্মা,
অকাল-জলদে পুরিল আকাশ,
সঘনে চপলা হাঙ্গে !

১৫

দিবসেতে অস্ত গেল দিনমণি,
পড়িলা প্রতাপ বীরচূড়ামণি ;
হাহাকার ধ্বনি উঠিল ।
যত বঙ্গমেনা হয়ে হীনবল,

প্রবল পবনে যথা ভূগদল,
দিগ্-দিগন্তরে ছুটিল ;
উল্লাস অন্তরে যতেক যখন,
“জয় জয় !” নাদে পুরিল গগন ।

১৬

ভাঙ্গিল যশোর গঠনরুটির,
ভারত-ভবনে যশোর মন্দির ;
ডুবিল বঙ্গের নৌভাগ্যমিহির !
দশদিকে হল ঘোর অন্ধকার,
দরিদ্রতা আর দানত্ব দুর্জীর,
স্বর্ণ বঙ্গভূমি করে ছারকার !

১৭

ডুবিল যে রবি অতল সাগরে,
আর কিরে তাহা উঠিবে অশ্বরে
ওহে জগদীশ, স্নানলনিধান,
এ ভবে নকলি তোমার বিধান ;
কত দিনে বঙ্গ পাবে পরিজ্ঞান ?

১৮

নবল সাহসী তেজবীর্যবান
হবে কিহে কভু বঙ্গের সন্তান ?

শুভ উষাযোগে সুবাতাস-ভরে,
 স্বাধীনতারূপ সুখের সাগরে,
 যশের তরলী ভাসিয়ে রঙ্গে ;
 জাতীয় পতাকা উড়ায়ে অশ্বরে,
 তব নাম সারি গাবে প্রাণ ভরে ;
 সে সুখের দিন হবে কি বঙ্গে !

কাল-মাহাত্ম্য ।

১

অনাদি অনন্ত তুমি ওহে কাল !
 নাহি জান কিবা শৈশব জরা ;
 নাহি তব ভেদ সকাল বিকাল,
 সম বলে সদা শাসিছ ধরা ।
 যখন বিধাতা কামনা-সাগরে
 বসিয়া রচিল এ বিশ্ব সংসারে,
 তখনি আপন বাহু পসারিয়া,
 করতলে তুমি ধরেছ তারে ।

২

যদি কোন দিন সুন্দর সংসার,
 অনন্ত আধারে হয় হে লীন ;
 না থাকে সমীর সলিল, অনল,
 ঋতু, মাস, বার, রজনী, দিন ;
 হিমাদ্রি সমান অটল হইয়া,
 তখনো যে তুমি থাকিবে বসিয়া ;
 সেই মহা ঘোর প্রলয়-প্রাবনে,
 মনের আনন্দে বেড়াবে ভাসিয়া ।

৩

কোথা সে মাকাত্তা কোথা সেই রোগ,
 কোথা চন্দ্রশুভ্র, গোড় ধাম ?
 তোমার দলনে বিলুপ্ত সকলি,
 ইতিহাসে শুধু রয়েছে নাগ ।
 এখনো সে রবি বিতরে সে কর,
 এখনো গগনে সেই সুধাকর,
 তখনো যেমন এখনো তেমন,
 এই ভাবে যাবে যুগ যুগান্তর ।

৪

দৈব বলে বট তুমি মহাবলী,
 সৃষ্টি স্থিতি লয় তব কবলে ;

অনন্তযৌবন তুমি অবিনাশী,
 হুজিছ নাশিছ নশ্বর দলে ;
 সকলি চূর্ণিত তোমার প্রভাবে,
 চিব দিন নিজে আছ সমস্তানে,
 ঘটনার স্রোতে পড়ে যবে জীব,
 তখনি তোমার রূপান্তর ভাবে ।

৫

শৈশব সময়ে ছিলেম যখন,
 সরল তরল চঞ্চল অতি ,
 বিষয়, ভরসা, আসক্তি, বিরাগ,
 প্রবৃত্তির পথে ধায়-নি মতি ;
 ওহে কাল ! তব সহাস্য বদন,
 অবিরত আমি দেখেছি তখন ;
 নাহি'ছিল ভয় ভাবনার লেশ,
 আপনার ভাবে রয়েছি মগন ।

৬

আবার যখন ছুরন্ত যৌবন,
 আইল ধরিয়া উন্মত্ত বেশ ;
 তার সনে আমি ঘুরিলাম কত,
 ছুরাশাছলনে, বঞ্চিত শেষ ।

বাণ্য সখা সম হাসিতেমা আর,
দখিতেগ শুধু জকুটি তোমার,
যথা যাই তথা তুমি প্রাতিকুল,
ভুংখের সাগর সমান সংসার ।

৭

গিয়েছে সে দিন, এখন আমার,
মানস রসেনা সে সব রসে ;
নাই সেই বল, নাই সে ভরসা,
দেখিনে স্বপন মায়ার বশে ,
স্মরণের পটে কিন্তু হে যুখন,
কলঙ্কের রেখা দেখি অগণন ;
উথলে হৃদয়ে শোক-পারাবার,
অবিরল ধারা বরষে নয়ন ।

৮

কত যে উদ্যান হয়েছে শ্মশান,
কত যে যতন হয়েছে বিফল ;
কত যে কোরকে পশিয়াছে কীট,
কত যে অম্মতে নিশেছে গরল ।
ভাবি সেই দিন পাইলে আবার,
প্রাণ-বিনিময়ে করি প্রতীকার ,

হারালে সুযোগ আর নাহি ফিরে,
এই যে অলঙ্ঘ্য নিয়ম তোমার ।

৯

ওহে কাল আগে জানিতেম যদি,
হেন শিক্ষা তুমি দাওহে নরে ;
তাহলে কি হয় এই পরিণাম,
সুজন, তোমায় উপেক্ষা করে !
মিছে মোহ-গদে হইয়া বিহ্বল,
চেয়েছি তোমায় করি করতল ;
তোমার শাসন করে অতিক্রম,
এ ভবে এমন কার আছে বল ?

১০

আশা আছে কিন্তু ওহে জীবনাশ,
অবিনাশী ভুগি, আগিও তাই ;
যদিও মানব ভাগ্যের অধীন,
এভাবে তাহার বিলোপ নাই ;
অপূর্ণ যে জীব অবশ্যই সেই,
ভুঞ্জিবে আপন কর্মের ফল ;
কিন্তু চিরদিন এ দুঃখ রবেনা,
অনন্ত আমার আশারস্থল !

যুরোপ প্রবাসী বন্ধুর প্রতি ।

১

এতদিন পরে বুঝি ভাইরে,
বীণার সাধনা করে, বিদ্যানিধি নাগ ধরে,
স্বদেশে আসিবে তুমি করেছ গগন,
সুসংবাদ শুনে প্রাণ আনন্দে গগন ।

২

নহে দুই চারি দিন, দু এক বৎসর ;
দশ বর্ষ দেখি নাই ; সপ্ত সিদ্ধি পারে ভাই,
আছিলে অজ্ঞাত দেশে বিহীন দোশর ,
স্মরিতে সে কথা অশ্রু বারে বার বার ।

৩

কত দিন পরে ভাই পাইব তোমায়,
তোমার ওমুখ হেরি তোরে আলিঙ্গন করি,
জুড়াইব আমাদের তাপিত হৃদয়,
ভাসিবে নয়ন বক্ষ আনন্দ-ধারায় ।

৪

তোমারে লইয়া ভাই বসিয়া বিরলে,
তব দুটি করে ধরে, শুধাইব বারে বারে
কত কথা, ঘরে ফিরে তোমায় পাইলে,
স্মরিতে সে সব কথা হৃদয় উথলে ।

৫

কি শুধাব ? শুধাইব কি দেখিলে ভাই,
 স্বর্টনের বীরভূমে, পূর্ণ যথা তেজোমুগে,
 অন্তরীক্ষ, যক্ষ রক্ষ তুল্য যার নাই,
 আগমুদ্র ক্ষিতি যারে পূজিছে সবাই ।

৬

শুধাইব, কি দেখিলে ফরাশিশ দেশে,
 শিল্প বিজ্ঞানের বলে, স্বর্গসম ধরাতলে
 হয়েছে যে, উপনীত সভ্যতার শেষে,
 শত কীর্তি যার ধরা হেরে অনিমেষে ।

৭

শুধাইব, কি দেখিলে রুশিয়া রাজ্যেতে,
 ক্ষুধিত ভল্লুক মত, সদা পরদ্রোহে রত,
 ক্ষতদেহ হতভাগ্য আজ-নখাঘাতে,
 কি দেখিলে সে অসভ্য হিমালী দেশেতে !

৮

বল ভাই কি দেখিলে জর্মণের দেশে ;
 ভারতীর অধিষ্ঠানে, মত্ত কথা বেদগানে,
 বরপ্রাপ্ত বধুগণ পরম হরষে,
 অবনী পূর্ণিত যার পাঞ্জিকতার যামে ।

৯

সুরম্য ইটালী দেশে কি দেখিলে ভাই,
 প্রাচীন রোমের কীর্তি, নব্য ইটালীর স্মৃতি,
 হরিয় বিমাদ যথা মিশে এক ঠাঁই ।
 পুষ্পকনগরে গিয়ে কি দেখিলে ভাই ? (১)

১০

সুইজারলণ্ডে গিয়ে কি দেখিলে হায় ;
 সুরম্য গিরি-কন্দরে, স্রোতের সরোবরে
 শান্তি স্বাধীনতা যথা খেলিয়া বেড়ায়,
 শত মুখে ইতিহাস যার গুণগায় ।

১১

শুধাইব, কিছু কিহে দেখেছ নয়নে,
 সে দেশের জলে ফলে, তরুলতা ফুল ফলে,
 কিম্বা সে দেশের সেই পাশ্চাত্য গণনে,
 যার গুণে যুরোপ বনে রাজ্যমনে ।

১২

এই প্রশ্ন মনোমধ্যে জাগে নিম্নত ;—
 পশ্চাতে আছিল যারা, মস্তকে উঠেছে তারা,
 পৃথ্যভূমি ইউরোপ কি লাধনে রত,
 জ্ঞান ধর্ম কর্ম গুণে নয় কি উন্নত ?

(১) ফ্লোরেন্সনগর, City of flowers.

১৩

আর এক কথা ভাই শুধাব তোমারে ;
অধম পতিত মোরা, ধন মান যশ হারা,
বেঁচে আছি স্মৃতি মাত্র অবলম্ব করে ;
কি শুধাব, শুধাইতে দুঃখের ঝরে ।

১৪

শুধাইব যুরোপার আনন্দ ভবনে,
আনন্দ উৎসাহে রত পুণ্যকীর্তি স্মর যত,
ভারতের কথা কভু করেন কি মনে,
স্মরণে কি আমাদের পূর্ব-পিতৃগণে ।

১৫

বাল্মীকি ভীষ্ম আদি ভারত-রতনে,
ভারতের বেদমন্ত্রে, ভারতের বীণা যন্ত্রে ;
ভারতের তুরী ভেরী শব্দভেদী বাণে,
বল ভাই তাঁরা কভু করেন কি মনে ?

১৬

শুধাইব, বসে দূর লাগরের কূলে,
দেখি সভ্যতার স্মৃতি, জ্ঞান বিজ্ঞানের কীর্তি ;
স্মৃতির কুহকে ভাই বর্তমান ভুলে
কভু কিরে ভাস নাই নয়নের জলে ?

১৫

১৭

ভেঙ্গে থাক যদি তবে এস এস ভাই,
যে দুঃখে কাঁদিছে ধান, কথঞ্চিৎ অবমান
হবে তার, এ শ্মশানে এসো তবে ভাই
উভয়ের নেত্রজল একত্র মিশাই ।

১৮

বিধাতার কাছে ভাই করি এ মিনতি,
বাণীর সাধনা করি যশোর মুকুট পরি ;
এস ঘরে, বিধি তোরে দিউন স্নমতি,
জন্মভূমি বলে তোর থাকে যেন গতি ।



সর্ববাদীসম্মত স্তোত্র ।

১

এক দেব অবিনাশি ! হয়ে জ্যোতির্ময়
সর্বস্থল পূর্ণ করে স্থিতি হে তোমার ;
সকল গতির গতি তোমা হতে হয়,
অনন্ত কালের স্রোতে নিত্য একাকার ।

একই ঈশ্বর তুমি প্রভাব অপার,
 পরাংপর সর্বশ্রেষ্ঠ ; কে পারে অন্তরে
 ধারণা করিতে তোমা ? সাধ্য আছে কার
 তোমার সকল তত্ত্ব পারে জানিবারে ।
 প্রতিফল করিতেছ সবার পালন,
 আলিঙ্গন করে আছ সকল সংসার,
 সকলের পরে বটে তোমারি শাসন,
 ঈশ্বর তোমার নাম—নাহি জানি আর ।

২

সুগভীর সাগরের হয় পরিমাণ ;
 বালুরাশি দিবাকর-করপরিকরে
 গণুক বিজ্ঞান করি প্রগাঢ় সন্ধান ;
 তব পরিমাণ কিছু নাই হে সংসারে ।
 আলোকিত বটে প্রভো আলোকে তোমার
 মানুষ্যের ক্ষুদ্র জ্ঞান, সক্ষম সে নয়
 প্রকাশিতে তব জ্ঞানকৌশল অপার ;
 অনন্ত অনন্ত তাহা অঙ্ককার ময় ।
 অলৌকিক ভাব তব বুঝিব কেমনে,
 কিসাধ্য চিন্তার যায় তব সন্নিধানে ?
 অনন্ত কালেতে যথা মুহূর্তের লয়,
 ধাইতে ধাইতে চিন্তা সব পায় ক্ষয় ।

৩

নাছিল এ সব কিছু, করেছে আস্থান
প্রাথমে আকাশ, শেষে অস্তিত্ব সবার ;
অনন্ত কালের ছিলে আপনি আশ্রয়,
যত কিছু উৎপত্তি, তুমি মূল তার ;
জনম জীবন সুখ যত কিছু আর,
নৌন্দর্য্য মাধুর্য্য জ্যোতি সকলি তোমার ।
কথায় করিলে সৃষ্টি, করিছ এখন ;
তোমার প্রভাবে পূর্ণ সকল ভুবন,
(স্বর্গীয় কিরণে মাখা) মহান ঈশ্বর,
ভূত ভবিষ্যৎ বর্তমানে নিরন্তর,
গৌরব আলয় তুমি জীবনপালক ;
তুমিই জীবনদাতা বিশ্বের শাসক ।

৪

হে বিভো, এ অনন্ত বিশ্বের চারি ধার
তোমারি, সকল স্থলে তব অধিকার ;
তুমিই এ বিশ্বধাম করিছ ধারণ,
নিশ্বাস প্রাণসে সবে দিতেছ জীবন ;
আরন্ত অস্তেতে তুমি করেছ বন্ধন,
কি সুন্দর গিশায়েছ জীবন মরণ !

অনন্ত অনল হতে স্ফুলিঙ্গের মত,
 তোমা হতে জন্মিয়াছে এহ সূর্য্য যত ;
 শুভ্র তুমারের অঙ্গে জ্যোতিখণ্ড যথা,
 বালগে উজ্জ্বলতর ভান্নুর কিরণে ;
 স্বর্গে তব নৈশ্যদল সুনজ্জিত তথা,
 পুলকে বালকে তব গুণানুকীৰ্ত্তনে !

৫

অনন্ত নীলিমাময় অন্তরীক্ষতলে,
 আলিয়াছ দীপ কত গণিতে না পারি ।
 অবিশ্রান্ত অগিতেছে তব শক্তি বলে,
 পালিছে আদেশ তব, তব আজ্ঞাকারী ।
 সুখে গদ গদ হয়ে কথা যেন কয়,
 নির্মল আলোক পুঞ্জ বটে কি ও সব ?
 গণিত কাঞ্চন ধারা কিম্বা প্রভাময় ?

✽ ✽ ✽ ✽

অথবা প্রাতঃ সূর্য্য কিহে ও সকল,
 কিরণে করিছে শত জগত উজ্জ্বল ?
 যাহোক নিশির কাছে সুধাংশু যেমন,
 তা'সবার কাছে তুমি আপনি তেমন ।

সত্য সত্য জলবিন্দু সাগরে যেমন,
 এ সব ঐশ্বর্য্য লুপ্ত তোমাতে ভেগন ..
 মহাশয় জগত্ত যদি একত্রিত হয়,
 তব তুহানায় কিয় গণনীয় নয়;
 কোমি ছার আমি, এগে তাতে সুরমি ৷৩৩
 অনন্ত দেবতা জ্ঞানগোবরে পূজিত ;
 তব গাহাজোব সঙ্গে করি পরিমাণ,
 পরমাণু প্রায় সবে করি অনুমান ,
 নহে কিছু অনন্তের কাছে শূন্য বট,
 কোন্ ছার আমি ! আমি কিছু মাত্র নই ॥

ঐশিক প্রভাব তব ন্যাশু বিশ্বায়,
 তুচ্ছ আমি, পরশিতে আগারো জাস্তর !
 ভানুকরে শিশির যেমতি জ্যোতির্ময়,
 নম প্রাণে প্রাণ রূপে রয়েছে জাস্তর ;
 তুচ্ছ, কিন্তু বেঁচে আছি ; আশাপক্ষ ভনে
 ব্যগ্র হয়ে উড়ে যাই তব গমিগানে ,
 তোমাতে জীবিত, থাকি তোমার অন্তরে,
 তুচ্ছ তবু চাই তব, সিংহাসন পানে ।

আমি আছি ! তাই বলি হে প্রান্তে ঈশ্বর,
তুমি আছ, কি সংশয় আছে অতঃপর ।

৮

তুমি আছ সকলের হইয়া চালক,
চালাও তোমার দিকে বুদ্ধিহে আমার ,
আজ্ঞাকে শাসন কর হয়ে সুশাসক ;
দ্রাব্য এ হৃদয়, পথ দেখাও তাহার ।
অনেকের মধ্যে আমি এক ভিন্ন নই,
সহস্র আশায় কিন্তু করেছ গঠন ;
পৃথিবী সর্গের আমি মধ্য স্থলে রই,
সকল মনের শ্রেষ্ঠ , যথা দেবগণ
জন্মেন, যে দেশে গিয়ে আজ্ঞা করে স্থিতি,
সে দেশের সীমান্ধলে আমার বসতি ।

৯

প্রাণীজগতের শেষ আশাতেই হয়,
ভৌতিক কার্যের পর্য্যাপ্ত অতঃপর নাই ,
নগ পরে শ্রেষ্ঠ দেব, তুমি হে চিন্ময় ।
মূলিকণা হুগে আমি বিদ্যতে চালাই ।
বাজা আমি—ক্ষুদ্র আমি—কিন্তু এক প্রাণী,
কীট হয়ে পুনরপি দেবতা সমান ,

অদ্ভুত কল্পনা । তব আশ্চর্য্য নির্মাণ ।
 কি করিয়ে কোথা হতে আইনু না জানি ।
 কিন্তু এই মৃতপিও স্বয়ম্ভব নয়,
 দৈবশক্তিবলে ইহা জীবিত নিশ্চয় ।

১০

তব জ্ঞানে তব বাক্যে সৃষ্টি হে আমার,
 জীবনের উৎস তুমি মঙ্গলআলয় ;
 আত্মা রূপে অবস্থিত আমার আত্মার,
 তুমি প্রভু তুমি স্রষ্টা তুমি সমুদয় ।
 তব জ্যোতি তব প্রেম উজ্জ্বল অপার
 পূর্ণ করিয়াছে মোরে তব গুণগানে ;
 অতিক্রম করে যাব মৃত্যু-অধিকার ,
 সাজিব অনন্তদীপ্তি সুন্দর বসনে ।
 উড়ে যাব স্বর্গ পথে ছাড়িয়া সংসার,
 তব পানে, তুমি স্রষ্টা তুমি মূলধার । (২)

(২) কোন ইংরেজ বিদ্যুৎ ইংরেজিতে এই স্তোত্রটি লিখিয়া অধ্যাপক
 জিবিংষ্টোন সাহেবের নিকট পাঠন । তাঁহার অনুমোদন ক্রমে ইহা ভাষা-
 অন্তরিত হইয়াছে । স্তোত্রটি চিন জাপান ও তুরস্কীয় ভাষায় ভাষান্তরিত
 হইয়াছে । এটি ইংরেজী পদ্যের অবিকল অনুবাদ ।

হায় রে সুখের চিন্তা স্বপ্ন সুখময় !
 তোমার যে ভাব প্রভো ধ্যায়াই অন্তনে,
 অতি তুচ্ছ ! পূর্ণ হয়ে আমার হৃদয়
 তব ছায়া মাত্রে, তোমা প্রণিপাত করে ।
 ক্ষুদ্র হয়ে এই রূপে চিন্তা হে আমার,
 ধায় তব সন্নিধানে হে প্রভো কৈছর ;
 নিরখি তোমার কার্য্য অসীম অপার,
 জ্ঞানী হয়ে সাধু হয়ে করে অতঃপর
 তোমার অর্চনা আর তোমার সন্মান,
 হতবুদ্ধি হয়ে করে তব গুণগান ;
 বাক্ শূন্য হয়ে পড়ে রসনা যখন,
 কৃতজ্ঞ অন্তর করে অশ্রু বরষণ ।



সুখস্থান ।

১

সুখাইব কারে, এই ধরা তলে,
কোথাই সেই সুখস্থান ;
যার তরে সদা, না বুঝিয়া কাদে ,
শিশুর সরল প্রাণ ।

যার মায়াবশে আপনা পানরি,
প্রবীণ নবীন হয় ;
পলিত পুবির, অস্তিম-শয়নে,
সংগ্রামে কাতর নয় ।
যে নাগ শুনিয়া, পাশাণের হিয়া,
স্নেহের সলিলে গলে ;
স্বপনে হেরিয়া, যাহার মুরতি,
ভাসি নয়নের জলে ।

২

সেখানে অভাব, নবজাবে শোভে;
অভাবের নাই লেশ ;
নাই হিংসা ঘেম গভত সুন্দর,
মৌজন্মের সমাবেশ ;

গজতরুরাজি, স্বর্ণলতাবলী,
 সেখানে জনমে কত ,
 এমনি সুলভ, বাগনায় ফলে,
 সুখের সাগরী যত ।
 সেথা সরোবরে, ফোটে স্বর্ণকলি,
 সৌরভে অশ্বর ভরা ;
 জীবগণসহ, লাবণ্য ঢালিয়া,
 অবিরত হাসে ধরা ।
 শুনি কবি কথা, নন্দন-কানন,
 বিগল বিনোদ-ধাম ;
 কল্পনার ছবি ! কিম্বা মরুভূমি !
 স্মরি যবে সেই নাম ।

৩

কোথা সেই স্থান ? ধরার পশ্চিমে,
 অপারসাগর কূলে ;
 হবে কি সে দেশ ? স্নানোদ্ভিত যাহা,
 নব নব কাব্যফুলে ;
 রবি, শশী, তারা, সিন্ধু, সমীরণ,
 যার আঁজাধীন রয় ;
 বিজ্ঞানের জ্যোতি, করেছে যাহার,
 ভূগর্ভ আলোকময় ;

জ্ঞান, মান, যশ, সকলি সঞ্চিত,
 বিপুল ভাণ্ডারে যার ,
 মূর্তিগতী হয়ে, আধীনতা যথা,
 আনন্দে করে বিহার ;

৪

সেই কি সে স্থান, শান্তির গংহতি,
 দেবের দয়ীত ভূমি ?
 কেন ভ্রান্ত নর, এই কথা আর,
 অপরে জিজ্ঞাস তুগি ?
 কর অন্বেষণ, আপন অন্তরে,
 পাইবে সন্ধান তার ;
 নর যদি হও, অবশ্যই আছে,
 সে চিত্র চিত্তে তোমার ;
 ঐ যে বিজয়ী, করে তরবার,
 সদা আকাজকার দাগ ;
 ঐ যে ভিক্ষুক, মুষ্টি আহরণে,
 সদা যার অভিলাষ ;
 ঐ যে কৃষক, ভাবনায় কৃষ,
 আতপতাপিত প্রাণ ;
 তুমি ভাব যাহা, সেও ভাবে তাহা,
 আপনার সুখস্থান ;

৫

ভেদমাত্র এই, তব সুখস্থান,
 যতনে রয়েছে যথা ;
 —কোথা সুখস্থান—এই বলে সদা;
 সে এসে কাঁদিবে তথা !
 যে দেশে দিনেশ, কভু দুইবান,
 বৎসরে না দেয় দেখা ,
 নাই ঋতুভেদ, অদৃশ্য যেখানে,
 সুধাংশুর ক্ষীণ রেখা !
 অনার্যত দেহে, যুগয়া সম্বলে,
 সেখানে যে ফিরে বনে,
 বাহুবলে সদা, সংগ্রামে নিরত,
 কেশরী, কণীভ্রমর সনে !
 যাহার প্রকৃতি, সত্যতার শিরে,
 করে রোষে পদাঘাত,
 তব সুখ স্থানে, আন যদি তারে;
 করিবে সে অশ্রুপাত !

৬

দুর্জয়মাত্র কথা, সে দেশের নাগ,
 গুনিয়াছি—জন্মভূমি—;

আট শশব যার, স্নকোমল কোলে,
 সোহাগে পালিত তুমি ;
 সেই রম্যদেশে, বিকাশে নিয়ত,
 প্রীতির কুসুমচয় ;
 যার পর্ণশালা, অঁধারে উজলা ,
 সতত সুরভিময় ।
 যথা মধুময়, মুরলির ধ্বনি,
 সামান্য বিহঙ্গরব ,
 যথায় শিশিরে, বসন্তের শোভা,
 (প্রকৃতির পরাভব !)
 যাওরে সে দেশে, রহ গিয়ে সুখে,
 প্রিয়পরিজন সনে ;
 বারিবেনা আর নয়নের জল,
 হাসিবে প্রফুল্ল মনে ।



আনন্দমোহনের প্রতি

(ময়মনসিংহের উক্তি)

১

বহু দিন পরে, বাছা এলি ঘরে,
আয় এক ঘর দেখি প্রাণ ভরে,
তুইরে আমার,
এক অলঙ্কার;
তোরে ছেড়ে ভানি দুঃখের সাগরে !

২

প্রাণপণে করে কত আরাধন
পাইয়াছি আমি তোমাহেন ধন,
নয়নের মণি,
তুইরে বাছনি,
তোমা বিনে সম জীবন মরণ,

৩

বাঙ্গালির ছেলে, এ কাঁচা বয়সে,
গিয়েছিলি বাছা হেন দূর দেশে,
অকুল সাগর,
মকর হাঙ্গর,
সদা করে কেলি যাহার উরসে,

৪

এহেন সাগরে ভাগিলি যখন,
 পাঠনে পাঠালে শ্রীমন্তে যেমন,
 খুলনার ঝায়,
 অভাগিনী হায়,
 দিবা বিভাবনী করেছি রোদন ।

৫

কি আর কহিব, না দেখে তোমায়,
 শুকায়েছে ঐ ব্রহ্মপুঞ্জ হায় ।
 গতি শক্তি নেই,
 যা দেখিছ এই,
 শুধু অভাগীর নয়ন-ধারায় ॥

৬

আয় যাদুমণি, আয় করি কোলে,
 ডাক একবার 'জন্ম ভূমি' বলে,
 সরসের কালী,
 ঘুটিবে সকলি,
 তোমার জননী লোকে যদি বলে ।

৭

সাহেবী সভ্যতা, ছাই তার মুখে !
 করে, অনাধিনী কাঁটা দেয় স্রুখে ;

সোনার গংগার,
করে ছারখার,
ছুরি দেয় আহা ! মা বাপের বুকে ।

৮

“যে যায় লঙ্কায় সে হয় রাক্ষস !”
এই কথা ভেবে হয়েছি অবশ ;
পাছেরে বাছনি,
হয়ে যাও তুমি,
দুরন্ত নিষ্ঠুর সাহেবির বশ ।

৯

সোনার প্রতিমা বউমা আগার,
কি জানি কপালে ঘটে উঠে তার ;
ভেবে এই কথা,
গরমের ব্যথা,
দ্বিগুণ বেড়েছে বাছারে আগার ।

১০

কত যে পাদরি পেতে আছে ফাঁদ,
হাতে দেয় পেড়ে আকাশের চাঁদ ;
কোনু মন্ত্র বলে,
কিন্মা কি কৌশলে,
আমার কপালে ঘটায় আগাদ ।

১১

কত যে যতন কত আরাধন,
করিয়া পেয়েছি যে অমূল্য ধন,
কপালের দোষে,
অভাগিনী পাছে,
জর্ডানের জলে দিই বিসর্জন ॥

১২

এত দিন পরে বাছারে আগার,
গিয়েছে সে সব ভাবনার ভার ;
আয় করি কোলে,
ডাক মা মা বলে,
শত্রু মুখে ছাই পড়ুক এবার ।

১৩

এস পূজ যত এস এক বার,
যরে এল দেখে "আনন্দ" আগার ;
এই বার যেয়ে,
ধরে আন ধেয়ে,
রাখ সবে মিলে গলে করি হার ।

১৪

সবে মিলে আজি আলিঙ্গন কর,
দুই হাত তুলি পুষ্পরুষ্টি কর ;

স্বভাবের শিশু,
 গুণের পুতলি,
 “আনন্দ”আমার বিদ্যার সাগর ।

১৫

এস যত কন্যা, ত্বর করি আন,
 চন্দন, পঙ্কজ, দুর্কা আর ধান ;
 দাও হুলু ধ্বনি,
 প্রাণ ভরে শুনি,
 উৎসব-মঙ্গল হবে কর গান ।

১৬

আয়রে আনন্দ, আয় করি কোলে,
 ও চন্দ্র-বদনে ডাক মা মা বলে ;
 জনম আমার,
 নফল এবার,
 যশের প্রদীপ তুই মোর ছেলে !

১৭

অসভ্য বলিয়া কভু গুণমণি,
 অতঃপর যদি কেউ ডাকে শুনি ;
 উচু করি মাথা,
 কব এই কথা,
 জান না-কি, আমি কাহার জননী ?

১৮

“ বেঁচে থাক যদি বাছারে আমার,
 না বলিয়া মনে থাকিবে তোমার ;
 স্পৃহা যে হয়,
 কভু সে ত নয়,
 আত্মসুখে রত তুষ্ট কুলাঙ্গার ।

শিবজীর যুদ্ধযাত্রা ।

১

ছাইল মোগল সেনা মহারাষ্ট্র দেশ,
 মুখে হাস্য নাই কার, চারিদিকে হাহাকার,
 মহারাষ্ট্র-সৌভাগ্যের নাই আশাশেষ ;
 কত শত বীরচূড়া হয়েছে নিশেষ ।

২

সহস্র অশ্বিনিনাদে গরজে কাগান,
 দশদিক ধুমময়, “জয় দিল্লিপতি জয় !”
 ঐ রব শুনে কাদে ক্ষত্রিয়ের প্রাণ ।
 দুর্জয় মোগল সেনা প্রায় সমান ।

৩

কত দুর্গ ভাঙ্গিয়া করিছে ধূলিসাৎ,
কতশত রাজপুরী ভূমিসাৎ করে অরি,
শীলারূপিসম ঘন করে গোলাপাত,
বহিছে ভারত-বনে ভীম বাজাবাত ।

৪

দিবা রাত্রি নাহি ভেদ হইতেছে রণ,
শুধু শব্দ “মার মার !” স্ত্রী পুরুষ একাকার ।
নদনদী বহে শুধু রক্তের প্লাবন ;
মোংগলের জয় রবে কম্পিত গগন ।

৫

বলিয়া শিবির মাঝে মহারাষ্ট্র-পতি,
বেষ্টিত বীরেন্দ্রদলে, নয়নে ক্রমাগু জলে,
হৃদয়ে শোণিত বহে বিদ্যুতের গতি ;
পামাণ-চাপনে পড়ে যুগেন্দ্র যেমতি ।

৬

অভি গানে বক্রগ্রীবা, কম্পিত অধর,
মুখে মাত্র নাই শব্দ, অনুচর সব শুক্ক,
কপালেতে স্নেদধারা বহে দর দর,
উৎপাতের পূর্বে যেন আগ্নেয় ভূধর ।

৭

ধন্য মহারাষ্ট্র বংশ বীরজের খনি ।

সেই বংশ-অবতংগ, বৃপকুলে রাজহংস,
দেব অংশে জন্ম, নিজে বীরচুড়ামণি,
শক্রমুখে শুনিতে কি পারে জয়ধ্বনি ?

৮

দশনে দশন চাপি কহে বীরবর,
—চল মহারাষ্ট্র-বাসি । মোগল কটক নাশি,
শত্রুর শোণিতে চল করিয়ে সাগর ;
চল সবে ভাসি গিয়া তাহার উপর ।

৯

দেখরে চাহিয়া সবে একি অলক্ষণ ;
কোটি বীরধাত্রী যিনি, সে ভারত অনাথিনী,
মোগল-কলক তারে করে আচ্ছাদন ;
শূন্যবুকে জন্মভূমি করিছে কন্দন ।

১০

বীরশূন্য ভারত কি হয়েছে এমন ?
জীবনে যে গতআয়ু, বহে নাকি প্রাণবায়ু,
এমন ক্ষত্রিয় কিহে নাই একজন,
মোগল-শোণিতে করে পদ প্রক্ষালন ?

১১

ক্ষত্রিয়ের নাম শুনে কাঁপিয়াছে যারা,
তুণসম যে সকলে, দলিয়াছ পদতলে ;
ভারতের বক্ষে বসে স্পর্শ করে তারা ;
কোন্ পাপে আর্যবংশ বলবীৰ্য হারা ?

১২

সামান্য নরের হাতে দেশের দুর্গতি,
কেমনে সহিব বল ? ত্বর করি চল চল,
“কাপুরুষ শৌর্যহীন মহারাজ্জি জাতি !”
কেমনে শুনিব বল এ ঘোর আখ্যাতি ?

১৩

কোন্ ভয়ে ভীত এত, কি হেতু মলিন ?
ঐ যে কাঁদিছে দেশ, নাহি কেন দয়ালেশ,
কোন্ পাপে মহারাজ্জি মনুষ্যত্বহীন ?
উঠ উঠ উঠ, ওহে বালক প্রবীণ !

১৪

চল চল চল সবে যাই রণস্থলে,
ভারতের জয়রবে, জগত কম্পিত হবে,
মোগলের নাম লুপ্ত করি ধরাতলে ;
সিংহসম পশি চল মোগলের দলে ।—

১৫

গর্জিয়া উঠিল যত ক্ষত্রিয়-সন্তান,
“জয় জয় জয়” রবে, চলিল সগবে রবে,
মহাবল মহাবুদ্ধি বীর্যেব আধান,
উঠিল লক্ষ্যরধনি প্রায় সমান ।

১৬

চতুর্দশ দলে গবে রণস্থলে ধায় ;
চিত্ত স্থির নহে কার, মুখে শব্দ “মার মার !”
দাবা পুত্র বন্ধু মুখে ফিরে নাহি চায়,
দেশার্থে জীবন যাবে কোন্ ক্ষতি তায় ।



মানবের ভাগ্য ।

গন্দনকাননে বসি বৃন্দারক এক,
মানবের ভাগ্য-লিপি ভাবিল অনেক ;
ক্ষমা মৃত্যু রোগ শোক উখান পতন,
এ সকলে পরিপূর্ণ মানবজীবন
নিরখিয়া, মনে হলো প্রশ্নের উদয়—
“মর্ত্যভূমি কেবলি কি দুঃখের আশয় ?”

এইরূপ চিস্তাকুল হইয়া অমনি,
সুরলোক ত্যজি সুর আইলা অবনী । •

বিচিত্র ধরিত্রী-শোভা করি বিলোকন,
পুলকে পূর্ণিত হলো ত্রিদশের মন ;
কোন স্থানে গিরি-শৃঙ্গ পরশে গগন,
শিবে শুভ্র জটাভার যোগীন্দ্র যেমন ;
কটিতটে মেঘাশ্বরে বিদ্যুত-প্রকাশ,
বীরবর-অঙ্গে যেন দীপ্ত চন্দ্রহাস ;
কোথা শোভে স্রোতস্বতী শ্রাগল প্রান্তরে,
রজতের ধারা যেন ধরা-বক্ষ পরে,
তীরে অটালিকাপূর্ণ সুন্দর নগর,
ছুকলে তরলী-শ্রেণী কিবা মনোহর ।
ফলশস্য-পরিপূর্ণ প্রান্তর কানন,
মকরন্দ-গন্ধ বহে মন্দ সমীরণ ;
নিভতে নিকুঞ্জে সুখে বিহঙ্গম গায়,
নাটিছে কুরঙ্গ, ভৃঙ্গ উড়িয়া বেড়ায় ।
এই সব হেরি সুর ভাবিলা তখন,—
নহে শুধু দুঃখময় মানব-জীবন ।

এইরূপে ভ্রমিতে ভ্রমিতে সুরবর,
অদূরে দেখিলা এক নগর সুন্দর ;
পশিলা নগর মধ্যে বড় কুতূহলে,

সম্মুখে দেখিলা পুরী অতুল ভূতলে ;
 কনকরচিতগৃহ মুকুতা-খচিত,
 অগণিত রত্নজালে রয়েছে সজ্জিত ;
 মধ্যে এক সিংহাসন বড়ই উজ্জ্বল,
 হৈন্দ্রধনুসম যেন করে বাল মল ;
 সুন্দর পুরুষ এক রাজ-আভরণে,
 হাস্যমুখে উপবিষ্ট সেই সিংহাসনে ;
 শিরে শোভে জয়মাল্য রাজদণ্ড করে,
 কটিতে উলঙ্গ অগ্নি ধক্ ধক্ করে ;
 অভিমান বিস্কুরিছে নয়ন যুগল,
 মানব-শোণিতে ধৌত হস্তপদতল ;
 চারি দিকে বসিয়াছে পাত্র মিত্র শত,
 দিনেশে বেষ্টিয়া গ্রহ উপগ্রহ মত ;
 নাচিছে নর্তকীরন্দ বন্দী গায় গীত ;
 উঠিয়াছে গদ্যোত্তর স্বর সুললিত ।

মানুষের সৌভাগ্যের সীমা নাহি আর,
 এত ভাবি স্মর চিন্তে আনন্দ অপার ।
 হেনকালে অকস্মাৎ মহাকোলাহলে,
 আইলা বীরেন্দ্র এক নিয়ে দল বলে ;
 আলিলা প্রবল অগ্নি সেই রম্য পুরে,
 বহিল প্রবল স্রোত মানব-রুধিরে ;

সিংহাসনে উপবিষ্ট ছিল যেই জন,
 আগন্তুক নদে সেই আরম্ভিল রণ।
 কিন্তু সে বীরেন্দ্র তার শিরচ্ছেদ করি,
 স্বহস্তে উষ্ম অগ্নি লইলেন কাড়ি ;
 সেই ছত্রদণ্ডসহ সেই সিংহাসনে,
 আপনি বসিলা পুনঃ সহান্য বদনে।

মানুষের সৌভাগ্যের এইরূপ শেষ,
 নিরখিয়া সুরচিত সস্তম্ভ বিশেষ ;
 সেই দৃশ্য পরিহারি চলিলেন সুর,
 মনের মালিন্য যাহে জন্মিল প্রচুর ;
 ক্ষুণ্ণ মনে দূর বনে করিলা গমন।
 তপস্বী-আশ্রম এক অতি সুশোভন,
 দেখিলেন, পরিপূর্ণ ফুল আর ফলে,
 নিত্য ধৌত পাদমূল নির্ঝর সলিলে ;
 নির্জ্বল কুণ্ডীর মাঝে অজ্বল আশনে,
 বসিয়া তাপসবর গুপ্তীর আননে,
 দেখিলেন, করিছেন বিভূ গুণ গান,
 নিরখিয়া পুলকিত আদিত্যের প্রাণ।
 ভাবিলেন—চিন্তা ভয় ভাবনা রহিত,
 এই সাধু ভাগ্যশীল হইবে নিশ্চিত।

দেখিতে দেখিতে সেই সাধুর বদন,

বিষাদ-কালিমাগয় হইল তখন ;
 নয়ন মুদিয়া সাধু কুঞ্চিত কপোলে,
 অভিষিক্ত হইলেন নয়নের জলে ।
 অকস্মাৎ পূর্ণভাব কেন পরিহার,
 সুনীল গগনে কেন মেঘের সঞ্চার ?
 জানিতে কারণ তার দৈবশক্তি-বশে,
 অগনি পশিলা সুর সাধুর মানসে ।
 দেখিলেন সুর, স্মরি বিগত জীবন,
 দেখেন তাপস বড় দুঃখের স্বপন !

ছেড়েছেন তাপস সংসার পরিবার
 প্রবৃত্তি-নিবৃত্তি মাত্র হয় নাই তাঁর ;
 অকাল-শিশিরে যথা কুমুদ কুঞ্চিত,
 সাধুর হৃদয়-গ্রন্থি নহে বিকশিত ;
 প্রীতি ক্ষান্তি পবিত্রতা আদি গুণচয়,
 কার্যক্ষেত্রে পরীক্ষিত পরিপুষ্ট নয় ;
 ধর্ম তাঁর ভাবুকতা, জ্ঞান সংস্কার,
 কর্মকাণ্ড সব পাণ্ড অমুষ্ঠান-মার ,
 অশান্তিতে পরিপূর্ণ চিত্ত সর্গক্ষণ,
 ধ্যানযোগে দেখিছেন দুঃখের স্বপন !

তপস্বীর এই দশা করি দরশন,
 বিষাদে বিদগ্ধ হলো ত্রিদশের মন ।

ভাবিলেন—নরভাগ্য দুঃখের ভাণ্ডার,
 নরলোকে ভাগ্যশীল কেহ নাহি আর ।
 এইরূপ ভাবনায় আকুল হইয়া,
 অন্য মনে দূর পথে উত্তরিলা গিয়া ;
 দেখিলেন, সেই পথে যুবা এক জন,
 দ্রুত পদে ব্যস্ত হয়ে করিছে গমন ;
 অদৃশ্য হইয়া স্মর সে যুবার সঙ্গে,
 দেখিতে নূতন দৃশ্য চলিলেন সঙ্গে ।
 দেখিলা যুবক, পথে কিছু দূর গিয়া,
 কাঁদিছে বালক এক পথ হারাইয়া ;
 অমনি যুবক তারে লইলেন কোলে,
 মুছিয়া নয়ননীব বসন-অঞ্চলে ,
 আরো কিছু দূরে যুবা করিয়া গমন,
 অবলার আৰ্ত্তনাদ করিলা শ্রবণ ;
 নিকটে অরণ্য ঘোর তথা সেই ধ্বনি,
 অরণ্যে যুবক দ্রুত পশিলা অমনি ;
 দেখিলা—রমণী এক দীনা হীনা বেশে,
 ক্লান্ত-কিঙ্কর দস্যু ধরিয়াছে কেশে ;
 “রক্ষাকর অবলারে কে আছে কোথায় ।”
 এত বলি কান্দালিনী ধূলায় লুটায় ।
 দস্যুর বাহুতে গুরু ব্যাধির গ্রহারে,

অঙ্গশূন্য বীর যুবা করিলা তাহারে ;
 অঙ্গশূন্য হয়ে দম্ভ হইল হতশ ।
 পলাইল দূর বনে হয়ে উর্দ্ধশ্বাস ;
 আশ্বাসিয়া রমণীরে ক্ষুণ্ণধর বোলে,
 পথপ্রাপ্ত বালকেরে দিলা তার কোলে ;
 ঘুচিল বিপদ, পেয়ে আপন সস্তান,
 কৃতজ্ঞতা ভরে ভঙ্গ রমণীর প্রাণ ।

মধ্যাহ্ন সময়ে যুবা অতি ক্রতপদে,
 প্রবেশিলা গিয়া এক রম্য জনপদে ;
 পশি এক বিদ্যালয়ে আনন্দিত গনে ;
 নিযুক্ত হইলা যুবা পাঠ অধ্যাপনে ;
 ধর্মনীতি রাজনীতি দর্শন বিজ্ঞান,
 কাব্য সাহিত্যের কত করিলা ব্যাখ্যান ।
 যথা কালে নিজ কার্য করি সমাপন,
 বিদ্যালয় ছাড়ি যুবা করিলা গমন ;
 অদূরে রয়েছে এক অনাথ-আলয়,
 অপরাহ্নে তথা গিয়া হইলা উদয় ;
 অন্ধখঞ্জগণে দিলা নানা উপহার,
 মাতৃহীন শিশুগুণে স্নিগ্ধ আহার ;
 রোগীরে ঔষধ দিলা বহু যত্ন করি,
 আনন্দিত হবে যেন আত্মজনে হেরি ;

হাসাইলা সকলেরে স্নানধুর বোলে,
শুদ্ধ ভূমি সিক্ত হলো শিশিরের জলে ।

কতক্ষণে সেই স্থান করি পরিহার,
আপন আলয়ে যুবা চলিলা এবার ।
কিছু দূর গিয়া যুবা করে দরশন,
পথিমধ্যে বৃদ্ধ এক করিছে রোদন ;
সম্মুখে ভুতলে শব রয়েছে শায়িত,
অনন্ত নিদ্রায় তার নেত্র নিমীলিত ;
কাদিতেছে বৃদ্ধ ঘন শিরে হানি হাত,
বিনা মেঘে মস্তকে হয়েছে বজ্রপাত ।
বহু দিন পুত্র তার আছিল প্রবাসে,
পিতাপুত্র একযোগে চলিয়াছে দেশে ;
পথিমধ্যে কাল গর্প করিল দংশন,
তাহাতেই হইয়াছে যুবার মরণ ;
আপনা বলিতে তথা কেহ নাহি তার,
কে দিবে শাস্ত্রনা, আর কে করে সংকার
বিদেশে বৃদ্ধের এই দশা দরশনে,
বহিল শোকের ধারা যুগল নয়নে ;
প্রবোধ কথায় বৃদ্ধে কিছু শাস্ত্র করে,
ক্রতপদে প্রবেশিলা গ্রাম অভ্যস্তরে,
উত্তরিলা দুই চারি গ্রামিকে লইয়া,

চলিলা আপনি শব ক্ষয়োতে বহিয়া ।

শ্রুত বলে “ধন্য ধন্য মানব নন্দন,
দেবতাব পূজ্য ভূমি বটে সর্বক্ষণ ।”

নদীতীরে গেহে শব করিয়া সংকার,
স্নানান্তে আশ্রয়ে যুবা চলিলা আবার ;
অবশান হলো দিবা গোধূলি আইল,
প্রাস্তুর ত্যজিয়া গাভী গৃহেতে ধাইল ;
উড়িল বিহঙ্গকুল মৃদু কলরবে,
দিবসের অস্তে অতি শ্রান্ত যেন গবে ।
সাধুকার্যে দিনপাত করি যেই জন,
এইরূপ সফ্যা-শোভা করে বিলোকন,
ধরনী ধরেন যবে প্রশান্ত মুরতি,
অস্তরে বাহিরে তাঁর জন্মে কত প্রীতি ।
রবির লোহিত ছবি অস্তগত প্রায়,
শোভিছে কিরণ-রেখা গগনের গায় ;
তরুণিরে পড়িয়াছে তার চারু আভা,
হেমছত্র রূপে তরু পাইতেছে শোভা ।
সেই তরু তলে এক সুন্দর কুটীর,
বহুমূল্য নয়, কিন্তু গঠনরুচির ;
সম্মুখে সরসী এক শোভিত পুঙ্করে,
বিহরে সরাল তাহে আনন্দ অস্তরে ;

তীরে শোভে তরু লতা কল পুষ্পচয়,
 পারিপার্শ্বী, কিন্তু বিলাসিতাপূর্ণ নয় ।
 নহে বহুদূর ঐ শান্তি-নিকেতন,
 সতৃষ্ণ নয়নে যুবা করে দরশন ।
 সন্ধ্যা সমাগত দেখি সত্বর হইয়া,
 আলয়ে আইলা যুবা আনন্দিত হিয়া ;
 দেখিলা,—জননী তার অলিন্দে বসিয়া,
 হান্য পরিহাসে রত নাতিনী লইয়া ;
 বৈকালিক ভোজনের করি আয়োজন,
 যথাকালে গৃহকার্য্য করি সমাপন,
 পত্নী তার শিশু পুত্রে লয়েছেন কোলে,
 প্রতীক্ষায় দাঁড়াইয়া অশোকের তলে ।

আইলা যুবক যাই গৃহের দুয়ারে,
 বেষ্ঠন সকলে আগি করিলা তাহারে ;
 “বারা” বলি ধৈর্য্যে এল তনয়া তনয়,
 দৌহারে ধরিলা বক্ষে, বিলম্ব কি নয় ?
 চুম্বিলা দৌহার স্মৃথে ব্যাকুল হইয়া,
 প্রাণস্বিনী স্মিতমুখ সে রঙ্গ দেখিয়া ।

বহৎ কুক্কুর এক গৃহের রক্ষক,
 প্রভুর প্রদত্ত নিত্য প্রসাদ ভক্ষক ;
 লুটায় পড়িল আগি প্রভুর চরণে,

পরিভ্রষ্ট হলো পশু মধুর বচনে ।
 অন্ধনে আছিগ গাভী ধবলী শ্যাংলী
 প্রভুর নিকটে তারা আগে দৌড়ে গিলি,
 গলে হাত দিয়ে প্রভু করিলে আদর,
 ক্ষণ পরে গেল তারা আপনার ঘর ।
 এইরূপে প্রেমের কোতুক হলে গাঙ্গ,
 স্নানীতল সমীরণে স্নিগ্ধ হলো অঙ্গ ;
 অঙ্গমাত্র জলযোগ করিয়া তখন,
 আরম্ভিল পতি পত্নী গ্রন্থ অধ্যয়ন ;
 পতিনী পড়েন গ্রন্থ, শুনিলেন পতি,
 মীমাংসা করেন দৌড়ে করিয়া যুক্তি ;
 কভুবা উভয়ে ঘোর চিন্তায় মগন,
 হাস্য পরিপূর্ণ কভু দৌহার বদন ;
 কভু ভাবে গদ গদ দম্পতির প্রাণ,
 বলিহারি বিধাতার বিচিত্র নির্মাণ ।
 এক হস্তে ছুটি ফুল কিবা স্নানোভন,
 ধন্য রে দাম্পত্য প্রেম ভবের ভূষণ ।

অধ্যয়ন শেষে যুবা বসিলা আহারে,
 আদরিল প্রাণিণী নানা উপচারে ;
 কি ছার পলায় আর পিষ্টক পায়স,
 ধনীর রসনা যাতে সতত অলস ;

শত শত দরিদ্রের শোণিত শোষিয়া,
 পঞ্চামৃত ভুঞ্জে যেই মন্দিরে বসিয়া,
 শ্রমকরি প্রতিবেশী অম্মাভাবে মরে
 যার, শত ধিক্ সেই গৃহ সম নরে ।
 দরিদ্রের শাক অন্ন বিলাসবিহীন,
 যার উপার্জনে পাপে নাহি যায় দিন ;
 দরিদ্র দুর্জল কিস্বা ক্ষুধাতুর জনে,
 পুণ্যস্রষ্টি হয় যার মুষ্টি বিতরণে ;
 সেই শাক অন্ন বটে সুধার সমান,
 প্রিয় জন স্নেহভরে করে যদি দান ।

আহার করিয়া আসি বসিলা দম্পতি,
 ইষ্টদেব-আরাধনে অতি সুদৃঢ়মতি ;
 ভক্তি ভরে গদ গদ, মুদিয়া নয়ন,
 মধুর সঙ্গীতে করে গুণানুকীৰ্ত্তন ;
 প্রেমঅঙ্ক দৌহাকার নয়নে উদিল,
 কমলের দলে যেন শিশির শোভিল ।
 কর যোড়ে সমস্তরে করিলা প্রার্থনা,
 “কভু যেন পাপপথে যায় না বাসনা ;
 হে ঈশ্বর, তব প্রীতি থাকে যেন প্রীতি;
 তর প্রিয় কার্যে সদা থাকে যেন মতি ;
 জীবনে তোমার ইচ্ছা হউক সফল,”

এত কহি সম্মিলি নয়নের জল ।

আরাধিয়া ইষ্টদেবে করিয়া শয়ন,
 মুখ নিজাবশে যুবা হ'ল অচেতন ।
 ধরাতে এ পবিত্র দৃশ্য নিরখিয়া,
 পুলকে পূর্ণিত হলো ত্রিদশের হিয়া ;
 ভাবিলেন—সাদুতাই সুখের নিলয়,
 মানবের ভাগ্য কভু নহে দুঃখময় ;—
 প্রীত মনে দম্পতিরে আশীর্বাদ করি,
 সুরলোকে গেলা সুর ধরা পরিহরি ।



বাঙ্গালার বর্ষা ।

১

আইল বরষাকাল, নদ নদী বিল খাল,
নুতন সলিলে সব পরিপূর্ণ হইল ;
অবিরাম হয় সৃষ্টি, সুবিধা নাশিবে সৃষ্টি,
আকাশ ভাঙ্গিয়া যেন কোণি ছিদ্ৰ হইল ।

২

ঠুশ্ ঠাশ্ পড়ে শীল, মরে যত কাক চিল,
গোষ্ঠ ছেড়ে ধায় গাভী পেয়ে মহাত্রাস ;
আকাশের দুষ্ট ছেলে, যেন সব চেলা ফেলে,
পৃথিবীর ফল শস্য করিতেছে নাশ ।

৩

তরু তরু সরু সরু, বায়ু বহে নিরন্তর,
হৃদশাখা হতে জল বুড়্ বুড়্ পড়িছে ;
শোকভরে তরু যেন, নিশ্বাস ছাড়িছে যন,
নয়নেতে অশ্রুবিন্দু বর ধার বারিছে ।

৪

প্রান্তরে কৃষকগণ, করি সব প্রাণপণ,
করিতেছে কৃষিকার্য্য, রাজ্য যাছে বাঁচিছে ;
পায়েতে লেগেছে জৌক, গায়ে লাগে সূঁয়পোক,
তথাপি চাষার মন আশাভরে নাচিছে ।

৫

বিহঙ্গ-পতঙ্গগণ, বিযাদিত্ত অনুক্ষণ,
নিবিড় শাখার তলে বসে শুধু থাকিছে ;
কেবল সময় পেয়ে, পেট পূরে জল খেয়ে,
চাতক “দে জল” বলি জলধরে ডাকিছে ।

৬

যে যাহারে ভালভাসে, সে যাইবে তার পাশে,
পল্লিল সলিল পানে গড়ুকেরা ধাইছে ;
আনন্দে সঁতার দিয়ে, মাথা মাত্র ভাসাইয়ে,
উচ্চনাদে বরষার কতগুণ গাইছে ।

৭

নব জলধর সঙ্গে, সৌদামিনী কত সঙ্গে,
মুচকে মুচকে হাসে বড়ই সুন্দর ;
জলদ অনেক স্নেহে, লুকায়ে আপন দেহে,
গদ গদ ভাষে তার বাড়ায় আদর ।

৮

সেই শোভা নিরখিয়া, নিজ পুষ্প বিস্তারিয়া,
ময়ূর ময়ূরী নাচে আগোদে বিহ্বল ;
কছু নাচে তালে তালে, কছু কদম্বের ডালে,
বসি উচ্চ কেকা রবে করে কোলাহল ।

৯

ফুটেছে হিঁ জল ফুল, যেন বদ-বধুকুল,
নিবিড় অরণ্য মাঝে আছে লুকাইয়া ;
অপরূপ রূপ ধরে, গন্ধে আগোদিত করে,
অনাদরে বারে পড়ে যেতেছ পঁচিয়া ।

১০

জলে গর্ভ গেল ভরে, কুগি কীট দায়ে পড়ে,
লোকালয়ে তরুপরে লইল আশ্রয় ;
মশকেরা গায় গীত, মক্ষিকারা হরষিত,
কুলায়ে ডাহক ডাকে তুষ্ঠ অতিশয় ।

১১

আজি যেই জন সুখী, কালি সেই হয় দুখী,
এইরূপে যাইতেছে জীবের জীবন ;
ছয় ঋতু সষৎসরে, আগিতেছে পরে পরে,
করিবারে জগতের মঙ্গল সাধন ।



দস্তাঙ্গুরের আত্মপরিচয় ।

১

আর্য্য দেশে জন্মি, বীর্য্য-অবতার,
কাব্য উপন্যাসে পরিচয় তার,
শত শত শত আছে ;
মহাবুদ্ধিমান দস্তা মৌর নাম,
মহাতেজীমান, মহাবলবান,
আমা সম কেবা আছে ?

২

ব্রহ্মার মস্তক করিয়া বিদীর্ণ,
অবনী গুণ্ডে হই অবতীর্ণ,
সকলেরি পূজ্য হই ;
কিবা রাম কৃষ্ণ বিষ্ণু অবতার,
চন্দ্র সূর্য্যবংশ বটে কোন্ ছার,
কারো কাছে হীন নহে ।

৩

এ ভারত ভূমি মম অধিকার,
একছত্রী রাজা আমিই ইহার,
শ্রেণীবদ্ধ আমি করেছি সবে ;

যাহারে যে স্থানে করেছি স্থাপন,
করেছি যে কর্মে যার নিয়োজন,
চিরকাল সেই সেখানে রবে ।

৪

সিন্ধু ব্রহ্মপুত্র যে হইবে পার,
সেই বটে ঘোর অস্রাতি আগার,
সেই তাজ্য মূঢ়-মতি ;
রমণী পুরুষ যবন ব্রাহ্মণ,
একাসনে আনি বসায় যে জন,
তারে দেই দণ্ড অতি ।

৫

বেদ কি বেদান্ত বাইবেল কোরাণ,
যে পড়ে সে জন বড়ই অজ্ঞান,
জ্ঞান ভক্তি কর্ম সকলি মিছে ;
আমি ধর্মগুরু, আমি পুরোহিত,
সর্ব কর্মে আমি করে থাকি হিত,
চতুর্কর্গ ফল আমারি কাছে ।

৬

রাম মোহন কিবা নানক চৈতন্য,
মানুষের মধ্যে কভু নহে গণ্য,
করেছিল তারা যত স্বেচ্ছাচার ;

কেহ যদি হয়ে থাক গতিহীন,
খুঁজে দেখে শাস্ত্র করে তন্ন তন্ন,
অঙ্গদের সেবা আখ্যায়িকার সার ।

৭

হয়েছে দেশের বড়ই দুর্দিন,
যত বঙ্গযুবা হয়ে অর্ধাঙ্গীন,
নূতন সমাজ গড়িতে চায় ;
জাতি বর্ণ ভেদ বিলোপ করিয়ে,
বলে ধরে দেয় বিধবার বিয়ে
সকলে মিলিয়ে “অখাদ্য” খায় ।

৮

চলিয়াছে সবে যার যে প্রকার,
দেশাচারে দৃষ্টি নাহি মাত্র কার,
ভাদ্রিতেছে সবে কোলিন্য-বন্ধন ;
বংশে যদি কারো জন্মে সন্তান,
জান্নায়ে বিগ্রহে নাহি কিছু দান,
নংবাদ কাগজে দেয় বিজ্ঞাপন ।

৯

রাজ-শক্তি যদি থাকিত আগার,
এ সব লোকের ভাদ্রিতাম খাড়,
পুড়িতাম সবে বলন্ত অনলে ;

কিন্তু এবে ক্রোধে দুঃখ মাত্র গার,
গিয়েছে যে দিন, আগিবেনা আর,
এবে কার্যোদ্ধার করিব কৌশলে ।

১০

সদা উচ্চারিব "আর্য্য আর্য্য" নাম,
সাহেবের হাতে দিব শালগ্রাম,
বিলাত-ফেরতে করিব যশ ;
সাহেবি খানায় আর গঙ্গাজলে,
ক্রিয়া কৰ্ম্ম যত করিব কৌশলে;
নাশাজ্জিক বলে ছুটিবে যশ ।

১১

কব শত মিথ্যা ক্ষতি নাহি তার,
জগহত্যা পাপে হইব সহায়,
তবু ছাড়িব না আপন ষড়াই ;
আগি দস্তাশূর পাপের সোদর,
ভারতে শাসিব সহস্র-বৎসর,
মোর হাতে তার নিকৃতি নাই ।



বালবিধবার স্তম্ভ ।

১

সখিরে, আমি ছেন অডাগিনী ;
নাহি জানি পতি ; কিবা সে মুরতি,
বিবাহ কি নাহি জানি !

(সখি) গাবাপ নিদয়, শৈশব সময়ে পরহাতে সঁপি দিলা
আমি) অনিচ্ছাতে সই, খেলিনু তখন,
সে এক ছুঃখের খেলা !

২

সখিরে কি কষ প্রাণের আলা ;
ছিঁড়িয়া কলিকা, কণ্টকলতায় বিঁধিয়া গাঁথিলা মালা ।
(সখি) তাতেও আবার, বিধাতা বিমুখ,
সেও মালা ছিঁড়ে গেল ;
আমি ধূলায় পড়িয়া, যাই গড়াগড়ী এ মোর কপালে ছিল !

৩

সখিরে, বিধাতা নিষ্ঠুর অতি ;
ছুঃখের অনলে, দহিতে নিয়ত, গড়েছিল এ মুরতি,
(সই) ছেন যদি বিধি, করিলা অবিধি,
কেননা হরিলা স্মৃতি ?
কেনলো স্বজন, বাগনা কামনা, (পাপ)
হৃদয়ে করিলা স্থিতি ।

৪

সখিরে, কাল নিশি অবসানে ;
 দেখেছি যে রূপ, পাগরিতে নারি,
 ধৈর্য ধরে না প্রাণে ।
 (সখি) কুমুদকাননে, একাকী বিরলে, যখন ছিলাম বসি ;
 (আমি) সহসা দেখিনু ; হানিতে হানিতে,
 ভূতলে নামিল শশী ।

৫

সখিরে, কি কব রূপের কথা ;
 সে মুখ স্মরিতে, বারে ছনয়ন, সরসে উপজে ব্যথা ;
 (হায়) কিবা অনুপম, সে শ্যাম মুরতি, বদনে প্রীতির ভার,
 (সেই) চাহিতে চাহিতে, দেখিতে দেখিতে,
 হরেনিল মন আমার ।

৬

সখিরে, কিবা সে মধুর ভাষা ;
 শুনিতে শুনিতে, বাড়িল পিয়াস, না পূরিল মনআশা ।
 (জিনি) বংশীর সুরব, কোকিল-কাকলি,
 কহিলা করুণ স্বরে—
 “(বড়) ভাল বাসি আমি, তোমারে সুন্দরি,
 এসেছি তোমার তরে ।”

৭

সখিরে, আগি হেন অভাগিনী ;

“ভালবাগি তোরে, এমধুর কথা, জনমে কভু না শুনি !
(হলো) আশুখানু প্রাণ, হারাইলু জ্ঞান, হইলু পাগলপারা,
(তখন) খসিল বসন, ঘনবহে শ্বাস, স্থির ছু নয়নভারা ।

৮

সখিরে, কি কব এ পোড়া মুখে ;

গনে হলো সাধ, কণ্ঠহার করি, পরি সে রতনে বুকে ।
(আমার) গনে হলো সাধ, পড়িলু প্রমাদে, ছুরু ছুরু
হিয়া কাঁপে ;
(তখন) চারিদিকে চাই, দেখে যদি কেহ, পুড়িব
কলঙ্ক-তাপে !

৯

সখিরে, বলিতে বিদরে হিয়ে ,

নেহারিলু আগি, সেই রূপরাশি নয়নে নয়ন দিয়ে ।
(তখন) সেই সুধাকর, কোমল ছুর, কণ্ঠেতে করিল দান ;
(অমনি) সাপটিয়া গই, ধরিলু উরসে, পরশে অবশ প্রাণ

১০

সখিরে, আচম্বিতে এ কি হলো ;

অধরে চুম্বিতে, পুর্ণিমার চাঁদ, আকাশে গিলিয়া গেল !

(সখি) হইতাম যদি, বনবিহঙ্গনী, উড়িতাম তার তরে ;
(আমি) হইতাম সুখী, বারেক নিরখি, সেই পূর্ণ শশধরে ।

১১

“সখি রে, আমি হেন অভাগিনী ;

এ পাপ-পরশ, সহেনা সে দেহে, হায় আগে নাহি জানি ।

(আহা) পাই যদি পুনঃ, সেই সুধাকরে, দেখিয়া ঘুচাই

সুধা ;

(আমি) দূর হতে গই, চকোরের মত, খাই সে মুখের

সুধা ।

১২

সখিরে, পামরিয়া ভয় লাঞ্জে ;

যোগিনী হইয়া, বেড়াইব সখি, গহন কানন মাঝে ।

(সখি) কখনও হাসিব, কখনও কাঁদিব, কভু পড়ি

ধরাতলে ;

(আমি) নখরে কাটিয়া, সরোবর গই, ভরিব নয়নজলে ।

১৩

সখিরে, সেই সরোবর মাঝে ;

কুমুদিনী হয়ে, বেড়াব ভাগিয়ে, দেখিতে সে বিজরাজে ।

(আমি), আকাশের পানে, থাকিব চাহিয়া, ঐ রূপ

করিব ধ্যান ;

(সখি) না পাইলে তারে, অগাধ মলিলে, ডুবিয়া

তাজিব প্রাণ ।

সখিরে, কি কাজ বিলম্ব করি ;
 আর এক পথ আছেরে আমার, শোন তবে সহচরী—
 (নই) গাজাইয়া চিতা, অলস অনলে, পাপদেহ কর ছাই !

মনের আগুন, গিশিবে আগুনে,
 (আমার) বেঁচে থেকে কাজ নাই ।

সখিরে, সেই ক্ষুখের শশ্মানপরে ;
 অশোক বকুল, তমালের তরু রোপিত যতন করে ।
 (যখন) পথিক আসিয়ে, পথপ্রান্ত হয়ে,

বসিবে সে তরুতলে ;
 (তখন) কহিল “এখানে, বজ্রের বিধবা,
 পুড়িয়াছে চিতানলে ।”



উদ্দীপনা ।

ছাদশ বর্ষ বয়সে পঞ্জাবকেশরী, রণজিৎসিংহ ছরানী-
অত্যাচার-পীড়িত পঞ্চনদবাসীদিগকে
এইরূপে উত্তেজিত করিতেন ।

১

উঠ রে ভারতি উঠ একবার,
পারি না দেখিতে এই দশা আর,
কেন এ দারুণ কলঙ্কের ভার
ধরিস্ গলে ?
উঠ একবার কর রিপুক্ষয়,
কেন হতজ্ঞান, কেন এত ভয় ?
ঐশ্বর্য্যে তোদের কেহ ভুল্য নয়,
অবনীতলে ।

২

বীরপুত্র তোরা বীরবংশধর,
ধর্ম্মশীল জাতি পৃথিবী ভিতর ;
(হা বিধাত । এ কি কপাল-লিখন,)
আর্য্যাবর্তে নাই বীর্য্য অভিমান,
ধর্ম্মক্ষেত্রে লুপ্ত হলো ধর্ম্মজ্ঞান,
ভারত কি পাপ-নিদ্রায় মগন । ।

৩

সভ্যতার গুরু ছিল যে ভারতী,
 (আজিও ভুগ্ন ঘোষে এ ভারতী)
 কোন্ কৰ্মফলে তাদের সন্ততি,
 অসভ্যের শেষ কি কব হয় !
 শৃগাল শোশর ভারত-সন্তান,
 আৰ্য্যজাতি বলে নাহি তার মান,
 যবন বর্ধন করে ভূণ জ্ঞান,
 এ দুঃখ কি আর সহন যায় !

৪

ভারত-সৌভাগ্য কেন হেন ক্ষীণ,
 কে হরিলে হয় সে পুথের দিন ।
 যেও ছিল আশা, তাও প্রায় লীন,
 আর কারে ডাকি নাই রে কেহ !
 নাহি আৰ্য্যজাতি আৰ্য্য নাম আর,
 কেন “আৰ্য্য আৰ্য্য” বলি বারবার ;
 আৰ্য্যবর্ত্ত কিরে হতো ছারখার,
 আৰ্য্য বংশধর থাকিলে কেহ ?

৫

কেন না ডাকিব-? অবশ্য ডাকিব,
 আজ একবার ডাকিয়া দেখিব,

আর্যের শোণিত যেখানে রয় ;
সেখানে পড়িয়া করিব চীৎকার,
মৃতপ্রাণে হবে জীবন-সঞ্চার,
সেখানে আশার নাহিরে ক্ষয় ।

৬

কেন না ডাকিব ? এখনো হৃদয়,
বলে, “আর্য্যভূমি বীর্য্য শূন্য নয়,”
আশায় বাঁধিয়া রেখিছি প্রাণ ;
গিয়েছে সকলি—হবে আর বার,
উত্থান পতন নাহি হয় কার ?
এখনো আশার নাই নির্দ্বাণ ।

৭

আয় রে ভারতি, আয় সবে মিলি,
একবার ধরে জননীরে তুলি,
মায়ের স্নপুত্র তোরাই সবে ;
মানুষ হইয়া পশুর অধম,
কেন রে এগন বিহীন-উদ্যম,
ধাকিতে জীবন হলি রে ভবে ?

৮

নাই কি তোদের ? এ বিপুল দেশ,
ধন ধান্য কত নাহি তার শেষ ;

কে পারে এ গাণী ভুলিয়া নিতে ?
 আইল যুগানী মহাবীর্যবান্,
 দলে দলে কত মোগল পাঠান,
 নারিল এ গাণী ভুলিয়া নিতে ।

৯

আইল ভারতে কত উৎপাত,
 কত শত বর্ষ করে রক্তপাত,
 যেমন ভারত তেমনি রয় ;
 কত কত রিপু আগে দলে দলে,
 অন্য দেশ হলে যেতো রম্যতলে,
 তবু এ গাণীর নাহি রে ক্ষয় ।

১০

সাহস সামর্থ্যে বাঁধিয়া অন্তর,
 গাণীর উপরে দাঁড়া করি ভর,
 দেখ একবার হয় কি না হয় ;
 এই পুণ্যভূমে—দেখ একবার
 পুণ্যের প্রভাব আছে কি না তার,
 দেখ একবার হয় কি না হয় ।

১১

কত কোণী কোণী কোণী বীরগণ,
 আছিল ভরিয়া ভারত-ভবন,

জ্যোতস্বতী পুণ্যবতী অগণন
বাহিত ভারতে, স্মর রে তাই ;
কত যোগেশের তপস্যার জল,
কত যে সতীর চিতার অনল,
এ মাটির সঙ্গে মিশেছে সকল,
এ মাটির কি রে দৈবশক্তি নাই !

১২

নাই কি তোদের ? দেহে নাই বল ?
শরীরের বল কেবল সম্বল
যার, কি পৌরুষ আছে যে তার ?
মহাবলবান করী মহাকায,
অক্ষুশের ভয়ে রহে মৃতপ্রায় !
সাহস সামর্থ্য, এই কথা সার ।

১৩

সাহস সামর্থ্য, এই কথা সার,
খোল্ ইতিহাস পরিচয় তার,
শত শত আছে জগতময় ;
নাহনের বলে অবলা যে বীর,
নাগর গোম্পদ, গিরি নতশির,
নাহনের বলে জগতজয় ।

সাহসে পাণ্ডব ভাই পঞ্চ জন
ভিখারী, জিনিল কুরুক্ষেত্র রণ ;
কি সম্মল আর তাদের ছিল ?
একাদশ অক্ষৌহিণী মহাবল,
ক্রমে ক্রমে তারা নাশিল সকল,
মানুষের মত প্রতিজ্ঞা পালিল ।

সাহসের বলে মহম্মদ একা,
ভুলিল অতুল বিজয়-পতাকা,
কত শত জাতি রণে দিল দেখা,
কটাক্ষে তাহারা পাইল ক্ষয় ;
কাঁপিল আরব, কাঁপিল মিসর,
কাঁপিল যুনান, ভূমধ্যসাগর,
সুদূর রুটন কাঁপে থর থর,
অক্টেক ভুভাগ করিল জয় ।

নহে বহু দিন, আবার সাহসে,
একাকী সুধার শর্ম্মণের দেশে,
ঝািল আগুন চক্ষুর নিমেষে,
স্বদেশ বিদেশে যুরোপায়য় ;

গেল অন্ধকার পাপ অগণন,
পুড়িল রোমের ভাজ্জ সিংহাসন,
কত মৃত জাতি পাইল জীবন ;
সাহস করিলে সকলি হয় ।

১৭

নাহি কি তোদের ? নাই রে একতা,
শুনাইন নে আর ও দুঃখের কথা,
ও কলঙ্ককথা জগতময় ;
সেই যে দুর্দিনে কুরুক্ষেত্র রণে,
দিলি বিসর্জন জাতীয় বন্ধনে,
আর কিরে তাহা হবার নয় !

১৮

মাগর-উদ্দেশে ধায় প্রত্নবন,
অতি ক্ষুদ্র তারা, কিন্তু এক মন,
তাই অবশেষে মিলিত হয় ;
দেশ দেশান্তর দেয় ভাগাইয়া,
কত রণতরী ফেলে গরাসিয়া ,
এক মন হলে একতা হয় ।

১৯

আত্মসুখ রত তোরা কুলদার,
আপনার দোষে হলি ছার খার,

করিলি ভারত কলঙ্কময় ।
 স্বদেশের হিত করিতে সাধন,
 একবার মনে কর আশপণ,
 দেখ্ত একতা হয় কি না হয় ।

২০

নাই বা তইল, নাই বা মিলিল,
 ভারতের ভীষ্ম কুপুত্র মকল,
 থাকুক আশা-শয্যা পড়ে !
 একটা সুপুত্র থাকিলে ভারতে,
 মায়ের এ দশা পারে কি দেখিতে,
 একতা একতা একতা করে !

২১

যখন ভার্গব লয়ে ধনুঃসর,
 সমূলে নাশিল ক্ষত্রিয় নিকর,
 তখন একতা কোথায় ছিল ?
 বিদেশে যাইয়া বীর একজন,
 রোমরাজপাট স্থাপিল যখন,
 তখন একতা কোথায় ছিল ?

২২

আবার যখন ভাগিরথী কূলে,
 শটীর নন্দন গোমের হিম্মোলে,

ভাঙ্গাইল দেশ, একতা কোথায় ?
 একটা সুপুত্র থাকিলে ভারতে,
 মায়ের এ দশা পারে কি দেখিতে,
 এ দুঃখ কি আর সহন যায় !!



জাতীয় সঙ্গীত ।

(সারস্বত উৎসব উপলক্ষে)

রাগিণী বেহাগ (মিশ্র)—তাল একতাল।

গাওরে আনন্দে সবে "ভারতীর জয় !"
 সুবসন্তে শুভ দিনে, খুলি দেহ মন ধোণে ;
 গাও সবে বন্ধুগণে, "ভারতীয় জয় !"
 রাগ তাল মান সঙ্গে, কল্পনা গাইছে রঙ্গে ;
 গাও সবে আজি বঙ্গে গীত মধুময় ।
 মধুর মলয়ানিলে, গায় অমর কোকিলে,
 গায় সদা মনে মিলে "ভারতীয় জয় !"
 বেদমাতা শ্বেত-ভুজে, সুরাসুর সদা পূজে ;
 তোমার প্রসাদে হয় শমন-বিজয় ।
 দেহ দেবি দিব্য জ্ঞান, তেজ বীৰ্য্য অভিমান ;
 জাগিবে ভারত, গাবে "ভারতীর জয় !"
 বাণ্যকি গৌতম ব্যাস, ভবভূতি কালিদাস,
 বিক্রম ভাস্কর পুণঃ হইবে উদয় ।
 আলস্য উদাস্য ছাড়ি, তোমার সাধনা করি,
 নীরব ভারতে করি আনন্দ আশ্রয় ॥ ১ ॥

রাগিনী ঝাঁঝিট,—তাল আড়াঠেকা ।
 হায় কি কপাল দোষে এমন হইল রে ;
 কণক-কমল-বন অনলে দহিল রে ।
 অনন্ত সৌন্দর্য্য দিয়ে, কেন বিধি মাজাইয়ে,
 জগতের বক্ষমাঝে ভায়তে রাখিল রে ?
 আজি রাখি সিংহাসনে, কালিকে পাঠায় বনে ;
 কোন্ অপরাধে বিধি এ বাদ মাখিল রে ?
 ভারতের সেই জ্ঞান, সেই তেজ অভিমান,
 ভারতের সেই ধন বল কে হরিল রে ?
 কেন নেই বেদ-মন্ত্র, কেন সেই বীণাযন্ত্র,
 কেন সেই তুরী ভেরী নীরব হইল রে ?
 লক্ষ্মীর ভাণ্ডার যাহা, শ্মশান সমান তাহা,
 নিরখিয়া নিরবধি বারে অশ্রু জল রে ! ২ ॥

—*—

রাগিনী ললিত-বিভাস,—তাল একতাল
 হায় কি কৰ্ম্ম-এলে, হেন পাপনলে,
 সোনার ভারতে করিছে দহন ;
 যত রত্ন ছিল, সকলি নাশিল,
 (হলো) দাবানলে দগ্ধ নন্দন কানন !
 পুণ্য-ভূমে যারা ছিল পুণ্যভূত,
 ক্রমে ক্রমে সব হলো নিভাগত ;

ভারত শ্মশানে নাচে অবিরত, (মরি হায় রে)

(নীচে) প্রোত পিশাচ দৈত্য অগণন ।

নাহি বেদ পুরাণ, নাহি শাস্ত্র তন্ত্র,

নাহি জ্ঞান ধ্যান, নাহি যোগ মন্ত্র ;

কেবল পাপমত্ত স্বার্থ-পরতন্ত্র ভারত-নিবাসীগণ ;—

স্বৈচ্ছাচারে নাহি গানে কালাকাল,

মোহবশে নাহি ভাবে পরকাল ;

নাহি দান ধর্ম তপ যপ কর্ম ; (মরি হায় রে)

(সবে) কাল নিদ্রাবশে দেখিছে স্বপন ।

হইয়াছে হায় দেশের কি দুর্গতি,

বিভু পদে কারো নাহি মাত্র মতি,

কি শালক বৃদ্ধ যুবক যুবতী, দুষ্টমতি পরায়ণ ;—

হায় হায় এই মহাপাপানলে,

স্বর্ণভূমে সব যাবে রসাতলে

এ বিপত্তিকালে কে কোথা রহিলে,

(উঠ উঠ রে)

(আছ) ভারত-সন্তান ঘুমে অচেতন । ৩ ।

—*—

রাগিনী ভৈরবী (ভাঙা)—তাল আড়াঠেকা ।

ভারত-সন্তান সবে, দেখরে নয়ন মেলে

পড়ে কি না পড়ে মনে, দুখিনী জমনী বলে ?

কি ছিলেম কি হয়েছি, (ওরে) কত দুঃখ সয়ে আছি ;
(আর) কার মুখ চেয়ে বল, বাঁচিবরে ধরাতলে ।

আছিল বিপুল ধন, বীর পুত্র অগণন ;
অভাগীর কৰ্ম্ম-দোষে, হারিয়েছি নে সকলে ।

ভিখারিণী আমি এবে, নিজ গৃহে পর ভেবে ;
পদে পদে পদাঘাত করিতেছে দম্মদলে ।

অচেতন স্পন্দহীন, দৃষ্টিহীন নাড়ী ক্ষীণ ;
জীবনে মৃতের প্রায়, হয়ে আছি শোকানলে ।

অনাহারে মৃতপ্রায়, পিপাসায় প্রাণ যায় ;
জল বিন্দু বিনে আমি পড়ে আছি অন্তর্জলে ।

স্মরি পূর্ল যশোরাসি, নয়নের জলে ভাসি ,
এ দুঃখ নাশিতে আমার কে আছে রে ভ্রমণ্ডলে । ৪



(মুজার্বত্বের স্বাধীনতা হরণ উপলক্ষে)

রাগিণী সিন্ধুভৈরবী,—তাল মধ্যমান।

কহিতে না পারি আর, এ যাতনা-ভার ;

কপালের লেখা ইহা, অন্ত দোষ দিব কার ।

আজি রাখি সিংহাসনে, কালিকে পাঠায় বনে ;

বুঝিতে না পারি হায়, একি বিধি বিধাতার ।

স্মরি যবে পূর্ল কথা, গরমে উপজে ব্যথা ;

কহিতে মনের দুখ, নাহি কিরে অধিকার ?

বাক্যরোধ কর যদি, যে ছুঃখে দহিছে যদি,
 দ্বিগুণ হইবে তাহা, এই কথা জেনো সার।
 চির রাজভক্ত জাতি, যত ভারত-সন্ততি,
 রাজ-দ্রোহী বলে তবু, কেন এ কলঙ্কভার ?
 ছুঃখিনীর ছুঃখরাশি, দেখরে ভারতবাসি ;
 অভাগীর ভাগ্যমোখে হয়েছে কি কুলাঙ্গার ॥ ৫

—*—

নাগিনী বেহাগ,—তাল আড়াঠেকা।

কোথায় রহিলে সব ভারত-ভুষণ ?
 একবার এনে ছুঃখিনীরে, কর দরশন।
 সুরগ্য কুসুমবন, দাবানলে দগ্ধ যেন,
 নিষ্ঠুর স্বাপদ পদে করিছে দলন।
 কোথা রাম রঘুসনি, বীরজ-ধীর ভু-খনি,
 কোথা সীতা কোথা সতী, ভারতের প্রাণধন ;
 কোথা ভীষ্ম ভীমার্জুন, কোথা যোগীশ্বরিগণ,
 কোথা সেই নবরত্ন অমূল্য রতন।
 অজ্ঞানতা অন্ধকারে; অধীনতা পারাবারে,
 ভাসিছে ভারত ওই, ভরসা নাহি সংসারে ;
 জননীর এ যাতনা, কেউ দেখেও দেখেনা,
 ভারত-সন্তান মোহ-নিদ্রায় গগন। ৬

—*—

রাগিনী ঝিঝিট-খাষাজ—তাল ঠুংরি ।

সহেনা সহেনা, প্রাণে আর সহেনা ;

প্রাণে আর সহেনা ভারত-যাতনা !

‘ভীকু পাপগতি, ভারত-সন্ততি,’

এ দুঃখ-ভারতী প্রাণে আর সহেনা ॥

অদেশে বিদেশে, রমণী পুরুষে,

করিছে ভারত-কলঙ্ক-ঘোষণা ;

মোহ-নিদ্রাগত, রহিল ভারত,

যুগ যুগ গত, হলোনা চেতনা ।

চন্দ্র সূর্য্য কূলে, সবে আছে ভুলে,

কেহ চক্ষু তুলে চাহেনা চাহেনা ;

চাহি যার মুখে, সেই আছে স্মখে,

ভারত-ভাবনা ভাবেনা ভাবেনা ।

পাপেতে মলিন, হৃদয় বিহীন,

বুঝেনা বুঝেনা মায়ের বেদনা ;

কররে বিধাতঃ ভারত নিপাত,

মরমের ব্যথা রবে না রবে না ॥ ৭ ॥



(ভারত-রমণীর হীনাবস্থা বিষয়ে)

রাগিণী ঝিঁঝিট—তাল আড়া ।

ভারত-নারীর দশা ভাবিতে প্রাণ বিদরে ;
 দেখে বিষাদ-মূরতি দুঃখনে অশ্রু বারে ।
 রূপে গুণে অতুলনা, যত ভারত-ললনা,
 দলিত কুসুম সম অনাদরে অত্যাচারে ।
 যে দেশে সাবিত্রী জনা, গীতা দগয়ন্তী থনা
 জন্মেছিল, সেই দেশ ঢেকেছে কি অন্ধকারে !
 ভারত-যুবকগণ, কর কর দরশন,
 জননী ভগিনীগণ ভাগিছে দুঃখ-মাগরে ।
 গৃহলক্ষ্মী রূপা যারা, 'যুতপ্রায় আছে তারা ;
 তাই এত পাপ তাপ, ভারতের ঘরে ঘরে !
 অবলার যত্বে বিনা, ভারতের এ যাতনা,
 ঘুটিবেনা ঘুটিবেনা, শত যুগ যুগান্তরে । ৮

—*—

(ঐ উপলক্ষে ।)

রাগিণী ধাঘাজ—তাল আড়া ।

চেয়ে দেখ দেখে ওহে ভারত-সন্তানগণ ;
 জননী জনমভূমি চির বিষাদে মগন ।
 অজ্ঞানতা অধীনতা, 'পাপ তাপ দরিদ্রতা,
 শত শত চিতানলে ভারতে করে দীহন !

না জানি কি মহাপাপে, পুড়িতেছে মনস্তাপে,
 কণক-পুতলি-সম, ভারত রমণীগণ ।
 শক্তিরূপা যে রমণী, গৃহলক্ষ্মী রূপা যিনি,
 (সেই) অসহায়া অভাগিনী, হেরিতে বিদরে প্রাণ ।
 কিন্তু হায় যতদিন, রমণী রহিবে হীন,
 রবে চির অন্তগত, ভারত-সুখ-তপন । ৯

—*—

(সামাজিক সন্মিলন উপলক্ষে)

বাগিনী ঝাঁঝিট—তাল ঝুংরি ।

আহা কি আনন্দে আজ হৃদয় মগন,
 নয়নে আনন্দে-ধারা হয় বরষণ ;
 সম্বৎসর পরে আজ শুভ সন্মিলন,
 আয় সব প্রাণ ভরে করি আলিঙ্গন ।
 সেই শুভ দিন ভাই কররে স্মরণ,
 জনমভূমির দুঃখ করি দরশন,
 ভাই ভগিনী সবে, গিলেছিলাম এই ভাবে,
 জননীর অশ্রুজল করিতে যোচন ।
 যত দিন এই দেহে বহিছে শোণিত,
 প্রাণপণে কর ভাই স্বদেশের হিত ;

এইরূপ মহোৎসবে, আনন্দে মিলিয়ে তবে,
 করিব করিব মোরা সকল জীবন।
 গাও তবে গাও তবে তুলি একতান,
 গাওরে উৎসব-গীত তুলি মন প্রাণ;
 এ সুখ সময়ে, মঙ্গল-আলয়ে,
 কৃতজ্ঞ হৃদয়ে তবে কররে স্মরণ। ১১

—*—

রাগিণী খাম্বাজ (জংলা) — তাল একতাল।

গাও তবে মিলে বন্ধুগণে,
 আনন্দমনে, ভারত-মঙ্গল;
 উৎসবে গাতিয়ে গাওরে সকলে
 তুলি একতান; শুনিয়ে, জুড়াবে, তাপিত
 পরাণ; বহুদিন পরে পূরব-গগনে
 উদিত সৌভাগ্য-তপন, অতি সুবিস্ময়।
 আছিল প্রকৃতি ঘুমায়ে, বিহঙ্গ নীরবে
 কুলায়ে; সকলি জাগিল, সকলি হাসিল
 আনন্দ অন্তরে; ঘুচে গেল ভ্রমাদার,
 হৃদয়েতে কত আশার সঞ্চার-ভারত,
 সন্তান, হয়ে একপ্রাণ উৎসাহে আকুল,
 তবে করে কোলাহল।

ভারত-পুরুষ-রমণী, মিলিয়ে ভাই
ভগিনী, শোভিছে যেমতি সিন্ধু ভাগিরথী
ভারত-ভবনে ; জ্ঞানে প্রেমে বিভূষিত,
পুণ্যভূমি হইবে ভারত ; ভারত সন্তান,
সঁপে মন প্রাণ, ভারতের মুখ, পুনঃ
করিবে উজ্জ্বল । ১২

রাগিনী ঝাঁঝিট—তাল একতাল।

আজি শুভদিনে মরি কি আনন্দ হইল ;
হৃদয়ে হৃদয়ে আনন্দ-লহরী
নাচিয়া নাচিয়া উঠিল ।
কিবা সুখে আজি পোহাইল মিশি,
ঢালিল প্রকৃতি লাষণের রাশি ;
উঠিল তপন স্বচ্ছ হাসি হাসি
উল্লাসে পবন বহিল ।
ভারত-জননী চির বিষাদিনী,
পুত্র কন্যা লয়ে বলিলা আপনি ;
বহু দিন পরে, দেখরে দেখরে,
আহা কিবা শোভা হইল ।

ঐ দেখ চেয়ে গত কথা স্মরি,
 বহিছে নয়নে বিষাদের বারি ;
 ঐ দেখ আশা, ঐ দেখ ঐতি,
 বদনেতে পুনঃ ভাঙিল ।
 যে আনন্দ আজ দেখিলাগ সবে,
 ভুলিবে কি প্রাণ যত দিন রবে ?
 শুভ দিনে আজ মৃতপ্রাণে ভাই
 জীবন-সঞ্চার হইল ।
 স্বদেশের হিত করিতে সাধন,
 এস তবে ভাই করি প্রাণপণ ;
 ‘জয় বিজু জয় ।’ গাওরে সকলে,
 ভারতের দুঃখ যুটিল । ২৩

রাগিণী মল্লার—তাল আড়াঠেকা ।

এস এস এস সবে, এস প্রিয় ভগিগণ ;
 এ সুখ সময়ে আজি করি সবে আলিঙ্গন ।
 আহা কি সুন্দর শোভা, আহা কি বা পুণ্য-প্রভা,
 হাসলো মধুর হাসি, বিকাশি শশীবদন ।
 ছিল যুগ যুগ ভরি, /মাহ-অন্ধকারে পড়ি,
 ভারতের নরনারী মৃত প্রায় অচেতন ;

উঠিয়াছে প্রেম রবি, দেখলো নূতন ছবি,
 আঁতা ভগ্নী মাঝে কিবা পবিত্র প্রেম-বন্ধন ।
 নিশার স্বপন প্রায়, আগে ভারিতেম যায়;
 গন প্রাণ আঁখি ভরি কর তাই দরশন ;
 হইয়াছে শুভ দিন, থেকোনাকো উদাসীন,
 জীবনের মহাব্রতে কর আত্মসমর্পণ ।
 স্মৃতিতে পূর্বের কথা, মরমে উপজে ব্যথা,
 কোথা সে সাবিত্রী সীতা ভারতের প্রাণ ধন !
 সেই দেশে জন্ম লয়ে, সেই অন্নজল খেয়ে,
 চির শোক দুঃখে গোরা রবো কি চির মগন ?
 শক্তিরূপা নারী হয়ে, শক্তির পরীক্ষা দিয়ে,
 “অবলা” কলঙ্ক-কথা, কর কর বিমোচন ;
 জ্ঞান ধর্ম্মে হও ধনী, করসবে জয়ধ্বনি ;
 ভারত নারীর যশে পূর্ণ হবে ত্রিভুবন । ১৪

—*—

রাগিনী বিভাস—রাঁপতাল ।

উঠ উঠ উঠ সবে, ভারত সন্তানগণ ;
 থেকোনা থেকোনা আর মোহ নিদ্রায় অচেতন ।
 পোহাইল দুঃখ-নিশি, সুখ-সূর্য্য ওইরে,
 হাঁসিল ভারতাকাশে, দেখরে মেলে নয়ন ।

ঘোরতর অন্ধকার, পাপ নিশাচর আর,
 ওই দেখা পলাইল, আর ছুঃখ রবে না ;
 জ্ঞানালোক প্রকাশিল, সুপবন বহিল,
 ভারত কাননে ডাকে আশা বিহঙ্গিনীগণ ।
 সুপ্রভাতে গুণভঞ্জে, চল সব সমতনে,
 আলস্য উদাস্য বশে আর কেহ থেকোনা ;
 প্রেমের পতাকা তুলি, বিজুপদ স্মরিয়ে,
 ভাঙ্গাও জীবনতরী, কর শীঘ্র আয়োজন । ১৫

(জাতিভেদ লক্ষ্য করিয়া)

রাগিনী মল্লার—তাল আড়াঠেকা ।

নাথের ভারতভূমি ঢাকিল কি অন্ধকারে ।
 নবে অন্ধ মহাগোহে, মত্ত হয়ে পরজোহে,
 নিজ হস্তে নিজ গৃহ ছুঃখানলে দক্ষ করে ।
 কিবা মহৎ কিবা ক্ষুদ্র, কিবা আৰ্য্য কিবা শূদ্র,
 কিবা ধনী কি দরিদ্র, শত্রুভাব ঘরে ঘরে ;
 নবে বটে ভাই ভাই, কারো প্রতি স্নেহ নাই,
 ন'পিয়াছে ছুঃখনীরে, জন্মভূমি জননীরে ।
 এই দলু পাপে হায় অনাহারে মৃতপ্রায়,
 সহস্র ভারত-যুবা ভিক্ষা করে দ্বারে দ্বারে

কেহ চির পরবাসে, দুঃখের সাগরে ভাসে,
 জীবনেতে জীবনুত্ত অমাদরে অত্যাচারে ।
 এই দন্ত মহাপাপে, পুড়িতেছে গমস্তাপে,
 দুঃখিনী ভারতনারী, ভাসিছে নয়নাসারে ;
 অগহত্যা ব্যভিচারে, গেল দেশ ছারে খারে,
 পাপীষ্ঠ ভারতবাসী দেখেও তা দেখেনারে । ১৬

(দরিদ্রতা লক্ষ্য করিয়া)

রাগিণী বারোঁয়া—তাল হুংরি ।

মরি কিবা মূরতি ভীষণ ;

এ কি দৈত্য কুর-দরশন ।

• পিঙ্গল নয়ন দুটি, ঘন দন্ত কটমটি ;

অলিছে উদর মাঝে, ঘোর ছত্ৰাশন !

• লোল জিহ্বা ভীমদেহ, কারো প্রাতি নাহি স্নেহ ;

ভারতবাসীর করে শোণিত শোষণ ।

সতীর সতীত্ব নাশে, মা হয়ে শিশুরে গ্রাসে,

নাহি রুচি নাহি শুচি, এগনি দুর্জয়ন ।

কভু ধরি উগ্রবেশ, দুর্ভিক্ষে নাশিছে দেশ ;

লক্ষ লক্ষ নারীনরে করিছে চৰ্ম্মণ ।

দারিদ্র্যের অত্যাচারে, গেল দেশ ছারে খারে,

• লক্ষ্মীর ভাণ্ডার যেন দহে ছত্ৰাশন ।

ভারতের নরনারী, আলস্য উদাস্য ছাড়ি,
 অশ্রুরে অত্যাচার কর নিবারণ ।
 ছিন্ন কর মোহ পাশ, ছাড় দাসত্বের আশ ;
 চির দুঃখা চিরদান, বিধির লিখন ।
 যার গৃহে হাহাকার, গৃহ-সুখ কোথা তার ?
 গৃহ সুখ লালসায় দেহ বিনর্জন ।
 সাহস সানর্থ্য আর, জ্ঞান ধর্ম কর সার ,
 ভবিতব্যে গন প্রাণ কর নমর্পণ : ১৭

(সুরাপান লক্ষ্য কবিতা)

রাগিনী ঘটভৈরবী—তাল একতাল ।
 আমার কাজ কিরে এ জীবনে ;
 আমি ছিলাম রাজরানী, হলাম ভিখারিনী,
 আর বিড়ম্বনা লহে না এ প্রাণে ।
 সহিতে না পারি এ ঘোর সন্তাপ,
 করে অর্থনাশ দেয় মনস্তাপ,
 হরি ধর্ম-জ্ঞান, করে শত পাপ,
 কি ঘোর রাক্ষসী পশিল ভবনে ।
 আশা ছিল যত শিথিল স্রুজন,
 অভাগীর দুঃখ করিবে মোচন ;

কোথা হতে আসি, এ সুরা-রাক্ষসী
 সহসা প্রাণিল সে সব রতনে ।
 কণক-প্রতিমা কত যে যুবতী,
 স্নকুমার শিশু স্নধাংশু যেমতি,
 সুরার ছালায়, হলো অগহায়,
 বুক ফেটে যায় সে দুঃখ স্মরণে ।
 হা সুরা-রাক্ষসি অনল-রূপিণি,
 ভারতের স্নখ আশা সংহারিণি,
 এ বাদ নাথিবি স্বপনে না জানি,
 সোণার সংসার আমার দহিলি আগুনে ।
 উঠ উঠ যত ভারত-কুমার,
 জননীৰ দশা দেখ একবার ;
 অকালে অভাগী হই ছাঁরখার ।
 রাক্ষসীৰে এসে বধরে পরাণে । ১৮



পৌরাণিক ও ঐতিহাসিক গীত ।

(দক্ষযজ্ঞে সতীর প্রতি শিব)

রাগিনী ভৈরবী (জংলা) তাল আড়াঠেকা ।

যেওনা যেওনা সতি, বারে বারে করি মানা ;
ভাবনা-সাগরে শিবে, তব শিবে ভাসা'ওনা ।
পাঠাইতে দক্ষালয়ে, নাহি লয় এ হৃদয়ে ;
ভয়ে যে কাঁপিছে অঙ্গ, অমঙ্গলের এ সূচনা ।
ভাই বন্ধু মাতা পিতা, কেউ নাই আমার এজগতে ;
(কত) সাধনের ধন সতী, জেনেও কি তাই ছান না ?
সতীমন্ত্রে অঙ্গাচারী, (আগি) সতীরূপ ভুলিতে নারি ;
সতী ধ্যান সতী জ্ঞান, সতী যে পরম সাধনা ।
কি শ্মশানে কি অরণ্যে, কি শয়নে কি স্বপনে,
সতীগত-প্রাণ শিব, সতী বিনে বাঁচিবে না । ১৯

(হিরণ্যকশিপুর প্রতি প্রহ্লাদ)

রাগিনী আলাইয়া-ঝিঝিট-তাল একতালা ।

পিতঃ কর এই ভিক্ষা দান ;
ভ্যজ পাপ অভিমান,
হরি নাম লয়ে, জীবমুক্ত হয়ে,
প্রহ্লাদের বধ প্রাণ ।

তুমি পিতা আমার ধরনী-দৈশ্বর ;
তোমার আমার পিতা অনন্ত দৈশ্বর ;
তঁারি শাস্তি কোলে, ইহ পর কালে,
সকলেই পায় স্থান ।

রত্ন-সিংহাসনে নাহি আমার আশা,
হরি-পদাশুজ কেবল ভরসা ;
হৃদয়-আসনে, বসায় সে ধনে,

• করুণা নিত্য সুধাপান ।

করী-পদতলে পাষণ-চাপনে,
অনলে গরলে কি ভয় মরণে ?

দয়াময় হরি, দিয়ে পদভরী,
করিবেন পরিত্রাণ ।

সত্য সত্য পিতঃ এ প্রতিজ্ঞা করি,
এই স্তম্ভমাঝে আছেন আমার হরি ;
দেখ যদি পিতঃ দেখাইতে পারি,
‘ভক্তের অধীন ভগবান’ ।২০

(বাল্মীকিরূপেতি)

রাগিনী সাহানা-বাহার—তাল যৎ ।

নমি আমি কবিগুরু, তব চরণ-কমলে ;
স্মরিতে তোমার নাম, অজস্র প্রেম উথলে ।

আখ্যাদের শিরোমণি, ভূমি শত রক্ত-খনি ;
 জগত মোহিতে কিবা কাব্য-শক্তি প্রকাশিলে ।
 শুভক্ষণে কবিকুরু, রোপিলে যে কল্পতরু ;
 ভরিল ভারত-ভূমি তার কত ফুল ফলে ।
 ভবভূতি কালিদাস, মধু আদি কীর্তিবাস,
 সেই পুষ্পে গাঁথি মালা, পূজ্য হলেন ভূমণ্ডলে ।
 পুণ্যের ভাণ্ডার সম, ভব চিত্ত অনুপম,
 অপূৰ্ণ স্রগের সৃষ্টি করিয়াছে ধরাতলে ।
 জগতের অভিরাম, হেন গুণনিধি রাম,
 সতীত্ব-রূপিণী সীতা, বিরচিলে কি কোশলে ।
 ভাল শিক্ষা দিলে ভূমি গাইছে ভারত-ভূমি,
 জয় বাল্মীকির জয় ! "জয় সীতারাম !" বলে । ২

(লক্ষণের প্রতি সীতা)

রাগিণী * ভাল একতাল।

আহারে, এ কি হলো রে, এই ছিল কপালে ;
 যত আশা করেছিলাম, সকলি গেল বিফলে ।
 রাজনন্দিনী রাজরাণী, আমি জনম দুখিনী ;
 তোদের মুখ চেয়ে লক্ষণ, সকল দুঃখ আছি ভুলে
 বাঁধিয়া সাগর জলে, যে রীতারে উদ্ধারিলে,
 অবশেষে বনবাসে, তারে বিসর্জন দিলে ।

ভিখারিণী বনে রবো, রামরূপ ধ্যান করিব ;
সেই মুখ নিরখিব, এই প্রাণ যাবার কালে । •
জন্ম জন্মান্তরে আমি, পাইব রাখব স্বামী ;
এ জীবনে হেরবোনারে, মরি এই শোকানলে ।
ওরে লক্ষ্মণ ধরি হাতে, লয়ে আমার রঘুনাথে;
সুখে থেকে অযোধ্যাতে,

(কভু) ভেবো না জানকী বলে । ২৪

রাগিণী * তাল আড়াঠেকা ।

ওরে শোন রে মেঘনাদ, ওরে শোন রে মেঘনাদ,

কুক্ষণে রামের সঙ্গে করেছি বিবাদ ।

(সে যে) সামান্য এক বনবাণী, এই রক্ষ-দেশে আসি,

বাঁধিয়া সাগর, লক্ষা করিল প্রবেশ ; আবার

শত শত রক্ষবীরে, পাঠাইল যমপুরে, যশুক

সংহারে সিংহে একিরে প্রমাদ ।

(ওরে) ভুবনবিজয়ী আমি, এই রক্ষরাজ্য-স্বামী,

পলকে ত্রিলোকে পারি করিতে প্রলয়, (যেজন) দেবতা-

গন্ধর্ভ-দ্রাগ, (তারে) নর করে উপহাস, সহিতে

না পারি হায় এই অপমান !

(আর) কাজ কি বিলম্ব করি, আত্মপক্ষ।
 করিছে অসী, নিমিত্তে সাগর-সেতু কররে বিনাশ ;
 ডুবাও সাগর জলে, সম শত্রু মলে বলে,
 খুঁচাও সত্ত্বরে রাগের সমরের সাধ । ২৫

(বহুদেবেশ ঐতি দৈবকী)

রাগিনী বলিত-বিভাস—তাল একতাল।
 দৈবকীর দশা দৈবকী-ভরসা,
 বলবো কি আর আমি, দেখে কি দেখনা ?
 নিজ বন্ধের মনি, পরের হাতে দিয়ে,
 কারাগারে আছি, শূন্য প্রাণ লয়ে ;
 আর এ যাতনা সহেনা সহেনা,
 কৃষ্ণ বিনে প্রাণ আর বাঁচেনা বাঁচেনা ।
 কাল নিশিশেষে দেখেছি স্বপনে,
 হৃন্দাবনে যত রাখালের মনে,
 বাছা আমার ধেনু সাথে বনে বনে,
 (ক্ষুধায়) মুখে কথা গরে না ;
 হেন কালে আমি ছুটে কংশ-চরে,
 সহসা ধরিল সেই সুধাকরে ;
 মনে হলে আমার হৃদয় বিদরে,
 (আমি) ঐ মুখ বুঝি আর দেখিবনা । ২৬

(অভিমুখ্য-শোকে উত্তরা)

রাগিণী পাহাড়ী—তাল আড়াঠেকা ।

ওরে নিদারুণ বিধি, এই কি করিলিরে ;
নয়নের গণি আমার, অকালে হরিলি রে !
যত আশা ছিল মনে, ফুরাইল এত দিনে ;
জীবনের সুখ-তারা আঁধারে ঢাকিলিরে ।
অকারণে পাপরণে, বধিলি দুঃখিনী ধনে ;
হাতে ধরে দুখিনীরে, সাগরে ভাসালিরে ।
কোথা পিতা ধনজয়, কোথা কৃষ্ণ নিরদয় ?
অভাগীর প্রতি বুঝি বিমুখ সকলিরে । ২৭

(বুদ্ধদেবের প্রতি)

রাগিণী বসন্ত-বাহার—তাল তেতাল ।

• ধন্য ধন্য শাক্যসিংহ পুরুষ প্রাধান ;
কোটি কোটি নারী নরৈ করিছে অভিবাদন ।
রাজ্য ধন তেয়োগিয়ে, যৌবনেতে যোগী হয়ে,
জীবের দুঃখ নিবারিতে করিলে সাধন ;
দয়ারূপে অবতীর্ণ ভূমি হে সৃজন—
ধরার দুঃখ ঘুচাইতে করলে আত্ম-বিসর্জন ।

প্রেমেরগ্নাবনে ছুগি, ভাগাইলে আর্ধ্যভুগি,
 অহিংসা পরম ধর্ম করিলে এচার ;
 স্মার্তনাশে খুলে দিলে স্বর্গের দুয়ার—
 লাম্বা-মস্ত্র উচারণে কাঁপাইলে ত্রিভুবন । ২৮

(পৃথ্বীরাজের প্রতি গৎযুক্ত)

রাগিনী পিলুবাহার—তাল যৎ ।

চল চল প্রাণেশ্বর, সমরে করি প্রা-হান ;
 একাকী যাইবে বলে, বধো না দুখিনীর প্রাণ ।
 একাকী সমরে যাবে, এ দাম্পী কি গৃহে রবে ?
 তা হলে যে হবে নাথ, পৃথ্বীরাজের অপমান ।
 দেহ শূল দেহ অগ্নি, সমর-মাগরে ভাগি,
 কটাক্ষে নাশিবে দম্পী, যবনের অভিমান ।
 স্বদেশের শত্রু যত, যবনে করিব হত ;
 মরিলেও নিত্য-ধামে তব পদে পূব স্থান । ২৯

(বিদ্যাতার প্রতি চৈতন্য)

রাগিনী আলাইয়া-খাঁ খিট—তাল একতাল ।

দীনে দয়া কর ভগবান ;
 কর আশীর্বাদ দান, দিয়ে পদতরী,
 হে ভব কাঙারি, কর দাসে পরিভ্রাণ ।

নিজ কৃত পাপে আছি ত্রিস্তম্ভান,
ধরার দুঃখে পুনঃ কাদে হে পরাণ ;
আর এ যাতনা সহে না সহে না,
কর দুঃখ অবসান ।

যে আশা দিয়েছ গৌরান্দের প্রাণে,
উদ্ধারিবে পিতঃ মানব-সন্তানে,
তোমার প্রেম-রাজ্যে তোমার সেই কার্যে
যায় যেন দাসের প্রাণ ।

গৃহে সচীমাতা জনম দুখিনী,
সতী বিষ্ণুপ্রিয়া মণিহারী ফণী ;
ওহে প্রেম-সিন্ধু, দিয়ে রূপা-বিন্দু,
করো দৌহে শান্তি দান । । ৩০ ।



(রামমোহন রায়ের প্রতি)

রাগিনী ঝিঁঝিট—তাল আড়াঠেকা ।

কোথা গেলে রামমোহন, ওহে ভারত-ভূষণ ;
স্মরিতে তোমার গুণ বিষাদে আকুল মন ।
ধর্ম-বীর শুদ্ধচিত, নানা শাস্ত্রে সুপণ্ডিত ;
জ্ঞানে প্রোমে বিভূষিত, সুকবি তুমি সুজন ।
সতীদাহ নিবারিতে, অবলারে উদ্ধারিতে,
ভারতের দুঃখ নাশিতে, করেছিলে প্রাণ পণ ।

ধর্ম সাধনের আশে, পার হলে আনায়াসে
 পদব্রজে হিমগিরি ক'রে অসাধ্য-সাধন ।
 করিতে ধর্ম প্রচার, গেলে সপ্ত সিন্ধু পার ;
 দেশান্তরে অকাতরে দিলে প্রাণ বিসর্জন ।
 এক দিন প্রেমভরে, জগতের ঘরে ঘরে,
 করিবে সকলে তব প্রিয় নাম উচ্চারণ । ৩১

ব্রহ্মসংগীত ।

রাগিণী বেহাগ (মিশ্র)—তাল একতাল।
 গাওরে আনন্দে তবে “জয় ব্রহ্ম জয় ।”
 অনন্ত ব্রহ্মাণ্ড যারে, গাইছে অনন্ত ধরে ;
 গায় কোটি চন্দ্র তারা “জয় ব্রহ্ম জয় ।”
 জয় সত্য ননাতন, জয় জগত-কারণ ;
 জ্ঞানময় বিশ্বাধার বিশ্বপতি জয় ।
 অচ্যুত আনন্দ-ধাম, প্রেমসিন্ধু প্রাণারাম ;
 জয় শিব সিন্ধি দাতা মঙ্গল-আলয় ।
 ভুবনবিজয়ী নামে, চলি যা'ব শাস্তি ধামে ;
 “ব্রহ্ম কৃপাহি কেবলম্” কি ভয় কি ভয়
 ছে প্রভু দীনশরণ, পাপ-মস্তাপ-হরণ
 অধম মস্তানৈ নাথ দেহ পদাশ্রয় । ৩২

রাগিণী বারোয়া—তাল ঠুংরি ।

সবে মিলে গাও রে এখন ;
 গাও তাঁরে গায় যাঁরে নিখিল ভুবন ।
 বিহঙ্গ কাকলি ক'রে, যাঁর নাম সুধা-করে,
 মোহিত গগন গিরি, সুধাশু তপন ।
 ছাড়ি মোহ-কোলাহল, সে আনন্দ-ধামে চল
 শোন সে আনন্দ-ধ্বনি মুদিয়া নয়ন ।
 সেই পূর্ণ প্রাণেশ্বরে, জগত ভজনা করে,
 প্রেম নয়ন মেলি কর দরশন ।
 হৃদয় মন্দির মাঝে, দেখে সে হৃদয়-রাজে,
 মত্ত হয়ে কর তাঁর গুণানুকীৰ্ত্তন ।
 আতা ভগ্নী সবে মিলি, গাওয়ে হৃদয় ধূলি ;
 বিমল আনন্দ রসে হওরে মগন । ৩৩

রাগিণী ললিত—তাল আড়া ।

চেয়ে দেখরে নিশি হলো অবসান ;
 কত আর থাকিবে বল ঘুমে অচেতন ?
 প্রকৃতি মধুর অতি, হাসিতেছে বসুমতী ;
 ঝলসে শিশির-বিন্দু মকুতা সমান ।
 গগনে গভীর স্বরে, জলদ আরতি করে,
 বিহঙ্গ বিপিনে করে বিভুগুণ গান ;

গিরি গিরু বনশ্রুতী, গায় যাঁরে সবে মিলি,
 ° সুপ্রভাতে কর তাঁতে আত্ম-সমাধান । ৩৪

রাগিণী কুরু—তাল আড়া ।

চল চল যাই হে মে দেশে ;
 হেরিবে যদি প্রাণেশে ।

ব্রহ্ম-কল্পতরুমূলে, প্রীতি প্রোতস্বতী কূলে,
 পুণ্যের কুসুম বনে, করি চির বাস ;
 করি নিত্য সুধাপান, লাভ হবে দিব্য জ্ঞান,
 (আর) থেকোনা অমনে ।

চল যাই আনন্দপুরে, নিভৃত হৃদি-কন্দরে,
 প্রাণ মন্দিরে গিয়ে করি যোগসামান ;
 (করি) ইচ্ছাতে ইচ্ছা মিলন, সফল হবে জীবন
 তাঁহার পরশে । ৩৫

রাগিণী সাহানা—তাল যৎ ।

থাকুঘোনা আর এসংসারে,
 প্রেম-ধামে যাবো চলে ;
 প্রেমময়ের প্রেম মুখ °
 দেখবো প্রেম-নয়ন মেলে ।

শ্রোমের নিকুঞ্জ-বনে,
বসে শ্রোম-যোগাগনে,
দিব তাঁরে শ্রোমাঞ্জলী,
বসাইয়া হৃদকমলে ।

হবে শ্রোমাকুল শ্রোণ,
গাবো শ্রোমগুণ-গান ;
আনন্দে করিব কেলি,
শ্রোম-সরোবরের জলে ।

নিরখিব শ্রোমোজ্জ্বলমে,
শ্রোমচন্দ্র শ্রোমাকাশে ;
ঘুটাবো শ্রোণের ক্ষুধা
নিত্য শ্রোম-সুধাপানে ।

শ্রোমের খেলা শ্রোমের রঙ্গ,
কুরবো শ্রোমের যজ্ঞমাঙ্গ ;
শ্রোমময়ের শ্রোমানলে
শ্রোণাহুতি দিব ঢেলে ।

রাগিনী আলাইয়া—তাল একতাল ।

জয় জয় জগদীশ জগত-বন্দন হে ;
অনাদি অনন্ত তুমি অখিল-কারণ হে ।

পর্যাপ্ত পরব্রহ্ম, অপার তুমি অগম্য ;

‘ পূর্ণ অধিতীয় প্রভু পুরুষ মহান হে ।

নিরাকার নিধিকার, চৈশ্বর্যরূপ প্রাণাধার ;

সত্য সনাতন তুমি নিত্য নিরঞ্জন হে ।

আদিশাক্ত মূলধার, করুণার পারাবার,

ইচ্ছাতে রচিলে বিশ্ব বিচিত্র এমন হে ।

‘ ক্ষতি বহি দিক দশ, শব্দগন্ধ রূপরস,

তব দয়া তব জ্ঞান করিছে কীর্তন হে ।

আনন্দ-অমৃত-ধাগ, ভক্তজন প্রাণারাম ;

অরূপরূপ তোমারি ভুবনমোহন হে ।

রোগ শোক মনস্তাপে, মোহ প্রলোভন পাপে,

শাস্তির আলয় তুমি মৃতসঞ্জীবন হে ।

শিব তুমি সিদ্ধিদাতা, তুমি প্রেমময়ী মাতা ;

মঙ্গল বিধাতা তুমি অকিঞ্চন ধন হে ।

ধন জন অন্ন জল, বিবেক গুণি জ্ঞান বল,

সকলি তোমার নাম, মঙ্গল-বিধান হে ।

হে পবিত্র পাপহর, পাতকী উদ্ধার কর ;

অধম নষ্টান মোরা বন্দি ও চরণ হে ।

রাগিণী বিভাস—তাল যৎ ।

ধন্য ধন্য ধন্য নাথ, তুমি পূর্ণানন্দময় ;

অনন্ত তোমার দয়া কি দিব তার পরিচয় ?

(এই যে) সুনীল গগনতলে, সুধাংশু তারকা খেলে,

পবন-হিল্লোলে নাচে কুমুম নিচয় ;

বারিমে চপলা-রেখা, ইন্দ্র-ধনু শিখী-পাখা,

উষার কুন্তলে যবে নব ভানু দেয় দেখা ,

তব প্রেমানন্দ মাখা হেরি সমুদয় ।

(এই যে) শিশুর সরল হাসি, যৌবনের রূপরাশি,

ঐবীণে জ্ঞান-গরীমা, তব দয়ার অভিনয় ;

অপূর্ণ অপত্যস্নেহ, মর্ম নাহি পায় কেহ,

মধুর দাম্পত্য প্রেম, (যাতে) বিগলিত মন দেহ,

তোমার করুণা বিনা এসব কি হয় ?

(আমার) হৃদয়-কানন তুমি, কত যে সাজা'লে তুমি,

পুণ্যের চন্দ্রমা হয়ে, (তাতে) হতেছ উদয় ;

যখন পাপ-বিকারে, প'ড়ে মোহ-অন্ধকারে,

লংকার-সংগর মাঝে, প্রাণ কাঁদে হাহাকারে,

(তখন) আশার আলোক হয়ে দাওহে অভয় ।

রাগিণী বিভাগ—রাঁপতাল।

দ্বন্দ্ব দেব দীনবন্ধু, পরাংপর প্রেমগিফু,
অনুপম করুণা-আধার;
প্রভাত হইল নিশি, দীপ্ত হলো দশ দিশি,
প্রকাশিল মহিমা অপার।

বিহঙ্গ মধুর শ্রবণে, তবনাম গান করে,
বাসু বহে শুভ সমাচার;
এহ চন্দ্র কোণী কোণী, করিতেছে ছুটাছুটি,
করিবারে মহিমা প্রচার।

প্রান্তর কানন মাঝে, অগণ্য কুসুম গাজে,
হইয়াছে শোভা চমৎকার;

মানবের কোণী আস্য সেইরূপে করে হাস্য,
অপরূপ রচনা তোমার।

মাতৃ-কোড়ে শিশু ছিল, মাতা তারে জাগাইল,
প্রেম বাহু করিয়ে বিস্তার;

‘নিশ্চয়মাতা তব কোড়ে, জাগিল যামিনী-ভোরে,’
সেই রূপ সকল সংসার।

মেলিয়ে যুগল আঁখি, তোমার করুণা দেখি
খুলে গেল হৃদয়-দুয়ার;

প্রেম-সূর্য্য অপ্রাকৃত; হৃদয়ের তম নাশ,
বিজ্ঞ গুণে কর হে আম্রার।

রাগিনী ঝাঁঝিট,—তাল একতাল ।

জয় জয় জয় দেব জয় জগত-বন্দন ;
গাইছে নিয়ত মহিমা তোমার,
হে নাথ নিখিল ভুবন ।

কাননে কুমুম গগনে তপন,
করুণা তোমার করে বরষণ ;
তোমার পরশে বাঁচে ত্রিভুবন,
জয় জয় জগজীবন ।

তোমারি রচনা এ ক্ষুদ্র হৃদয়,
মন প্রাণ নাথ তব সমুদয় ;
কত যে আনন্দ লভে দয়াময়,
তোমাতে হইলে মগন !

প্রবাসে সুখদ আবাসে জননী,
সুখ দুঃখে সখা তুমি গুণমণি ;
ভীম ভরার্ণবে ওপদ তরণী,

হে ভব-জলধি-তারণ !
কর আশীর্বাদ দান,
সঁপি এ দেহ মন প্রাণ,
জীবনে মরণে করিব নাথ,
তোমার বর্ম সাধন ।

বাউনে সুর—তাল একতালী ।

তোমার মত কে আছে আর এসংসারে ;

করণা কে আর বলতে পারে ?

হয়ে জগতের জননী, করুণা-রূপিনী,

আছে এই বিশ্ব কোলে ক'রে ;

কিবা মন ধাত্ত ভরা, এই বসুন্ধরা,

রেখেছে সাজিয়ে জীবের তরে ।

(কত যতন করে)

তুমি গৃহের দেবতা, মঙ্গল-বিধাতা,

আছে বিরাজিত ঘরে ঘরে ;

কিবা অপরূপ শোভা, বালক বৃদ্ধ যুবা

বেঁধেছে সকলে প্রেম-জোরে ।

(তুমি জায়ের মত)

আমরা এই ভিক্ষা করি, ওহে দয়াল হরি,

সুখ দুঃখে যেন পাই তোমারে ;

তোমায় স্বদয়েতে রাখি, প্রাণভরে দেখি,

ভবে থাকি তোমার রূপ-সাগরে ।

(চির দিনের মত) ।

রাগিণী বি' ঝিট—তাল ঝাঁপতাল।

হৃদয়-রঞ্জন তুমি, হৃদয়ের প্রিয়ধন ;
 ভুলিতে কি পারি তোমার রূপ ভুবন-মোহন ?
 দিবা নিশি চেয়ে থাকি, নয়নে নয়নে রাখি,
 তব প্রেম মুখছবি, এই মম আকিঞ্চন ।
 কি জানি কৌশল জান, ভুলাতে পাষণ-প্রাণ ;
 অরূপ রূপের ছটা করে সুখা বরষণ ।
 কত দিন সংগোপনে, কহিয়াছ প্রাণে প্রাণে,
 কত যে আশ্বাস-বাণী, ওহে মৃত-সঞ্জীবন ।
 এস হে নাথ দয়া করে, আমার এই হৃদয়-কুটীরে ;
 দেখে তোমায় নয়ন ভরে, জুড়াই তাপিত জীবন ।

রাগিণী আলোহিয়া—তাল একতাল।

হৃদয়-পরশমণি, দেখা দাও এই দীনের হৃদয়-কুটীরে ;
 হৃদয় মন প্রাণ দিয়ে, (আমি) মনের মত পূজবো।
 নাথ তোমারে ।
 তব পদে জন্মাবধি, আছি কত অণরাধী ;
 তবু হে কাঙ্গালের নিধি, (আমায়) ভূষিত
 হৃদয় চাহে তোমাতে ।

সংসারের ধন জন, কিছুতেই মানে না ঐশ্বর্য ;
নাথ ভূমি সকল জান, (কেবল) ভুলি তোমায়
পড়ে পাপ-বিকারে ।

বোবা যেমন স্বপ্ন দেখে, কেঁদে উঠে থেকে থেকে ।
আমার ঐশ্বর্য যে তেমনি করে, (যখন) হারাই
তোমায় পড়ে মোহ-অঁধারে ।

কত দিন মুখ চেয়ে, আছি কত দুঃখ সয়ে ;
প্রেমালোক প্রকাশিয়ে, (একবার) আশ্বাস
এ সম্ভাপিত অন্তরে ।

রাগিনী পিলুবাহার—ভাগ ৫৭ ।

কত ভালবাসি তোমায়, বলে কি বুঝিতে পারি ?
(তোমার) আশাপথ চেয়ে থাকি, আশ্বাসে জীবন ধরি !
যখন হারাই তোমারে, বিষাদে নয়ন ঝরে ;
ঐশ্বর্য যে কেমন করে, জান তা ঐশ্বর্য-বিহারি ।
বারেক তোমার সনে, দেখা হলে ঐশ্বর্যে ঐশ্বর্যে,
জীবনের যত দুঃখ সকলি ভুলিতে পারি ।
চাহি না আর কোন সুখ, দেখাও তোমার প্রেম-মুখ ;
বাগনা কামনা তব-চরণে অর্পণ করি ।

রাগিণী সুরট—তাল একতাল।

এস প্রাণেশ্বর প্রাণের ভিতর, দেখাও •
 দেখাও তোমার প্রসন্ন বদন ;
 না দেখে তোমায়, বুক ফেটে যায়,
 দহে মর্ম্মস্থল বিচ্ছেদ-হতাশন ।
 তুমি যদি হৃদে কর হে প্রহার,
 মৃত প্রাণে হয় জীবন সঞ্চার ;
 (আমি) কত সুখে সুখী, ও মুখ নিরখি,
 প্রেম-অশ্রু যবে করি বিসর্জন ।
 (আমি) তোমা ধনে লয়ে, ভিখারী হইয়ে,
 রবো চির দিন, তব মুখ চেয়ে ;—
 প্রাণারাম যদি থাক আমার প্রাণে,
 প্রেম মুখ যদি দেখাও হে নয়নে ;
 • কি ভয় বিপদে শ্মশানে কি বনে,
 কি ভয় মরণে শত নির্যাতনে ।

রাগিণী আলাইয়া—তাল যৎ ।

(ওহে) প্রাণসখা একবার দেখা দাও হে আমায় ;
 (আমি) তোমা ছাড়া হয়ে আছি জীবন্মৃত প্রায় ।
 গণিহারী ফণির মত, (আমি) কেঁদে বেড়াই অবিরত
 (আমার) প্রাণের ব্যথা প্রাণনাথ, জান সমুদায় ।

(আমি) হয়েছি পাগলের পারা,
 (আমার) হৃদয়নে বহে ধারা;
 কেঁদে অন্ধ ময়ন-ভারা না দেখে তোমায়।
 (আমি) তোমার জন্মে নিপামিত্ত,
 (করে) তোমার প্রেমে অভিষিক্ত,
 অনাগত জীবমুক্ত কর হে আমায়।

রাগিনী ঐ—তাল ঐ

(আমার) প্রাণের মাঝে প্রাণনাথ দাঁও হে দরশন,
 (নাথ) তোমার তরে প্রাণ আমার করে যে কেশন।
 থেকোনা থেকোনা দূরে; (আমার) হৃদয়-গগন আঁধার
 ক'রে;

(আর) কে বুঝিবে এ সংসারে হৃদয়-বেদন?
 ভূষিত চকোর আমি, (ওহে) প্রেম স্নানকর ভূমি;
 (ঘুচাও) প্রাণের ক্ষুধা, প্রেম স্নান ক'রে বরষণ।
 অরূপ রূপ মাধুরি, (নাথ) আর কি জুলিতে পারি?
 (আমার) প্রাণারাম রূপে প্রাণে কর হে মরণ।

যশুকানের সুর—তাল তেতাল ।

এস হে হৃদয়াননে ;

হৃদয়ের ধন তুমি, বাঁচি না তোমা বিহনে ।

তোমার বিরহানলে, দিবা নিশি প্রাণ জ্বলে ,

পারি না নয়নের জলে, নিবারিতে সে আগুনে !

শুভ দিনে শুভ ক্ষণে, দেখেছি যে প্রাণে প্রাণে ;

তব প্রেমমুখ-জ্যোতি, ভুলিব না এ জীবনে ।

প্রেমের ভিখারী হয়ে, আছি আশা পথ চেয়ে ;

তুষিত চাতক আমি, বাঁচাও হে প্রেম-নিকম্বে ।

রাগিণী বেহাগ—তাল আড়াঠেকা ।

ওপদে বঞ্চিত নাথ, করো না আমায় ;

এনেছি সকল ছেড়ে, তোমারি আশায় ।

কৃপার ভিখারী হয়ে, আছি আশা-পথ চেয়ে ;

কে আছে সংসারে পাণীর মুখপানে চায় ?

বড় সাধ আছে মনে, লয়ে তোমায় হৃদয়ানে,

কাটাবো জীবন নাথ তোমারি সেবায় ;—

জীবনীলা সাধ হলে, স্থান দিবে ঐ চরণতলে ;

নিরখি ও মুখ, প্রাণ দিব হে তোমায় ।

রাগিনী টোয়ী—ভাল চোতাল ।

ধন্য ধন্য ভুগি বরণ্য নগি হে জগত বন্দন ;
 প্রণত জনে রূপা বিধানে ঘুচাও কলুষ-বন্ধন ।
 সত্য সার নিম্নিকার, সৃজন পালন কারণ ;
 জীবনে মরণে শাশানে ভবনে, জগতের অবলম্বন ।
 পূর্ণ পরম অনাদি চরম, অনন্ত জ্ঞান-নয়ন ;
 ওতপ্রোত তোমাতে চিত, জগত চিত্ত তজন ।
 অযাচিত দয়ার সিদ্ধ, দুঃখ-দারিদ্র্য-ভঞ্জন ;
 পবিত্র পাপনাশন, পতিত জন-পাবন ।

রাগিনী মূলতান, আড়াঠেকা ।

দেখছে জীবন-সখা, জীবন কোল বিফলে ;
 দয়াকর দীনবন্ধু দীনহীন সম্মান বলে ।
 নাহি জ্ঞান, নাহি প্রীতি, অবিদ্যাগী এ দুর্মতি ;
 সকল সম্বল নাথ, হারায়েছি কর্মফলে ।
 যখন বিরলে বসি স্মরি নিজ পাপরাশি,
 নয়নের জলে ভাসি, প্রাণ দহে শোকানলে ।
 হইয়াছে যা হবার ভুগি ভরসা আমার ;
 করি শুদ্ধ অনির্বেদ্য, স্থান দিও ঐ চরণ তলে ।

রাগিণী ভৈরবী, তাল আড়াঠেকা

একিরে অবোধ মন, অসাধনে দিন গেল !

নিরুদ্দেশে এ বিদেশে কত আর থাকিবে বল ?

কর্মক্ষেত্রে এসেছিলে, ঘুমাইলে তরুতলে ;

হাসিতেছ স্বপ্নাবেশে, (কভু) বসিতেছে অশ্রুজল ।

এইরূপে এইভাবে, পরমায়ু ক্ষয় হবে ;

পরিণামে কি করিবে, হারাইলে সব সম্বল !

হইয়াছে যা হবার, ভয় কিরে মন আগার ;

পরব্রহ্ম নাম স্মরি চল চল গৃহে চল ।

(ব্রহ্মোৎসব উপলক্ষে)

রাগিণী-মল্লার—তাল ঝাঁপতাল ।

এস এস এস সব, আজি এই মহোৎসবে,

গাওরে মুঙ্গল গীত, গাওরে মধুর রবে ।

আজি বহুদিনের পরে, গাও সব সগম্বরে,

জগদানন্দের যশ “জয় জগদীশ !” রবে ।

যে আনন্দ-সমাচার, বায়ু বহে অনিবার,

কলকণ্ঠে বিহঙ্গম দেশে দেশে গায়রে ;

যাব সে আনন্দপুরে, পূর্ণানন্দ রূপহেরে

জগত করিব পূর্ণ আনন্দের কলরবে ।

বনের বিহঙ্গ প্রায়, জাতা ভগী সমুদায়,
 ' আমরা অনেক স্থানে সম্মেলন নই হে ;
 আজি এই শুভক্ষণে, এক প্রাণে এক তানে,
 করি ব্রহ্মনাম গান, এমন দিন আর কবে হবে
 কণ্ঠতা পরিহারি, আলস্য উদাস্য ছাড়ি,
 দূর করি বিষয়ের ভাবনা অসার হে ;
 আজি দেহ গন প্রাণ, ব্রহ্মে কর সমাধান,
 ব্রহ্মানন্দ সুধাপানে, জীবন পবিত্র হবে ।

(ঐ উপলক্ষে)

রাগিণী ললিত—তাল আড়াঠেকা ।
 হুগো কি আনন্দ আজি অপরূপ দরশনে
 এ কি শুভ সমাগম, পিতার শ্রুণ্য-ভবনে ।
 মিলে যত ভগী জাতা, যেন ফুল তরু স্নাতা
 সরলতা পবিত্রতা, খেলিছে চক্রে-বদনে ।
 ভাবেতে বিবশপ্রায়, এ উহার মুখে চায়,
 আত্ম-পর-জ্ঞান হারা, ধারা ছুইয়ানে ;—
 উঠেছে প্রাণ-লহরী, কি আনন্দ গরি গরি,
 নাচিছে হৃদয় সবার, প্রাণে প্রাণ পরশনে ।
 সম্মুখেতে শান্তিধাম, স্বর্গরাজ্য যার নাম,
 তবে আর কেন ভুলি সংসারের প্রলোভনে ?

ছাড়ি গোহ কোলাহল, চল সবে চল চল,
যার তরে এত আশা, সেই সুখ-নিকেতন ।

(জন্মোৎসব বা নামকরণ উপলক্ষে)

(রাগিনী পিলু—তাল ঝাঁপতাল)

এমন সুন্দর ক'রে, কেন তোরে নিরমিল ;
কেন ভালবাসি তোরে, ওরে শিশু বল বল ?
ফুটন্ত ফুলের মত, হাসিতেছ অবিরত ;
এ গৃহ-উদ্যান তোমার রূপেতে করেছে আলো ।
শিশুরে তোর কচি মুখে, তোমার ঐ সরল চোকে,
এমন স্বর্গের সুধা বল বল কে ঢালিল ?
আধ আধ কথা কও, মন প্রাণ কেড়ে লও ;
এ সুন্দর দেব-ভাষা কে তোমারে শিখাইল ?
এমন কৌশল করে, ভুলাতে পাষণ নরে,
তোমার জীবনে করে, স্বর্গমর্ত্য মিখাইল ?
ধন্য ধন্য ধন্য তিনি, ধন্য সে জগৎ-জননী ,
স্মরিতে তাঁহার প্রেম, নয়নে উথলে জল ।

(বিবাহ উপলক্ষে)

রাগিণী জয়জয়ন্তী—তাল ঝাঁপতাল ।

দেখ দেখ দেখ দেব দয়ার নিধান ;

শুভ আশীর্বাদ নাথ, কর বরষণ ।

তব কৃপা-সরোবরে, সুটিয়াছে একতরে,

যুগল কুমুম-কলি, অতি সুশোভন ;

প্রেমহস্তে লও তুলে, এ দুটি হৃদয়-ফুলে,

গাঁথি দোহে একসূত্রে রাখ চিরদিন ।

স্বাধীন সুন্দর যেন, এ দুটি হৃদয় মন,

থাকি সদা পরস্পরে করে আকর্ষণ ;

উত্তাপ আলোক প্রায়, জীবনেতে মিশে যায়,

সামিতে তোমার কার্য্য, করে আত্মসমর্পণ ।

আর কি অভাব রবে, দুইহস্ত এক হবে,

দুই হৃদয়ের বল এক পথে প্রবাহিবে ;

জাহ্নবী-যমুনা-প্রোত, সম হয়ে ওতপ্রোত,

অনন্ত পুণ্য-সাগরে হুইবে মগন ।

(সাধারণ ব্রহ্ম মন্দিরের ভিত্তি-স্থাপন উপলক্ষে)

রাগিণী মল্লার—তাল আড়াঠেকা ।

এস এস এস আজি, শুভদিনে শুভক্ষেণে ;

সত্যের প্রতিষ্ঠা করি, মিলে সব বন্ধুগণে ।

আর কি বিলম্ব নয়, হেরিতে সে পুণ্যালয়,
 পূজিব যেখানে তবে, নিত্য সত্য সনাতনে ?
 হইবে সত্যের জয়, ইথে আর কি সংশয়,
 তবে আর কেন ভয়, চাহি আপনার পানে ?
 “পঙ্কতে লজ্জয়ে গিরি,” এই মহাবাক্য স্মরি,
 সাহসে নির্ভর করি, এন তবে প্রাণপণে ।
 শীঘ্র কর আয়োজন, সঁপি দেহ প্রাণমন,
 বিদ্যা বুদ্ধি জ্ঞান ধন, শুভ সংকল্প-সাধনে ;
 পরব্রহ্ম নাম স্মরি, বিশ্বাস পত্তন করি,
 পবিত্র ব্রহ্ম-মন্দির উঠাও হে উঠাও গগনে ।
 ঐ পুণ্য-নিকেতনে, দেখিব প্রেম-নয়নে,
 • সূন্যারে স্বর্গের শোভা বড় আশা আছে মনে ;
 এন তবে এস ভাই, বিলম্বতে কার্য্য নাই,
 শুভ আশীর্বাদ চাই, দীননাথের শ্রীচরণে ।

—*—
 রাগিণী মুলতান—তাল একতাল

একি হলো জননি ; আগায় করুণা
 করমা করুণা-রূপিণি ।
 অজান অধারে সার্থের ছলমে,
 প্রবেশিলাম বিষম বিষয়-বিষ-বনে ;
 আগার শয়নে স্বপনে, বিষম দহে প্রাণ,
 কিবা দিবা রজনী ।

(মাগো) তোমার প্রেমরাজ্যে, তোমার প্রেম-কার্যে,
এসেছিলাম আমি দুবাসয় ; আগার সঞ্চার
সম্মল, যত ধন ছিল, কুকর্মে খোয়ালোগ সমুদয় ;—
পুণ্যক্ষেত্রে এসে আমি হতভাগ্য, আজীবন শুধু
করলেম পাপযজ্ঞ ; দুঃখের অনলে, দাহিলেম
সকলে (এখন) জ্বলে মরি আপনি ।

আগার রিপু ছয়জন, দিল কুগুণা, অশুভা
যাতে ঘটেছে ; তারা মায়াবী দুর্জয় হাসিছে এখন,
আমারে নিধন করেছে ;—অসহায় হয়ে
সংসার মাঝারে, কাতর প্রাণে ওমা ডাকিগো
তোমারে ; করুণা কটাক্ষে এদাগেরে রক্ষ কর
দুঃখ-হারিণি ।

—*—

রাগিনী মল্লার—তান একতাল ।

কোথা হে এখন বিপদভঞ্জন, অধর্ম সম্বাদনে
কর দরশন ।

কৃপা কল্পতরু হে ভব-কাণ্ডারি, আগি হে
তোমার কৃপার ভিখারী ; দীনে দয়া করি,
দিয়ে পদতরী, কর বিশ্বনাশু বিশ্বনিনাশন ।

আগায় অন্ধ করেছেন শত প্রলোভন,
ভ্রমে ভ্রমে ক্ষীণ হলো হৃদয় মন : বিবেক

বুদ্ধি বল, বিলুপ্ত সকল (হলো) বাসনা-অনলদাহে ;
শেষের সম্বল আছে মাত্র আশা, সম্পদে
বিপদে ভুগিছে ভরসা ; এই মৃত প্রাণে, শাস্তি
বারি দানে, বাঁচাও বাঁচাও ওহে মৃত-সঞ্জীবন ।

আমি এলেম তোমার নামে, সংসার সংগ্রামে,
এই কি দশা আমার হলো পরিণামে ; লজ্জা
অভিমান, জ্বলে গরি প্রাণে, দুঃখে বুক ফেটে
যায় হে ;—পতিত সন্তানে করিয়ে উদ্ধার, মুচাও
মুচাও নামে কলঙ্ক তোমার ; জ্ঞান কি অজ্ঞানে,
পিতা তবস্থানে, অপরাধ মম করছে গোচন ।

—*—

কীর্তন ভাঙ্গা সুর ।

(আমার) হৃদয়ের কথা, প্রাণের বারতা,
শোন শোন প্রেমময়
(আমি) তোমার লাগিয়া, কাঁদিয়া কাঁদিয়া,
জীবন করিব ক্ষয় ।

(দীন হীন কাঙ্গালের বেশে)

(নাথ) তব প্রেমবারি, চাহিতে কি পারি,
অধম পায়স অতি ?
(কর) এই আশীর্বাদ, ওহে প্রাণনাথ,
তোমাতেই থাকে মতি ।

(আগি আর কিছু ধন চাই না হে নাথ)

(ওহে) নিজ গুণে নাথ, যোরে পিপাসিত,
করেছ করেছ তুমি ;

(যখন) সেই পিপাসায়, প্রাণ ফেটে যায়,
বড় সুখে সুখী আমি ।

(ସୁଗମି ଶକଳି ଜ୍ଞାନ)

(জানি) প্রেমিক যে হয়, ওহে প্রেমময়,
যোগানন্দ রস পিয়ে ;

(সে যে) পরম পুলকে, নাচে গায় সুখে,
তোমা'রে হৃদয়ে লয়ে ।

(সে যে আর কিছু ধন চায় না হে নাথ)

(আমি) অভক্ত দুর্জয়, প্রেম কিবা ধন;
জানিনা পাষণ-হিয়ে;

(কেবল) ক্রীমুখ দেখেছি, অভয় পেয়েছি,
আছি আশাপথ চেয়ে ।

(ভূষিত চাক্ষকের মত,)

(আমি) তোমার লাগিয়া, কঁাদিয়া কঁাদিয়া,
যদি আশা দিতে পারি ,

(ଆମି) ମେହି ଭାଗ୍ୟବାନି,
ସାହି ଶୁଣ ବଳିହାନି ।

(११)

(আনি) হৃদয়-শোণিতে, নয়ন-বারিতে,
 ধোয়াবো চরণতল ;
 (আমার) বাগনা পূরিবে, দুঃখ দূরে যাবে,
 জনম হবে সফল ।
 (সে দিন আমার কবে হবে ।)

—*—

বাউলে সঙ্গীত ।

তাল খেমটা ।

এক আজব সহর দেহের ভিতরে ;
 তথায় কত দেশের কত ভাবের মানুষ বসত করে ।
 শিরায় শিরায় রক্তচলে যেমন কলের জল,
 সহর করুতেছে শীতল ; কিবা মিউনিসিপ্যাল
 বন্দোবস্ত, মলা নর্দামাতে সরে ।

দুই ঘরেতে গ্যাসের আলো, আয়না-মহল ঘর
 করে আলোকময় সহর ; আছে নীচে
 দুটো রেলের গাড়ী, ঐ সহর গাথায় করে ।

গাঝানেতে বড় বাজার গলি বহুতর,
 তাতে গুণ্ণগোল বিস্তর ; হচ্ছে আগদানি
 রথানি, যত মহাজনের ঘরে ।

উর্ধ্বে আছে কেপ্পা বড় পাথরের প্রাচীর,
নয় সে মহরের বাহির ; তাতে জ্ঞানচক্র
সেনাপতি, ফিরে গন-ঘোড়াতে চড়ে ।

গোটা কত দ্রুত আছে কাম ক্রোধানি, তারা
পুরাণা কয়েদী ; তারা মোহ অন্ধকার রেতে,
পথে বদমায়েসি করে ।

শম দম সহিষ্ণুতা, তিতিক্ষা যত,
এরা ধর্মেতে রত ; এসব সাধুর সঙ্গ পেলে পরে,
কোন ভয়নাই মহরে ।

ইচ্ছা রাণীর রাজ্য মেখা, এসন তার বিধি,
নেইকো রাজ-প্রতিনিধি ; রাণী খাস কামরায়
বসে নিজে রাজ্য শাসন করে ।

বিবেক নামে বিচারপতিন্দ্র এজলাসে,
আছে হাইকোর্টে বসে ; সে যে আদালত
ফৌজদারী আদি সকল বিচার করে ।

পাথক বলে গেই মহরে গিয়েছিলেন ভাই,
এমন কোথাও দেখি নাই ; এক আলোক-
মানুষ বিরাজ করে প্রাতি ঘরে ঘরে ।

তাগ লোভা ।

দেখেছি রূপ-সাগরে মানের মানুষ কাঁচা সোণ ;

তারে ধরি ধরি মনে করি,

ধরতে গেলেম আর পেলেমনা ।

বহু দিন ভাবতরঙ্গে, ভেগেছি কতই রঙ্গে,

সুজনের সঙ্গে হবে দেখা শুনা ;

তারে আমার আমার মনে করি,

আমার হয়ে আর হলো না !

সে মানুষ চেয়ে চেয়ে, ফিরতেছি পাগল হয়ে,

মরমে জ্বলছে আগুন আর নিবে না ;

আমায় বলে বলুক লোকে মন্দ,

বিরহে তার প্রাণ বাঁচে না !

পাখি কয় ভেল্লানারে, ডুবে যাও রূপ-সাগরে,

বিরলে বনে কর যোগ-সাধনা ;

একবার ধরতে পেলে মানের মানুষ,

ছেড়ে যেতে আর দিওনা ।

ঐ সুর, ঐ তাল

আজ আমার প্রেম-সাগরে জীবন-তরী ডুবে গেছে ;

এ তরী ভাসবে না আর, ভাসবে না আর,

মূল-কোঠাতে জল উঠেছে ।

ডুবছে জীবন-তরী, উঠেছে তুফান ভারি,
 তরঙ্গ দেখে অঙ্গ কাঁপিতেছে ;
 ভয় পোয়ে জ্ঞান-কাণ্ডারী দশজন দাঁড়ী
 অবাক হয়ে বসে আছে ।
 যা কিছু বোঝাই ছিল, সকলি ভেসে গেল,
 এ তরী রক্ষা করে (এমন) কে আর আছে ?
 আমার সঙ্গে ছিল ছয়টা ঠাকর,
 সঁতার দিয়ে পালিয়েছে ।
 পথিক কয় ভাল হলো, মনরে তোর ভাগ্য ভাল,
 আর কেন হাবার মত ভাবিস মিছে ?
 এখন কাঁপ দিয়ে পড় গুরু বলে,
 যা হবার তা হয়ে গেছে ।

তাল—থেমটা ।

প্রেম-নদীতে দিয়েছি সঁতার ,
 এখন দেখিনাকো কুল কিনার ।
 আমি মাঝগাঙ্গেতে পড়েছি এসে,
 আমার বুলি বসন যা ছিল, সব গিয়েছে ভেসে ;
 আমি এমনি বেশে গৃহবাসে, ফিরতে যে
 পারিনে আর ।

আগি নদীর কূলে আলোক দেখেছি,
 আগি আলোক-ধামে যাবো বলে সঁতার*
 দিয়েছি ; এখন হাবুডুবু খেয়ে মরি,
 কূল না পেলে বাঁচা ভার !
 পথিক বলে শোনু রে আমার মন,
 আছে আলোক-ধামে মনের মানুষ অমূল্য
 রতন ; একবার প্রাণটি ভরে ডাক তারে,
 কটাক্ষে সে করবে পার ।

—
 ঐ সুর—ঐ তাল ।

মনের দুখ বলবো আর কারে ?
 আমায় পাগল বলে সংসারে !
 (মিছে পাগল বলে আমারে)
 *ওরে প্রাণের মাঝে পাগল যে জন হয়,
 সে যে ভুলে যায় এই ভবের খেলা, কথা
 মিথ্যে নয় ; সে যে হাসে খেলে নাচে
 কাঁদে, নয়নে ধরা পড়ে ।
 পথিক বলে আগি পাগল নুই,
 (কেবল) ব্যথার ব্যথী পেলে দুটো মনের
 কথা কই ; আমায় এই জন্মে কি পাগল বল,
 বলি এক কথা বারে বারে ?

আমি নয়ন মুদে যেরূপ দেখতে পাই,
আমি চোক মেলে তা পাই নাকো, তাই
পাগল হতে চাই; আমি পাগল হলে
প্রাণটা খুলে, ডেকে নিভেম তাহারে।

অষ্ট সুর—তাল খেমটা।

আমি অপরূপ রূপ দেখেছি, রূপ-সাগরের পারে;
ঐ ভুবনমোহন রূপে পাগল করেছে আমারে।
আমার মন মানে না, আমার প্রাণ মানে না;
আমি আর যাবো না আর যাবো না,
আর যাবো না ঘরে।
আমি কাঙাল বেশে, ঘুরে দেশে-দেশে,
আমি প্রেম-নগরে এনে শেষে পেয়েছি তাহারে।
কৈদে পণিক বলে, ভেঙ্গে নয়ন ফেলে;
আমি প্রাণারামেরাখবো ভরে প্রাণের মাঝারে।

ঐ সুর—ঐ তাল।

আমায় কাঙাল বলে দয়া কর, হে ভব-কাঙালি;
তুমি অধমভারণ, নিলেম শরণ, দাও হে চরণ-তরী।

আমার প্রাণের ব্যথা, মনের সকল কথা,
তুমি হৃদয় মাঝে থেকে জান হৃদয়-বিহারি !
আমি এ সংসারে, পড়ে অন্ধকারে,
প্রভু দেখিতে না পাই তোমারে, কি করি কি করি !
আমি দীন হীন, তুমি সকল জান ;
আমি আর কিছু ধন চাইনা, তোমার
 প্রেমের ভিখারী ।

যাবে সকল দুখ, তোমার প্রেমমুখ,
আমি দিবানিশি অনিমেষে দেখবো
 নয়ন ভরি ।

মৃত্যু সুর—তাল থেমটা ।

বুঝি ভবে এসে কুবাতানে (হায় হায় !)
 ডুবলো ভরা ;
একে ক্ষুদ্র তরী তুফান ছারি, ভেবে ভেবে
 হলেম সারি ।
আমার পারের সহায় বন্ধু যে ছিল,
নে যে আমার দোষে নেশার বশে মৃমিয়ে রইলো ;
এখন হাবু ডুবু খেয়ে মরি,
দেখিগাকে কুল কিনারা ।

হলো চারি দিকে মেঘের ঘটাঘোর,
 ভাতে ভাঙ্গা নায়ের ভাঙ্গা বৈঠা, হালে
 নেইকো জোর ; আগায় একা ফেলে গেল চলে,
 সাথের সাথী ছিল যারা ।

পথিক বলে শোনুরে আগার মন,
 যে জন পারের কর্তী ডাক তাঁরে মুদে
 ছুনয়ন ; তরী আপনি যাবে তবের কূলে,
 ঐ নামে কেউ যায় না মারা ।

—
 ঐ সুর—ঐ তাল ।

আগার সার হলো এ ভবে এসে (কেবল) কোপ্পিপরা
 আগার প্রাণের মাঝে প্রাণের মানুষ, ধরতে
 গেলে দেয় না ধরা ।

আগি যার জন্মেতে হলেন উদাসীন,
 আগি আর কিছু ধন চাই না কেবল
 তারি প্রেমাদীন ; আগি তারে ছেড়ে এ সংসারে,
 হয়ে আছি জ্যাস্তে মরা ।

আগার প্রাণের মাঝে এসে যে ছিল,
 আগি বলতে নারি কিবা রূপের আদো
 দেখালো ; আগি আঁধারে ঘরে কেঁদে মরি,
 হারিয়ে সে নয়ন-তারি !

আমার প্রাণের গানিক কোথা লুকালো,
আমি কি সাধনে সে রতনে পাব তাই বল ?
(মনরে) পথিক বলে নয়ন জলে,
কেঁদে কেঁদে ভাসাও ধরা ।

অন্ত সুর—তাল খেমটা ।

ভাল একরঙ্গ ভুগি এ সংসার ;
এতে দেখছি যত চমৎকার ।
আজ রাজা জমিদার, কাল ভিক্ষা-পাত্র সার,
এখন আনন্দ উৎসব রঙ্গ, পরে হাহাকার ;
আবার এই কামা এই হাসি,
লোকের তবু এত অহঙ্কার ।
এ যে সব দৃশ্য মনোহর, থাকবে না দুই দণ্ড পর,
যত গীত বাদ্য রং তাম্রা সুরের আড়ম্বর,
যখন সময় হবে, সব ফুরাবে,
তখন দেখবে কেবল অহঙ্কার ।

পথিক কয় শোন্সে আমার মন, পেয়েছিল
ভাল আয়োজন, ভুগি সাবধানে খেলো খেলা
করিয়ে যতন ; নৈলে পট-ক্ষেপে হঠল পরে,
পাবে অনুযোগ আর তিরস্কার ।

অন্য সুর—ভাল একতামা।

ওরে অবোধ মন আমার ;

প্রেম-ধামের পথে বসে, ভাবছ কিরে আর ?

খেলে আমার খুল-খেলা, ক্রমে হলো অনেক বেল,
দিন গেলেন গম্ভীরা হলে, হবে রে আঁধার ; সম্মুখে
ভোর আশা-নদী, (তাতে) দিতে হয় গাঁতীর ।

একবার যদি যতন করে, যেতে পারিস প্রেমনগরে,
দেখবিরে তুই নয়ন ভরে, শোভা চমৎকার ;
দিবা নিশি মিলে সেথা আনন্দ-বাজার ।

প্রেমনগরের কর্ত্তা যেজন, করে সে যে প্রেমের
দাদর,

পথিক বলে কাঙাল বেশে; থাকবিনারে আর ;
বিনা মূলে বেচবি জিনিষ (হবে) শত গুণ ব্যাপার ।

অন্য সুর—ভাল রূপক।

আমার নয়ন-মণি, নয়ন পানে চেয়েছে ;

উহার রূপেতে ডুবন আলো করেছে !

কিবা অপক্লপ মরি মরি, নয়ন ফিরা'তে নারি,
সহচরি গো ; আমার অন্তরে পরশমণি লেগেছে ।

আমি ঐ রূপ আর ভুলবো না,

আর ঘরে রাখো না,—

আমার নিবান প্রাণের আগুন, আজ হতে
জ্বলছে দ্বিগুণ, সহচরি গো ; যে সে কটাক্ষে
আমায় পাগল করেছে ।

অন্য সুর—তাল থেমটা ।

যোগী সাজায়ে দে, আজ আমারে ;
(আমার) মন মানে না প্রাণ মানে না,
ধাকবো না আব এসংসারে ।

ভাল করে মুড়িয়ে মাথা ;
(আমার) অঙ্গে দে রে ছেঁড়া কাঁথা ;
ও পাপ সংসারের কথা,
ঐ কথা আর বলোনারে ।

(মেখে) বৈরাগ্য-বিভূতি অঙ্গে,
(আমার) প্রেমের ঝুলি দে রে সঙ্গে ;
দীন হীন কাদালের বেশে,
মেগে খাবো ঘরে ঘরে ।

যার জন্তেতে প্রাণ উদাসী,
(হবো) তারি তরে বনবাগী ;
(আমার) প্রাণের মানুষ হারিয়ে গেছে,
প্রাণের ব্যথা বলবো কারে ।

রাম প্রসাদী স্তব ।

মনেরে বিলাতে খাবি ;
 তুই কি সাধ করেছিস, সাহেব হবি ?
 'সাত সমুদ্র তের নদী' পার হতে মন পারিস যদি ;
 তোরে যা বলি তাই করিস, নৈমল্লখা কুল-মান খোয়ানি ।
 পরীক্ষা তোর পদে পদে, কখন বা পড়িস বিপদে ;
 ওরে তত্ত্বজ্ঞানটী সাধন হলে, বারিষ্টারের মনদ পাবি ।
 পাপ পুণ্যে দ্বন্দ্ব অতি, (করিস) বিবেকেরে স্ফিটারপতি ;
 আর বৈরাগ্যটী বায়না নিয়ে ছজুরে বজুতা দিবি ।
 কি খাবি বিলাতে যেয়ে, তাও কি তোরে দিব ক'রে ?
 (ওরে) অহঙ্কার-বলনের মাথা, প্রোমের তেলে ভেজে খানি ।

ঐ স্তব ।

মনেরে তোমার বিদ্যে কত ;
 আমি দেখে শুনে বুঝলেম না তো ।
 প্রবেশিকার কাণে রে মন, ছিলি দিব্য ফুলের মত ,
 শেষে অন্ধকালে নিয়ে হয়ে,
 একেবারে হলি হত ।
 সাহিত্য কি গণিতাদি বাল্যকালের পাঠ্য যন্ত,
 ঐ সব পড়া বিদ্যে ছেড়ে দিয়ে,
 ব্রহ্ম-বিদ্যায় হওরে রত ।

শ্রীগৌরান্দের দেশে গিয়ে শাস্ত্র তত্ত্ব পড় যত ;
তাতে অর্থ খ্যাতি পেতে পার,
পরমার্থ পাবে না তো ।

ঐ শূর ।

তো'র নাম কিরে কাঁচা সোণা ?
তুই যে অষ্ট ধাতু রাং মিশানা !
সোণা কিরে শক্ত এত, ভক্তি-সোহাগায় গলে ? না
একবার বিশ্বাসের আঁঙনে পড়ে, ব্রহ্মাগ্নিতে
গলে যান্না ।

তামা কাঁচার মিছে আশা, সোনার রং ত জলে
বায় না ; আচ্ছন্ন মৃত্যুশয্যা কষ্টি-পাথর, ঘষলে পরে
যাবে জানা ।

পথিক নলে শোনরে ও মন, জেতের বিচার
আর, করো না ; যত ধূস্র পথের যাত্রী, তাদের
নুপুর হয়ে লেগে রওনা ।

* শ্রী সোভাগ্য, গৌরান্দ্র, শ্বেতান্দ্র ।

সাগরসাগরী জ্বর ।

থাকবেনা আর জামিদারি ;
আমি ঐ ভাবনা ভেবে মরি ।

পাঁচ গ্রামেতে দশজনাকৈ করেছিলাম
পাটোয়ারি ; তারা ছকুম তামিল করে না কো,
করতে চায় কেবল বাটপাড়ি ।

অশামনে প্রজাতুল হয়ে গছে শ্বেচ্ছাচারী ;
তারা হাল বকেয়া খাজনা দেয়না, করছে কেবল
জুরাচুরি ।

ছয়জনা এয়ারের সঙ্গে রঙ্গ করলাম দিন
দুই চারি ; আমি সদর গফঃগলেব খবর
নিলাম নাকো হেলা করি ।
মনা বেটা নায়েব ছিল, তফিল ভেঙ্গে করলো চুরি ;
সে যে আপনা জামিন আপনি ছিল, বল তারে
আর কি করি ?

লঠের কিস্তি নিকট হলো, কালের হাতে
কালেক্টরি ; কেবল বিকুনিলাগ করবে না কো
মারবে পিঠে বেত্তের বাড়ি ।

পথিক বলে রাজার রাজা মহারাজা দয়াল হরি,
(ও) তাঁর দোহাই দিয়ে পড়ে থেকে রক্ষা করবেন
দীন-কাণ্ডারী ।

রামপ্রসাদী সুর ।

কাজ নাই আমার গৃহ-বাগে ;

আমি সব খোয়ালেম ঘরে বসে ।

মাতা আমার সহায়ী, পিতা আছেন নিরুদ্দেশে ;
ঘরে কুটিঙা কুটিল জায়া, খেটে গরি তারি বশে ।

যা হবার তা হয়ে গেছে, শোনরে ওমন সৰ্কনেশে ;
এখন বৈরাগ্য-বিভূতি মেখে, গুরু বলে চল বিদেশে ।

পথিক বলে ভাবনা কিরে, চল যাই একবার ভক্তির
দেশে ;
যদি প্রেমের ঘাটে ডুবতে পারিস, মনের মানুষ মিলবে
শেষে ।

ঐ সুর ।

মনরে কৈন নিরাশ হলি? দুটো কাজের কথা তোরে বলি ।

এসে কিরে শক্তির দেশে, শক্তিশূন্য হয়ে গেলি ?
একবার কাঁটা ফুটে কমল তুলে, শক্তির পদে দে অঞ্জলি ।

মনোবাঞ্ছা পূর্ণ হবে, সাহস খড়্গা নেরে তুলি ;
একবার সহিমুতার হাড়কাঠে, তোরে মন পাঠাটা দেরে
বলি ।

যে বর ইচ্ছা সে বর পাবি, পথিক বলে, শোনরে বলি
সে যে মানুষ হয়ে দেবতা হয়, (যে জন) মহাশক্তির
বলে বলী ।

অচ্য সুর, তাল থেমটা ।

সেই এক দিন আমি দেখেছি তারে ;

যে দিন হৃদয়-পুরে এসেছিলেন,

ঐ আশা নদীর পারে ।

আর নয়নে দূরে থেকে দেখেছি যে রূপ,

সে যে অতি অপূর্ণ ;

জিনি কোণী চন্দ্র মুখের শোভা,

কত শাস্তি-সুধা স্করে ।

কৃপা-কল্লভরু-তলে গিলে রাখাগণ,

সবাই করিছে রগণ ;

(দেখলেন) তার গাবোতে সে জিভস,

(আহা) কত রঙ্গ করে ।

পথিক বলে চল চল হৃদয়পুরে যাই,

যদি সেক্ষণ দেখতে পাই ;

রাখবো ঝাণ-পুতলি করে তারে,

(এই) ঝাণের মাঝারে ।

অচ্য সুর—তাল একতালা ।

অনর্থক অল্লাস গোঁড় করোনা ;

কিসের সুধা কিসের তুষা শোভরে মনি ?

অন্য সুর—তাল খেঁচটা ।

পড়েছিস কি ভুলে মন এসে ভবে,
দিন কিরে তোর এমনি যাবে ?
হাবা তোর মাটির দেহ, মাটির গৃহ,
মেটে হাঁড়ি সব পড়ে রবে; .
তখন তোর প্রাণের দুখে, গলিন মুখে,
নয়নে ধারা বহিবে ।

মনরে তোর কপাল মন্দ, মোহে অন্ধ,
 ভাল মন্দ আর বুঝবে কবে ?
 যারে কও আপন আপন, রে ভোলা মন,
 ভাঙলে স্বপন সব পালাবে ।
 হয়েছ ঢালাক হৃদ, গণে চৌদ্দ,
 সাথে পাঁচ কি মিল পড়িবে ?
 খেয়েছ আপন আঁখি, ধূলায় ঢাকি,
 পরকে ফাঁকি দিবে ভেবে ।
 পথিক কয় শোন্সে ওমন, হারাণ রতন,
 পেতে যদি চাওরে ভবে ;
 তবে সব সাধুর সাথে ভক্তির দাটে,
 রূপ-সাগরে ডুবতে হবে ।
 ডুবে সেই রূপ-সাগরে, রূপের নীরে,
 তলায় পড়ে থাকতে হবে ;
 পেলে সেই অমূল্য ধন, রে ভোলা মন,
 মানব-জন্ম সফল হবে ।

বাউলে স্বর—তাল থেমটা ।
 ভোলা মনরে আগার, ভোলা মন রে ;
 ভবের কাণ্ডারী হরি জানলিনে কেনন ।
 যে জনে ভবে ললি, সে কথা ভুলে রলি,

কি করতে কি করিলি, ভাবলিনে কখন রে ;
যখন মাটির দেহ হবে মাটি, ওগন এই কথাটি জেনো খাঁটি,
শেষের সম্বল কেবল সেই হরির চরণ ।

সে হরি সঙ্গে থাকে, চোকে না দেখি তাকে,
প্রাণেতে যে জন ডাকে, পায় সে দরশন রে ,
(ওরে) যার হুকুমে পবন চলে, মাটি ফেটে মাগা ফলে,
জলেতে আগুন জ্বলে, সেই হরি সে জন ।

“যাগ যজ্ঞ, বলী ব্রত, না বুঝে কচ্ছো যত,
সে হরি মানুষ নয়তো, করবেনা গ্রহণ রে ;
পথিক বলে শোনুরে গনা, তুই সাধু জনার সঙ্গ নেনা,
প্রেমের সাধনা বিনা, গিলে না সে ধন ।

• ভালখেমটা ।

মন রে তোঁর ভ্রম গেল না ;
তুই আগল কথা কি বুঝলি না।
মুদলে আঁখি সকল ফাঁকি, জেনেও কি তাই জাননা ?
‘তুমি জেগে স্বপন দেখছো রে মন,
• এই কি তোমার বিবেচনা ।
শাস্ত্র-বাক্যে নেইকো ঐক্য, মোক্ষ-ফল তাতে পাবেনা ;
একবার হৃদ-কুণ্ডারে আলো করে,
মনের মানুষ খুঁজে নেনা ।

মক্কা কাশী হুন্দাননে বিতাজ করে একই জনা
কাজ কি তোর তীর্থ বাসে, ঘরে বসে করুগেতে
তার উপাসনা ।

এক দিন যে দেখেছে গেই অক্লপক্লপ কাঁচা গোণা;
তার চিত্ত পটে লেগে আছে, নয়নে আছে নিশানা ।
ভক্তি-নদীর উপকূলে, বসে কর যোগ-সাধনা ;
পেলে গেই ব্রহ্মানন্দ, যাবে সম্ম, চকু পাবে অন্ধ জনা ।
দিনে দিনে দিন গেল মন, এমন দিনতো আর পাবেনা,
এখন পথিক বলে, থাকতে সময় মাধু জনার মজ নেনা ।

ফিকিরটাদেয় স্মরণ ।

আগার মন নেশার বশে, হারিয়ে দিশে,

আগল কথা সুস্মিলা নারে ।

আনুলিনে পরমার্থ, আত্ম-তত্ত্ব

মত্ত আছে অহকারে ;

ভাব তাই তোমার মত্তন, মানুষ-রতন,

কেউ বুঝি নাই এ সংসারে ।

থাকুনেনা ছুনিয়াদানি, বাহাদুরি,

দিন ছুটানি গেলে পারে ,

মনের তোর টাকা কড়ি, জমিদানি,

হাকিম গিরি থাকবে নারে ।

প্রেম-সংকীৰ্ত্ত ।

-----*

রাগিনী বাদ্যেয়া—তাল হুংরি ।

ভালবাসা জানি না কি ধন ;
মনের মানুষ আমার, হলো না সে জন !
সংসার-সাগর-কূলে, পায় কেহ বিনা মূলে,
সাধনের ধন সেই পরম-সুখম ;
কেহ প্রাণপণ করি, ভাসিয়ে জীবন-তরী,
না পেয়ে কুল ঈকনারা, হইল মগন !

-----*

রাগিনী লুং ঝিট, তাল একতালা ।

ভুলিব কেমনে, সে বিধু বদনে ?
হৃদয়-শোণিতে, নয়ন-বারিতে,
পূজিয়াছি বাদে চিতে, বসি যোগ-ধ্যানে ।
সাধ ছিল মনে, সে জীবন-ধনে,
নাথি যুগ যুগ ভরি, নয়নে নয়নে !

-----*

রাগিনী ভৈরবী (জংলা)—তাল আড়া ।

স্বপনে দেখেছি আমি, স্বপ্নের প্রিয় ধনে ;
যার ভরে দিবানিশি, ধারা বহে ছু নয়নে !

অকলঙ্ক শশীমুখী, ছল ছল করি আঁখি,
করেতে কপোল রাখি, বসেছে অধোবদনে ।
দারুণ বিষাদ-ভরে, বচন নাহিক সরে ;
কম্পিত অধরে একবার চেয়েছিল এ নয়নে ।
এই গাত্র বলেছিল “প্রাণনাথ বল বল,
কত কাল আর এ দুখিনী দধি হবে এ আঁগুনে ।”

রাগিনী ঐ—তাল ঐ ।

কি বলে বুঝাবো আমি, হৃদয়ের ভালবাসা ?
করে কবো এ যাতনা, কে বুঝিবে এ দুর্দশা ।
ইচ্ছা হয় প্রাণভরে, “প্রিয়” বলে ডাকি তারে ;
স্বার্থপরতাতে পূর্ণ মানুষের পাপ-ভাষা ।
এক মুখ দিলে বিধি, • সে দুঃখে দহিছে হৃদি ;
পাইলে অনন্ত কষ্ট, পূর্ণ হতো মনের আশা ।

রাগিনী ঝিঁঝিট—তাল আড়া ।

বড় গাধা লুকাইয়ে, ভালবাসা করি দান ;
ভুগি আশায় নাহি দেখ, আমি কতবার ম'পি প্রাণ ।
হৃদয়ের খাল ভরি, তোমার সম্মুখে ধরি ;
নয়নে নয়ন দিলে, • হয়ে যাকৈ হতজ্ঞান ।

ইচ্ছা হয় থাকি দূরে, স্মৃতি মাত্র মার করে,
 হৃদয় মন্দির মাঝে বসাইয়ে করি ধ্যান ।
 তবে যে দেখিতে চাই, বুঝিতে না পারি ছাই,
 পিপাসায় ঝলে কেন, পোড়া আঁখি মন ঝাণ ।

ঐ রাগিণী ঐ—তাল।

আমার মনের কথা, সকলি রহিল মনে ;
 জানায়ে যে হবো সুখী, হলোনা তা এ জীবনে ।
 যখন তোমারে পাই, ঐ মুখপানে চাই,
 আপনা ভুলিয়া যাই, কিছুই থাকেনা মনে ।
 তোমায় হারাই যদি, ছুঃখানলে দহে হৃদি ;
 কণ্ঠরোধ হয়ে থাকে, ধারা বহে ছুঃমনে ।
 প্রেমাকুলে কেন বিধি ; দেয় ছুঃখ নিরবধি, ?
 ভালবাসা আছে তার ভাষা, নাই কি কারণে ।

রাগিণী পাহাড়ী—তাল আড়া।

তুমি ভালবাস বলে, আমি কিগো ভালবাসি ?
 তাই কি তোমার তরে, ঝাণ কাঁদে দিবানিশি ।
 সুধাংশু মহত্ব করে, পুষ্পে আদ্বিনু করে ;
 কুমুদ-সৌরভে কভু সুধাংশু কি অভিলষী ?
 তুমি যদি সুখে থাক ; মনে রাখ কি না রাখ,
 সুখ দুঃখে যথা থাকি, আনন্দ-মাগরে ভানি ।

দিতে চাই ভালবাসা, দিয়ে নাহি পুরে আশা ;
অবোধ বাণিকে ভুগি, বুঝিবে কি ছঃখরাশি ।

রাগিণী ঐ—তাল ঐ ।

কেন গিয়েছিলেম আমি, সেই যমুনার পারে ;
কেন দেখেছিলেম আমি, সেই প্রেম-প্রতিমারে !
সেই মুখ সুধাকর, সে নয়ন-ইন্দীবর,
সেই প্রেমময় ছবি ভুলিতে যে পারি নারে ।
দেখেছিলেম দেখেছিলেম, কেন মনে রেখেছিলেম ?
রেখেছিলেম রেখেছিলেম, কেন প্রাণ দিলেম তারে !
সে এমন প্রিয় ধন, কিবা ছার এ প্রাণ মন ;
এমনকে আছে তারে না দিয়ে থাকিতে পারে ।

রাগিণী গাহান্না—তাল জং ।

সাধে কি গোলাপ ফুলে আমি ভালবাসি নই ;
আমার মনের কথা, শোনু সখি তোরে কই ।
আমি যারে ভালবাসি, তার মুছ মুছ হাসি,
সুধাংশু-কিরণ-গগ, মাবো মাঝ পড়ে খসি ;
সে অমূল্য ধন পেয়ে, চির পিপাসিত হিয়ে,
পৃথিবী হৃদয় মাঝে, রাখে সখি লুক্কাইয়ে ,—
সে হাসি জমাট হয়ে, ধরাবন্ধ বিদারিয়ে,
বাগানে গোলাপ রূপে ; ফুটে ফুটে উঠে ওই ।

বিবিধ সংগীত।

রাগিণী ঝিঝিট—তাল আড়া।

একি অপক্লপ হেরি হিম-গিরি কলেবরে ;
 মোহিত নয়ন মন বচন নাহিক সরে ।
 অনন্ত ভাণ্ডার সম, শুরে শুরে অনুপম,
 অমূল্য রতন-জালে কে সাজালে গিরিবরে ?
 শিরে শোভে জটাভার, তাহে কিরণ-বিস্তার,
 শারদ চন্দ্রমা যেন যোগীন্দ্রের শিরোপরে ।
 কটিতটে মেঘ-বাগ, বিজলির পরকাশ,
 যেন দীপ্ত চন্দ্রহাস বীর-অঙ্গে শোভা করে ।
 এসন কঠিন দেহ, আসা মরি কিবা স্নেহ ;
 ধন রত্ন ফল পুষ্প দেয় জীবে থরে থরে ;
 মানব সম্ভানগণ, করিতেছে বিচরণ ;
 জনকের বক্ষে যেন শিশুগণ ক্রীড়া করে ।
 বল বল গিরিবর, ভাব কারে নিরস্তর ;
 করে কোমে শূতধারে নয়নের জল বরি ?

আগমনী।

রাগিণী ঠৈত্তরবী—তাল আড়া।

এস এস এস বঙ্গে, দশ ভূজে ত্রিনয়নি ;
 শক্তিরূপা শ্যামা তুমি, তারা ত্রিগুণ-ধারিণি ।
 লহ লহ হে যোড়ষি, শঙ্খ বজ্র ত্রিশূলাসি ;
 ছেদ মা কলুষরাশি, রণরঙ্গ-বিলাসিনি ।
 হর শোক হর তাপ, হর দুঃখ হর তাপ ;
 করুণা কটাক্ষপাতে, হর হর-মনমোহিনি ।
 কি বসন্ত কি শরদে, সচন্দন কোকনদে,
 পূজিব যুগল পদ, এস মা বিপদ-নাশিনি ।

(লড় রিপণকে বিদায় কালে)

রাগিণী বি ঝিট—তাল আড়াঠেকা।

ধন্য ধন্য ধন্য আজি, ধন্য তুমি হে রিপণ,
 ভারতের ঘরে ঘরে তোমারি গুণ-কীর্তন !
 কোটি কোটি নারী নরে, যারে আশীর্বাদ করে,
 দেবের বাঞ্ছিত আহা, তার সে পুণ্য জীবন ।
 কোটি শ্রম হয়ে তুমি, ছেড়ে প্রিয় জন্মভূমি,
 এদেশের হিতব্রতে, করেছিলে আগমন ।

দীর ভুগি ধর্ম-মতি, উদারচরিত্র অতি ;

শিখালে যে রাজনীতি, ধরা মাঝে অতুলন ।

সাম্যমঙ্গ-উচ্চারণে, কাঁপাইলে দৈত্যগণে ;

তবশিরে পুষ্পযুগি করিবেন দেবগণ ।

স্বতন্ত্র-শাসন-বিধি, করেছ যে গুণনিধি ;

ভারতে স্মৃতির ভিত্তি করিয়াছ সংস্থাপন ।

তোমার গুণের কথা, হৃদয়ে রহিল গাঁথা ;

ভুলিবেনা দীন কবি, তব প্রসঙ্গ বদন ।

থেকো থেকো স্মৃতি থেকো, ভারতেরে ভুলোনাকো ;

আমাদের মনে রোখো, এই মাত্র আকিঞ্চন ।

ধর্মের হউক অয়, বিধাতা মঙ্গলময়,

চিরসুখশান্তি তোমায় করিবেন বিতরণ ।

(বাল বিধবার উক্তি)

সাগিনী—তাল একতাল ।

ভারত শ্রমশান মাঝে, আগি রে বিধবা বাল্য ;

বিষের পূরতি ক'রে, বিধি আশায় পাঠাইলা ।

জানিনে কেমন পতি, মনে নাইরে সে মুরতি ;

তথাপি যুবতী হয়ে, পেটে অঙ্গ নাই ছবেলা ।

স্বিভাহ কি তাও জানিনে, কেবল মাত্র পড়ে মনে,
 অনিচ্ছাতে শৈশবেতে খেলেছি এক দুঃখের খেলা ।
 পিতামাতা নিদয় হলো, পরের হাতে সঁপে দিল ;
 ছিঁড়ে নিয়ে কোমল কলি, কণ্টকে গাঁথিল মালা !
 না বুঝিলেম ভালবাসা, নাহি সুখ নাহি আশা !
 কারে কবো এ দুর্দশা, কে বুঝিবে মর্ম্মজ্বালা ?
 নিস্কারণ দেশাচারে, গেল ভারত ছারে খারে ;
 পাপিষ্ঠ ভারতবাসী, পাষণ হয়ে না দেখিলা ।

—*—

(সমাজের নীচতা ও কপটতা লক্ষ্য করিয়া)

রাগপ্রসাদী সুর—একতাল।

অবাক কল্লো জুয়াচোরে,
 গেল সোনার বাঙলা ছারে খারে ।
 ডালীমানুষ হতভাগ্য, বিজ্ঞ হয়ে অন্বেষে মরে ;
 আবার সোনার দরে রাং বিকোচ্ছে,
 কেবল বিজ্ঞাপনের জোরে ।
 কেহ ফলায় ভট্টাচার্য্য, স্নেহের অধিক কথ্য করে
 আবার গাথায় রাখে হজ্জি টিকি,
 কেবল ফাঁকি দিবার তরে ।

কেহ হলো রাজনীতিজ্ঞ, দুই একটা বক্তৃতা ক'রে,
আবার কেহ হলো দেশের বন্ধ,

গালি দিয়ে ইংবেজেলে ।

কেহ হলো ভাণ্ড সাধু, অকণ্য ভণ্ডামি করে ;
ওদের সার্থ বটে পরসার্থ,

অর্থ পেলে সকলি করে ।

আশ্চর্য্য এক দলাদলি, ক্ষুদ্র সাহিত্যের বাজারে,
তাতেই কেহ হলো কবি-শ্রেষ্ঠ,

অবিকল ভজ্ঞা করে ।

কেহ করে বিদ্যা প্রকাশ, দেশছেড়ে দেশ দেশান্তরে
আবার উপাধি হয়েছে ব্যাধি,

কত অবিদ্বানের তরে ।

কেহ হলো সাহেব সুরো, রীতিমত সেলানি করে ;
আবার কেহ হলো রাজা নবী,

বড় বড় খানার জোরে ।

আসল কথা স্বার্থসিদ্ধি, দুষ্ট বুদ্ধি ঘরে ঘরে ;
যখন সময় হবে সব বেয়েবে,

এসময় তো থাকবে নাগে ।



বিশেষ দ্রষ্টব্য ।

অনবকাশ বশতঃ প্রায় দোঁখবার ত্রুটিহেতু কতকগুলি বর্ণাশুদ্ধি রাখিয়াছে, পাঠকগণ ক্ষমা করিবেন যে সকল স্থলে অর্থবোধের ব্যতিক্রম ঘটিতে পারে, নিম্নে কেবল তাহারিই উল্লেখ করা গেল ।

অশুদ্ধ	শুদ্ধ	পৃষ্ঠা	পত্র
দেখিছি	দেখেছি	৪২	১৯
ভাবে	বারেক	৪৮	১৯
গিবিরাজ	গিবিজান	৪৯	৩
হুবসে	হরখে	৫৪	১১
দেশ	দেষ	৯৮	৪
পারেনা	পাবেনা	১০৫	১২
বাণীর	বাণীর	১৭২	৪
গনিত	গলিত	১৭৯	১৪